

玉劍尊聞十卷 原刊本

國朝梁維樞撰

維樞字慎可真定人在前
明由舉人官至工部主事

四庫全

書存目前前有順治甲午自序稱自元以來數百年
間雅言韵事幾同星風凡有聞見略類也說新語
者分部書之簡事素未敢恭一已喜隨所聞見即
書亦未得序時代之先後名位之崇卑今年慮其
日久散失少為刪益刻刻都門然其名書之義未
之言及豈玉劍二字乃其別號或齋名而配以尊
其所聞之義歟其書一依臨川原目併全仿其文

格唯自為之注則又仿劉孝標注例也然是書不做
時代頗少條理而于明人狂誕之辭亦以為佳話而
載之殊太不知間擇矣即所注亦極膚淺非孝標引
書為注所可比擬也以視後未王再麓今世說可謂
臭味無差也矣此書原闕提悟自新二類錢仲芳吳梅邨
業二序均未之言蓋其作序時尚未闕尔

五茸志逸四卷補四卷 寫本

國朝吳履震撰 履震字退庵 是編專記松一郡軼事

凡耳聞目見及涉獵地志小說有可恭廟謨可資

騷壇可排孤憤可助揮麈可供捧腹者無不搜輯

而独于今人今事足為懲往毖未歷歷可恭証者

尤在所略俱隨筆劄記絕無倫次僅分為二編前

編在明季時作有自序凡例及王 昌張家瑩沈新

盛 國芳唐孟融 五序後編入 國朝後作有康熙

乙巳柯 竹 序大旨與唐君公五茸志餘相類而詳

幾十倍之矣

印竹杖七卷

留髡堂刊本

國朝施男撰

男字偉長吉水人順治初隨征廣西以軍功授廣西按察司副使

四

庫全書存目其書几分四類前三卷雜記峒黎風

土各繫以詩皆其官桂林時所作第四卷第五卷

雜記浙江吳楚間名勝亦各繫以詩皆其遊覽時

所作第六卷為其詩集第七卷惟錄劉客生

湘客

楊伯祥廷麟

劉無文

大樸

劉天孫

日襄

倪鴻宝

元略

五人之詩每類各有自作并言此書似小說而不
皆屬小說似別集而不皆屬別集所作皆詞意纖

桃尚沿可安竟陵之末派而又不諧著作体例則
竟是一無可取之書耳前又有來集之文德翼李
來春徐世傳四序

汪氏說鈴二卷

寫本

國朝汪琬撰

琬仕履見禮類

惠棟補注

棟履貫見易類

是書皆記同

時人瑣言碎事以及詩話凡一百十三條略倣世

說之体頗存古意前有自序及題王西樵士祿亦

為之題末有王漁洋士禎跋其書間有自注松厓

復為詳注同時人仕履時事又引古今人書以補

注之亦極詳贍然鈍翁書本屬間言語松厓以樸

學之士而從事于此亦可謂用心于無益之地矣

其不付諸梓人良有以也吳門黃蕘圃丕得全郡

蔣氏賜書樓藏本手校其誤并跋其後又有戴光曾
跋至鈍翁原書近無錫劉堅所編漁洋說郭精華
曾取以附刊其後云

皇華紀聞四卷

漁洋著述本

國朝王士禎撰士禎仕履見傳記類

十三年漁洋奉

四庫全書存目康熙二

命祭告南海道途所經都邑地理山川人物與夫荒塚伏
莽之遺蹟鳥獸草木非常可喜之奇怪搜詩討掘報摭
萃為是編然采之地志小說之文為多不足以正
往事之誣倘史氏之采擇如他所筆記諸也書前
有韓慕廬莫及其從子源二序

隴蜀餘聞一卷

漁洋著述本

國朝王士禎撰

四庫全書存目先是康熙壬子

漁洋奉

命典試四川有蜀道驛程記二卷越二十五年丙子

復奉

命祭告西嶽西鎮江濱有秦蜀驛程後記二卷又記隴蜀

瑣碎之事為是書以其皆非前後驛程記所有故
餘間凡一百十餘條所記雖近小說然足以補兩
記之遺而為修地志者所取材矣

明代叢書

說鈴均收入之

今世說八卷 袖珍本

國朝王暉撰

暉字丹麓
仁和人

四庫全書存目前有康

熙癸亥自序稱說新語一書纂自南宋多摭晉事
而兼及于漢魏今 朝廷右文名賢輩出闕閱才
華遠勝江左其嘉言懿行史不勝載特未有如臨
川袁聚而表著之予志此有年上自廊廟縉紳下
及山林隱逸凡一言一行有可採錄率獵收而類
紀之凡數易歷久乃成今觀其書条目俱遵世說
原編惟自新黜免儉嗇諛險訛漏仇隙諸事不及

備列其于時人定行止據所見諸集輯成而于陸
麓京圻西陵新語採拾頗多並為詳註爵里以及
生卒大略其遺詞命意無不步趨臨川未免遂形
而失影而稱許太嫌過分亦涉標榜之習中又載
及其父實行二條託言皆同人從誌傳採入故名
字稱謂一從本文尚說得去至載入已事亦託言
向豕亦四方諸先生贈言頗多獎借同人即為節取
張列集中恐不足以解免也蓋冉麓聊借此以交
通聲氣無暇顧及体例之乘迂其去劉氏書誠不

可以道里計矣前又有自撰例言及毛際可嚴肇九
徐鳳啗馮景丁澐五序并同人評林十三則



漱華隨筆四卷

借月山房彙鈔本

國朝嚴有禧撰有禧字韋川常熟人是書乃其奉諱

里居鍵戶謝客時所記錄凡一百三十餘則皆記

近代微言瑣事以及掌故間及因果報應卷帙不

緜而語皆徵實蓋其慎也又其大旨又歸懲勸蓋

與尋常小說家異矣前有乾隆壬申安年陳法序

制義科瑣記四卷

函海本

國朝李調元撰

調元仕履見四書類

我

朝承前明之法以八股選士自鄉試會試而至

殿試由前明以迄于今幾五百年儲材養士之厚率

舊作新之制文人學士多喜談而樂道之其雜載

于高文典冊稗官野史之內者未易悉數兩邇因

隨見摘抄自明洪武迄崇禎為三卷

本朝順治康熙為一卷共一百七十六條彙成是編

垂為制科雅話以鳴盛事亦以見

國家待士之隆也雖所記間涉神怪然皆科名中事
尚不惡道惜其不著出處是其一失耳即如卷四
正副考試官王者臣注云者臣子門人夫以康熙
丙子科考官而作乾隆癸未進士之門人難免葛
龔之誚笑亦由其不著書名也前有乾隆戊戌自
序引及或說稱八股取士之制創于元云云則大
謬也

茶餘客話十二卷

七錄齋活字版本

國朝阮葵生撰

葵生字寶誠號唐山山陽人乾隆
壬申舉人官至刑部右侍郎

唐山官京師最久藏書最富凡所得于載籍以逮
見聞所及輒誌于冊積二十年成三十卷所記自
經史及

國朝典故淮陰事故下及書畫禽魚之類靡不誦貫
精核獨出以己見論斷而折衷之多有未經人道
為說部諸家所不及者其書未及付梓而殉吾邑
戴菴塘畧為選定是編問附案語以話活字版印

行前有吳江楊復吉題詞末有其子鍾琦及菡塘
二跋 抗海珠塵亦收入之

談墨錄十六卷

函海本

國朝李調元撰是編所紀皆本朝甲乙丙榜諸名

臣之言行及科場之條例兼徵軼事奇聞自

國初起每科俱按題名碑錄科分前後而康熙己未
乾隆丙辰兩舉鴻博辛未一舉經學得又尤盛亦
併逐一搜羅詳為考釋足以備詞林之典故續玉
堂之佳話烏其曰談墨錄者用唐人以談墨書榜
人名故事云書于乾隆乙卯自為之序後之人繼
是編而續之當斷自嘉慶改元始矣

槐廳載筆二十卷

原刊本

國朝法式善撰

法式善仕復
見傳記類

時旣官翰林學士時曾

輯錄科場貢舉官職姓氏編年系地為清秘述聞
一書後改官祭酒復博采科名故實見于官書及
各家撰著足資攷據者仿朱氏日下舊聞體例分
門十二曰規制曰恩榮曰盛事曰知過曰掌故曰
紀實曰述異曰烟戒曰品藻曰夢兆曰因果曰咏
歌題曰槐廳載筆蓋國子監辟舍祭酒所視事處
庭中古槐值自元時以許魯齋得名故以名書非

翰林院第三廳故事也是書與清秘述聞相表裏
述聞為經而此編為緯也自序稱言必求其有當
事必期于可徵云云然所輯述異夢兆因果三門
俱屬異聞維所徵引具有不成編究為全書之累
矣前又有嘉慶己未例言及徵引書目補目錄



國家圖書館, NATIONAL CENTRAL LIBRARY, TAIWAN, R.O.C.

子部

小說類

瑣異記聞

國家圖書館 NATIONAL CENTRAL LIBRARY, TAIWAN, R.O.C.



鄭堂讀書記卷六十六

子部十二之四

小說家類四

異聞

烏程周中孚撰



國家圖書館 NATIONAL CENTRAL LIBRARY, TAIWAN, R.O.C.

穆天子傳六卷 平津館叢書本

晉郭璞注 璞仕履見 四庫全書著錄隋志 起居新

舊唐志 起居類 讀書志 傳記類 書錄解題 起居類 通攷宋志

別史類 俱載之乃晉太康二年汲縣民資發魏襄王

墓中所得竹書也記周穆王遊行四海見帝臺西王

母暨美人盛姬死事有月日而無年又文多斷缺荀

勗和嶠等以隸字寫之最序稱春秋左氏傳曰穆王

欲肆其心周行天下將皆使有車轍馬跡焉此書所

載則其事也王好巡狩得驂騑綠耳之乘造父為御

以觀四荒北絕流沙西登崑崙與太史公記同汲郡
收書不謹多毀落殘缺雖其言不典皆是古書頗可
觀覽晁氏稱郭璞注本謂之周王遊行記陳氏稱其
体制與起居注正同居注者自漢明治馬皇后始
漢魏以來因之陳以上然其事為經典所不載惟列于
周穆王篇所載頗有相同景純注最在先頗引奇聞
異說蓋亦就書而注與山經注同科非注爾雅之可
比也筠軒懼是書之荒落因取漢魏叢書各本暨史
漢諸子唐宋類書所引互相參校表其異同正其舛
謬為補正文及注若干字刪若干字改若干字其無
可校証者闕之書成寄正孫淵如師刻入叢書從此
穆傳郭注莫善于此本矣前又有元至正唐寅北岳
王元翰漸序及筠軒校正序後有附錄九則

神異經一弓

漢魏叢書本

舊題漢東方朔撰晉張華注

朔字曼倩平原厭次人武帝朝官太中大夫給

事中免復為中郎華仕履見譜錄類

四庫全書著錄隋志

地理類作一弓

書錄解題通考俱全舊唐志

地理類新唐志道家類崇文

目宋志俱作二弓而崇文目又重載于地理類其書

凡東荒經九則東南荒經五則南荒經十則西南荒

經三則西荒經八則西北荒經六則北荒經三則東

北荒經一則中荒經十則大抵仿山海經為之漢志

及本傳皆不載朔有是書即晉書華傳亦不言其注



是書則其均為後人所依託矣所記皆八荒以外之言不可究書而文格雅近齊梁間人所為故辭采過于縟麗頗便詞章家所取資特于地理道家均無當也說郛亦收入之

海內十洲記一弓

漢魏叢書本

舊題漢東方朔撰

四庫全書著錄隋志

地理類止作

十洲記舊唐志

地理類

新唐志

道家類

崇文目

地理類讀書

志

傳記類

書錄解題通考俱全宋志

道家類

作十洲三島

記蓋誤衍二字也其書首稱漢武帝既聞王母說八方巨海之中有祖洲瀛洲系洲炎洲長洲元洲流洲生洲鳳麟洲聚窟洲有此十洲乃人跡所稀絕處又始知東方朔非世常人是以前延之曲室而親問十洲所在所有之物名故書記之云云其書每洲各一條

又次以滄海島方丈洲扶桑蓬邱崑崙五條皆神仙恍惚之說又漢志及本傳所不載當與神異經為六朝人一手所假託也然其文辭豐縟雖無裨于輿地實有助于文章云說郭廣祕笈均收入之

別國洞冥記四弓

漢魏叢書本

舊題漢郭憲撰

憲字子橫汝南宋人官至光祿勳

四庫全書著錄

作漢武洞冥記據其原序止作洞冥記四弓其有漢

武二字及別國二字者皆後人所加爾隋志雜傳類舊

唐志

雜傳類

俱作一弓新唐志

道家類

宋志俱作四弓讀

書志

傳記類

作五弓書錄解題通考俱作四弓又拾遺

一弓按隋唐志作一弓當據不分弓之本晁氏作五

弓當有拾遺一弓在內陳氏稱其別錄

指拾遺

又于御

覽中鈔出然則四弓亦非全書也今則拾遺一弓已

佚惟相傳之四弓存其序言漢武明雋特異之主東方朔因滑稽浮誕以匡諫洞心于道教使冥跡之奧昭然顯著故曰洞冥其書凡六十條以上序說皆荒誕不可詰又詞華艷麗亦不類東漢之文當屬六朝人所依託故唐人始採用之也說郭普秘笈所收均節錄一弓云

漢武故事一弓

說海本

舊題漢班固撰

固仕履見正史類

四庫全書著錄隋志

舊事類

舊唐志

故事類

新唐志

故事類

俱作二弓皆不注班固撰

崇文目

雜史類

始釋云班固撰本題二篇今世誤析為

五篇

見玉引

讀書志

傳記類

作二弓

此據袁本今新刊云

云

世言班固撰唐張柬之書洞冥記後云漢武故事王儉造通考傳記同宋志作五弓題班固撰蓋據當時誤析本竊謂東之尚屬初唐人其言王儉撰當有所受之或不誣也錢遵王讀書敏求記所載二本皆作

二弓謂一是飭^錫山秦氏操繡石書堂本與新刻頗異
一是陳文燭晦伯家本又與秦本互異今兩存之然
遵王所藏二本今皆未見此本僅十頁必非當日二
弓五弓之原本所記多出入史漢而更傳益以妖妄
之誤其諸書所引此本反不多載疑宋時之本已亡
此又為後人鈔合而成其非王儉原書斷可知已歷
代小史亦收入之

漢武帝內傳一弓

漢魏叢書本

舊題漢班固撰

四庫全書著錄隋志

雜傳類

作漢武

內傳三弓舊唐志

雜傳類

作漢武帝傳一弓俱不注班

固撰讀書志

傳記類

作二弓云不題撰人記王母降通

考傳記全宋志

傳記類

亦作二弓注云不知作者是本

題為固撰殆後人以漢武故事託名于固併舉是書
而詞之耳胡元瑞四部正訛下謂詳其文体是六朝
人作蓋齊梁間好事者為之也所載諸仙女名諸家
多用上元夫人蓋本此阿環上元名按元瑞以為齊

梁間人作殊為不確今証以諸書所引其書蓋出于
魏晉之間且文体雅與王^可年拾遺記相同然有諸
書所引而為今本所無者亦頗繁多則此本又為明
人所刪節故止有十五六頁斷未能如諸家所載可
分為二弓三弓也知其非當日之完帙矣說郭墨海
金壺均收入之

搜神記二十弓

津逮秘書本

舊題晉于寶撰

寶仕履見易類

四庫全書著錄隋志

雜傳類

舊唐志

雜傳類

新唐志

小說類

俱作三十弓通志傳記類

全崇文目作搜神總記十弓釋云不著撰人名氏或

題于寶撰非也

海引

宋志作于寶搜神總記十弓寶

續記十弓注云並不知作者然讀書志錄解題俱不

載疑其書宋時已佚故崇文目所載已續隋唐志少

二十弓且云非于寶撰而言志既有總記又有續記

既冠以于寶二字又注以不知作者恐未見其書而

虛列之耳此本所載証以古書所引或有或無當屬
宋以後聯綴以文而以他說增益成帙非當時之原
書也故于第六弓乃全鈔兩漢書五行志而續以晉
書五行志中三國事一字不更其依託之顯然者也
然核其体例儼然古籍不與他偽書等盖由其人本
有學識善于作偽若非細心搜討無從知其偽也前
有令升原序即晉書本傳所載者學津討原亦收入
之漢魏叢書所收止八弓與此本大同小異疑別一
偽本也益邑志林本總作二弓說郭僅摘錄十八條云

搜神後記十弓

津逮秘書本

舊題晉陶潛撰

潛仕履見類書類

四庫全書著錄隋志

雜傳類

通志傳記俱載之新舊唐志崇文日讀書目志錄解
題通考宋志俱不載豈皆未見其書歟然淵明亦非
撰是書者書中載有宋元嘉十四年十六年事是時
淵明已卒十餘年矣况宋書本傳稱其所著文章皆
題其年月義熙以前則書晉氏年號自永初以來唯
云甲子而已其于文章如此則于此記亦當如是而
竟不然其作偽之明証也惟其所記詞致雅飭体例

嚴整實非鈔撮補綴而成當由隋以前人所依託與世所傳于氏搜神記固迥然不侔矣學津討原亦收入之說邪唐宋叢書均節錄一弓云

拾遺記十弓

漢魏叢書本

秦王嘉撰

嘉字子年隴西安陽人能前知為姚萇所殺符登贈太師謚曰文舊本題晉代非也

四庫全書著錄隋志

雜史類作拾遺錄二弓新舊唐志

雜史類俱作拾遺錄三弓又拾遺記十弓注云蕭綺錄

崇文目

傳記類讀書志傳記類書錄解題通考宋志俱作

拾遺記十弓蓋子年撰而綺敘錄故二唐志俱分載也據綺序知王氏書本十九弓二百二十篇經亂佚闕綺撮拾殘文編為十弓併為之錄錄即論贊之別名也然則隋唐志所載二弓三之本亦非子年之原

書矣所記上起三皇下迄石虎事迹奇詭十不一真徒以辭條豐蔚頗有資于詞章至綺所論斷雖為暢達亦不過揚其類波耳祕書少一種亦收入之歷代小史所收有記無錄說郭僅節錄一弓云

異苑十弓

津逮秘書本

宋劉敬叔撰

敬叔彭城人元嘉中官給事黃門郎

四庫全書著錄隋

志雜傳

通志傳記俱載之新舊唐志崇文目讀書志

錄目解題通考宋志俱不載豈皆未見其書歟是書所記皆古今怪異之事修詞命意頗有古致無唐以下小說冗沓之習當屬劉氏原書而毛子晉跋之稱是書載秦世謠而不及仲舒修履之奇載曹陵龜而不及毛寶鑄印之驗陳仲有德星可采而客星犯座胡以獨遺沙門慧燬真奇而佛圖澄豈容盡逸至于

絡繹之女鞠通之琴及郭璞韓友杜不愆輩種種異
趣悉不一收不知敬通意何居也余謂怪異之事固
聖人所不語後人喜談此事皆著書以紀所聞是書
亦幾備矣而子晉猶以為未備勢必如洪景盧夾堅
志多至四百二十弓而後可子晉之言余未敢以為
然也學津討原亦收入之說郭唐宋叢書均節錄一
弓而已

續齊諧記一弓 漢魏叢書本

梁吳均撰 均字叔庠安吉人天監初柳暉為湖州刺
史辟為郡主簿或作唐吳筠誤也

四庫全書著錄 隋志雜傳類 舊唐志雜傳類 新唐志書錄

解題通志傳記宋志俱全崇文目作三弓通考作二
弓皆字之誤也按隋志新舊唐志宋散騎侍郎東陽
無疑先有齊諧記七弓故是書稱續齊諧志怪本莊
子語也既以名書宜其所記十七條皆屬異聞矣然
唐人皆已引用亦小說之最古者惟宋徐子光注李
氏蒙求劉阮天台語其所引之文此本無之豈其書

已佚後人采摭他書所引以成帙故不免有所遺歟
未有元至元甲子吳郡陸友跋說郛祕書二十一種
均收入之

龍城錄二弓

河東集附刊本

舊題唐柳宗元撰

宗元字子厚江東人貞元九年進士又中博學宏詞科十九年為監

察御史裏行順宗朝擢禮部員外郎生黨王叔文貶邵州刺史再貶永州司馬移柳州刺史

四

庫全書存目新唐志崇文目讀書志通志俱不載書

錄解題通考宋志始載之俱作一弓蓋據單行本也

宋葛嶠始編之集中以後編集者皆從之爾陳氏云

龍城錄稱柳宗元撰龍城謂柳州也羅浮梅花夢事

出其中唐志無此書蓋依託也或云王鉉性之作何

氏春渚紀聞朱子語錄亦皆稱王鉉性所偽作今觀其

書前有小序凡四十三則其文字固不類子厚而所載多神異之事似從後人詩文暗影出其為惟之所偽託信矣然古今詞人皆以為柳氏書而引用不絕則亦奚得而廢之焉百川學海說郛歷代小史所收均作一弓云

集異記一弓 祕書二十一種本

唐薛用弱撰 用弱字中勝里貫未詳題曰河東蓋郡望也長慶中官至光州刺史 四

庫全書著錄新唐志崇文目通志 傳記類 俱作三弓讀

書志通考俱作二弓宋志作一弓與今本同其作三弓二弓者皆所據本異也晁氏稱是書集隋唐間談詭之事一題古異記首載徐住卿化鶴事余謂所記九十六篇序述詳贍而自成章絕無鄙倍之習間涉靈異亦小說之恒態耳說郛唐宋叢書歷代小史均收入之

前定錄一弓續錄一弓

學津討原本

唐鍾輅撰

輅里貫未詳太和中官崇文館校書郎新唐志作鍾輅無從攷定以何字為正也

四庫全書著錄新唐志崇文目書錄解題通志通考

宋志俱載之崇文目又有續一弓亦作輅撰通志則

作廣前定錄廣或續字之譌中引王性之所撰偽本

龍城錄疑為後人所竄易也唐志宋志俱作一弓蓋

總言之爾陳氏稱是書凡二十事別本又有續錄二

十四事今觀是書悉與之合尚屬宋人相傳舊本前

有自序云太和中讎書春閣秩散多暇時得從博聞

君子徵其異說每及前定之事未嘗不三復本末提
筆記錄因編次之曰前定錄庶達識之士知其不誣
而奔競之徒亦足以自警以上序說蓋其著書之旨
本為勸戒起見故異于他小說也續錄所記雖略然
其大旨亦不外是說郭百川學海所收俱題鍾輅撰
唐宋叢書止收前定錄一卷云

甘澤謠一卷 津逮秘書本

唐袁郊撰

郊字子乾官
至統州刺史

四庫全書著錄新唐志讀

書志書錄解題通考宋志俱載之晁氏稱是書載請
異事九章咸通中久雨卧疾所著故曰甘澤謠陳氏
稱咸通戊子自序以其春雨澤疾故有甘澤成謠之
論道以名其書以上陳說然原本久佚後人從太平
廣記錄出所記雖皆異聞而具有端末頗于考証有
裨中有圖觀事一則此本因附錄東坡刪改圓澤傳
并跋贊寧記觀道人三生為比丘篇前有明楊儀重

校序末有五川居士跋不著名氏又有毛子晉跋說
郭唐宋叢書學津討原均收入之

劇談錄二弓

津逮秘書本

唐康駢撰

駢字駕言池陽人乾符四年登進士第官
至崇文館校書郎此本題作宋人誤也攷

諸書唐或作唐駢或
作駢亦皆傳寫之誤四庫全書著錄新唐志讀書志

通志通攷宋志俱作三弓惟崇文目作二弓與今本

同蓋後人所合併也其書九四十二則咸載唐世故

事間附以議論所記頗極詳贍而多涉神怪不經故

皆采入太平廣記或原書已佚後人反從廣記錄出

也未有毛子晉跋學津討原亦收入之

杜陽雜編三弓學津討原本

唐蘇鶚撰

鶚履歷見雜家類

四庫全書著錄新唐志讀書

志書錄解題通志通考宋志俱載之宋志作二弓字之誤也是書所記唐代異聞自代宗廣治元年迄于懿宗咸通十四年九五十二則長篇大章居多其文詞俱極瓌麗與郭子橫洞冥記王子年拾遺記相等而誇飾荒誕亦復相似雖皆注其聞于某某乃諉過于人之意而後人反以其不沒人善稱之真被古人瞞過也以其家于武功之杜陽川故名其書曰杜陽

雜編舊傳其皆以三字為標題而此本無之即說郭
歷代小史所收亦皆無之不知據何本而云然也

開天傳信記一弓 百川學海本

唐鄭棨撰 棨字蘊武滎陽人登進士第昭宗時
官至禮部侍郎同中書門下平章事

四庫全書著錄新唐志 雜史類 崇文目 雜史類 讀書志 雜史類

類書目錄解題 雜史類 通考 雜史類 宋志俱載之是書乃其

官吏部員外郎時所作前有自序稱國朝故事莫盛
于開元天寶之際服膺簡策管窺王業叅于聞聽或
有闕焉承平之盛不可殞墜輒因步領之暇搜求遺
逸傳于必信名曰開天傳信記今觀其書凡三十條
皆記開元天寶間傳聞之事間有失實又如華陰岳

神夢遊月宮及盧公遠葉法善諸事尤不足以傳信
以文士久相引用今亦不得而廢之焉說郛歷代小
史學津討原均收入之

集異志四弓續祕笈本

舊題唐陸勳撰

勳里貫未詳
官比部郎中

四庫全書存目作陸

氏集異記所以別于薛氏書也讀書志通考宋志俱
作二弓晁氏稱語怪之書也九三十二事言尤怪者
居三之一按今載所載凡二百二十六事較晁氏所
計之數多至五六倍而言尤怪者甚少蓋後人又采
諸傳記中所載戰國以迄唐初怪異之書傳益為四
弓非宋人所見之舊帙矣

博異記一焉

祕書二十一種本

舊題唐谷神子撰不著名氏

四庫全書著錄新唐

志作谷神子博異志三焉崇文目同讀書志書錄解

題通考宋志俱作博異志一焉晁氏云題曰谷神子

纂序稱其書頗箴規時事故隱姓名或曰名還古而

竟不知其姓志怪之書也陳氏云稱谷神子不知何

人所記初唐及中世事按是書自序稱余放志西齋

從宦北闕因尋往事輒議編題類成一焉非徒但資

笑
算語抑亦粗顯箴規或冀逆耳之辭稍獲周身之誠

只求同已何必標名是稱谷神子則其書本不標名而胡元瑞二酉綴遺因晁氏有或曰名還古一語而証成為晚唐詩人鄭還古真所謂必求其人以實之則鑿矣其書所載敬元穎以下十人之事皆鬼神靈迹詞頗雅贍盖又能文之士所為惟其自謂粗猷箴規云云與所載十事不合盖唐志崇文目之作三弓乃其原本其書已佚後人從他書中鈔合為一弓盖多語怪之類而所有觸忌之條皆在所佚之列又改自序中三弓為一弓以相符合耳舊皆作志而此本作記當為汪士漢妄改之說郭唐宋叢書所收俱作志也然俱題鄭還古姓名疑說郭為陶珽所補入故因胡元瑞所考而改題之叢書則惟陶是從耳

桂苑叢談一弓 續秘笈本

舊題唐子休馮翊撰不著名氏 四庫全書著錄新

唐志所載注曰馮翊子子休撰不知陳眉公刊時何以顛倒其文也是書前十條皆載唐代神怪之事雖為詳明而太涉瑣屑後為史遺十八條皆記南北朝及唐代雜事亦小說之類不足以當史之遺也說郛所收本較此本少七條而止題曰唐馮翊蓋誤以此二字為姓名耳

劍俠傳四弓秘書二十一種本

不著撰人名氏 四庫全書存目作二弓舊本題為

唐人撰乃據明吳瑄古今逸史本此本蓋汪士漢所

分也唐宋史志諸家書目俱不載其書凡三十三篇

皆記古今劍俠之事其采自太平廣記第一百九十

三弓至一百九十六弓豪俠一門者計十九篇皆唐

代事內指餘國主篇亦可屬隋所不采者如老人化

猿篇為越事虬鬚叟篇為唐事韋洵美篇為梁事其

餘十一篇皆宋事也大都南宋末人采錄廣記所載

而附益以他書改題是名士漢序稱所記載則自越
隋外俱稱引唐事後人以為唐書理或然歟云云若
未目覩此書者然甚可笑也說郛所收止一弓九十
一篇題唐亡名氏撰以其皆唐事云

唐闕史二弓知不足齋叢書本

唐高彥休撰

彥休自號叅寥子里貫未詳鄂岳觀察使錯之從孫唐亡時年甫三十一至晉

開運初尚在

四庫全書著錄新唐志宋志俱止作闕史

三弓書錄解題通考俱作唐闕史三弓而宋志又重

載闕史一弓注云叅寥子述蓋不知叅寥子即彥休

也前有甲辰歲

即晉開運元年

自序稱共五十一篇分為上

下弓約以年代為次則作三弓者皆相承之誤作一

弓者又誤以冊為弓其標題有唐字者出于後人所

加耳彥休為唐末遺民故作是書不繫以唐字而自

序但書甲子亦不繫以晉之紀年所記雖皆怪妄之事而具有端末多足以參証史傳其篇後多繫以斷語特論亦頗不苟蓋志怪之書之近正者也未有宋黃伯思明施允明二跋冠以乾隆甲午

御題詩一章

錄異記八弓

津逮秘書本

蜀杜光庭撰

光庭字賓至縉雲人一日長安人咸通中應九經舉不第入天台山學道從僖

宗幸興元留蜀事先主為金紫光祿大夫諫議大夫封茶國公賜號廣成先生遷戶部侍郎後主立授道

錄于苑中以為傳真 四庫全書存目崇文目及宋天師崇真館大學士

志俱作十弓白雲霽道藏目錄詳注記傳類作八弓與

今本同前有自序凡分十七類曰仙曰異人曰忠曰

孝曰感應曰異夢曰鬼神曰龍曰異虎曰異龜曰異

龜曰異蛇曰異魚曰洞曰異水曰異石曰墓雖皆荒

誕之言然實小說之類與道家無涉以其撰自歸流

故收入道藏耳後人以言屬無稽目為杜撰蓋因賓
至而起云未有以正治已郊柳德跋並詩與俞弁和
詩又有趙清常跋說郭僅節錄一弓而已

稽神錄六弓拾遺一弓津逮秘書本

宋徐鉉撰

鉉仕履見小學類

四庫全書著錄崇文目宋志

俱作十弓讀書志書錄解題通考俱作六弓陳氏稱
元本十弓今無弓第總作一弓當是自他書中錄出
者按陳氏既標為六弓又謂總作一弓竊所未喻其
言自他書錄出者蓋原書已佚後人從太平廣記錄
出耳晁氏引其自序稱自乙未歲至乙卯凡二十年
僅得百五十事晁引而此本反多二十四事又有拾
遺十三事當又誤錄他書併入之故數浮于舊也其

書皆記唐宋五代異聞尚在南唐時所作楊大年謂其據門下士蒯亮所言見晁氏引恐不盡然學津討原亦收入之說郭僅摘錄七條云

江淮異人錄二弓函海本

宋吳淑撰

淑仕履見類書類

四庫全書著錄崇文目傳記類

宋史本傳及藝文志俱作三弓惟書錄解題偽史類作

二弓通考偽史同陳氏稱所記道流俠客術士之類

凡二十五人然世鮮傳本今館臣從永樂大典錄出

釐為二弓以復陳氏之舊所載凡唐代二人南唐二

十三人其數與陳氏說同仍屬完帙雖皆語怪之流

而其事尚為史傳所恒有則亦非盡無稽也李雨邨

依古本付刊并為之序知不足齋叢書則據明嘉靖

中伍光忠本稍經潤色未失其真然終不及是本之
尚屬原書也說郛僅節錄二條更不足道矣

太平廣記五百弓目錄十弓 明刊本

宋李昉等奉敕撰

昉仕履見類書類

四庫全書著錄讀書

志書錄解題通考宋志俱載之按太平興國二年詔
學士李昉扈蒙等十三人同修太平御覽又取野史
傳記故事小說列撰集一書明年告成先御覽而表
進賜之名太平廣記六年詔鏤板頒行言者以廣記
非後學所急收版藏太清樓于是御覽盛傳而廣記
反不行于當代雖以鄭漁仲之博識亦未嘗得而見
之矣其書分五百十五部每部又各分人物名目所

引書至三百四十四種奇文祕笈咸在于斯凡多談
神怪者尤搜羅靡遺實小說之總匯也此本表文後
有明嘉靖丙寅談愷識語稱是記傳寫已久亥豕魯
魚甚至不能以句因與二三知己互相讐校字義稍
定尚有闕文闕弓以俟海內藏書之家慨然嘉惠補
成全書云云故其書尚闕嗤鄙類二弓無賴類二弓
輕薄類一弓及酷暴類胡澍等六事婦人類李誕等
七事迄今亦無從據以補焉前又有引用書目當屬
原本所有云

茅亭客話十弓

津逮祕書本

宋黃休復撰

休復字端本蜀人題曰江夏舉郡望也

四庫全書著錄

讀書志書錄解題通考宋志俱載之晁氏稱茅亭其所居也暇日賓客話言及虛無變化謠俗卜筮雖異端而合道旨屬懲勸者皆錄之今觀其書凡八十九條所記皆蜀中軼事自前後蜀以迄宋真宗時涉神怪者居多何道旨之可合然以言乎屬懲勸則有之矣其他雜說尚可以資博識猶小說之近理者也學津討原亦收入之說郭僅節錄數條而已

五色線二弓

津逮秘書本

不著編輯者名氏 四庫全書存目後有毛子晉跋
云攷中興館閣書目稱不知作者撫百家雜事記之
為類門舊跋亦不著年月姓氏因披閱所載多祕藏
異蹟雖不達容齋五筆亦迥出雲仙諸冊矣今觀是
書皆引諸雜記中新穎怪誕之說而摘取數字各為
標目且不盡注出處其体例頗類陶秀實清異錄而
割裂舛謬頗無條理則不及陶氏書遠甚恐非宋人
之舊帙耳說郭僅節錄一卷云

陶朱新錄一弓 墨海金壺本

宋馬純撰 純字子約自號樸橄翁武城人紹興中官江西漕使隆興初以太中大夫致仕

四庫書全著錄倪氏宋志補亦載之前有紹興壬戌自序所載凡七十七條皆當代瑣聞雜事然語怪居多間及雜說不過十之二三其末一條為元裕黨籍碑蓋黨籍中馬默即子約之祖父故附及之以昭先克烈雖與全書体例不類不恤也其曰陶朱新錄者子約後居越之陶朱鄉因以名書說郭所收乃節錄本云

夷堅志二十弓 耕烟草堂袖珍本

宋洪邁撰 邁仕履見史鈔類 四庫全書著錄作夷堅支志

五十弓書錄解題作夷堅志甲至癸二百弓支甲至支癸一百弓三甲至三癸一百弓四甲四乙二十弓大凡四百二十弓通考全讀書附志作夷堅志四十弓宋志作夷堅志六十弓注云甲乙丙志夷堅志八十弓注云丁戊己庚志則陳馬兩家所載甲至癸二百弓之前一百四十弓也提要據秀水汪氏藏本乃其支甲至支戊五集蓋歷年久遠散佚既多所存

不能如宋志之弓數矣是本為錢唐周信傳柴以善本重加釐正仍以十干編為十集每集又弓分上下未知與汪氏本同焉否也其書皆志怪之類而取列子大禹行而見之伯益知而名之夷堅聞而志之語以名書已失其義雖本唐人舊稱恐非此之流也陳氏稱裨官小說昔人固有為之者矣遊戲筆端資助談柄猶賢乎已可也未有弓帙如此其多者不亦謬用其心也哉且天壤間反常反物之事惟其罕也是以謂之怪苟其多于不勝載則不得為異矣世

傳徐鉉喜言怪賓客之不能自通與失志而見斥絕者皆說言以求合今邁亦然晚歲急于成書妄人多取廣記中舊事改竄首尾別為名字以投之至有數弓者亦不復刪潤徑以入錄雖叙事猥釀屬辭鄙俚不恤也按陳氏乃據其全帙評之今本雖所存止此而所載之事多與廣記相出入至其猥釀鄙俚尚如陳氏所云即使全帙俱存亦不過爾爾徒以其南宋人遺笈雖殘闕之餘不得不存備小說之一種耳是本刊于乾隆戊戌沈吧瞻何琪俱為之序

閒窗括異志一弓 藍邑志林本

宋魯應龍撰 應龍嘉興人
理宗時人 四庫全書存目 倪氏宋

志補亦載之其書凡九十條皆述所聞見神怪之事
間及古事亦皆唐五代小說所有文多脫落與說邦
本相同而是本較少云

高坡異纂三弓 烟霞小說本

明楊儀撰 四庫全書存目焦氏經籍志亦載之前

有嘉靖壬辰自序稱予少日讀書凡編簡中所載神仙詭怪之說心竊厭之正德嘉靖間兩見邑中怪事始嘆古人紀載未必皆妄及居京師文字交游殆遍天下其所言神怪異常之事皆有依據因以新舊所得去其鄙褻凡陋荒怪難憑者十之五六錄成三弓題曰高坡異纂高坡者予京邸之里名異纂者瑣屑譎談不足于立言云耳今觀其書大都齊諧齊東之

類無一而可信者自謂鄙褻凡陋荒昧難憑者去其
十之五六然所載皆若此等不知其所去者又何如
也自有小說以來未有誕妄如此書之甚者說郭績
節錄一弓節猶不節耳

祐山雜說一弓

普祕笈本

明馮從吾撰

從吾字惟良平湖人嘉靖壬辰進士官
工科給事中言事謫潛山縣丞遷太

倉州知州隆慶中
追贈布政司叅政

四庫全書存目其書凡三十九

則多自記其雜事間就見聞所及并記他人事率託
之夢卜荒唐之說未免自誣誣人矣

類無一而可信者自謂鄙褻凡陋荒昧難憑者去其
十之五六然所載皆若此等不知其所去者又何如
也自有小說以來未有誕妄如此書之甚者說郭續
節錄一焉節猶不節耳

祐山雜說一焉 普祕笈本

明馮從吾撰

從吾字惟良平湖人嘉靖壬辰進士官
工科給事中以言事謫潛山縣丞遷太

倉州知州隆慶中
追贈布政司叅政

四庫全書存目其書凡三十九

則多自記其雜事間就見聞所及并記他人事率託
之夢卜荒唐之說未免自誣誣人矣

快雪堂漫錄一弓 奇晉齋叢書本

明馮夢禎撰

夢禎字開之秀水人萬曆丁丑進士官至國子監祭酒

四庫全

書存目其書凡五十九條皆就所見聞而雜記之多
因果怪異之事其及他事者纔十之一二蓋開之生
平耽慕禪悅晚年復結廬孤山與僧為侶宜其專事
語怪矣末有陸梅谷識語說郭續本僅節錄十一條
而已

獺園十六弓 知不足齋袖珍本

明錢希言撰

希言字簡棲吳興人

四庫全書存目前有萬曆

癸丑自序稱獺園者何松樞十九山中禪家一種志怪傳奇之類是也則何言乎獺也漢人以為狡獺也以上然其書皆記當時見聞之事凡分仙幻釋異影響報緣冥跡靈祇淫祀奇鬼妖孽聞十門瓌聞者紀事物二瓌也所記多屬神怪極為猥鄙是徒取悅于俗因而不顧見笑于大方矣明末小說之書此其最下流者也

耳新八弓

硯雲甲編本

明鄭仲夔撰

仲夔字胄師號龍如信州人

四庫全書存目是書

成于崇禎甲戌前有自序稱余少賤耽竒南北東西之所經同人法侶之所述與夫星輶使者商販老成之錯陳非一耳涉之而成新殊不忍其流遞而湮沒也隨聞而隨筆之今觀其書自令德以迄人瑞凡分三十四門僅一百八十九則分門殊嫌冗碎所記皆當時瑣聞雜事而涉于仙佛鬼神者居多蓋亦齊諧志怪之流無關學問耳

矩學雜記二弓愚山全集本

國朝施閏章撰

閏章仕履見傳記類

四庫全書存目其書凡

八十三條每條各有標目皆就所見聞隨手雜記
多及因果報應之事愚山亦以講學名而乃顯背
至人^聖不語神怪之教究不脫詞人氣習本載愚山
別集中今遵提要例另志之

冥報錄二弓

說鈴後集本

國朝陸圻撰

圻字麗京號講山錢
唐人順治中貢生

四庫全書存目

是書作于順治辛丑前有自序稱予退而老于西湖之上不敢作人史而作鬼史所載皆作善降祥不善降殃與六經之旨同功無可疑者今觀其書凡二十八則所記端末頗詳誠足以寓彰瘴之意然皆冥途不可知之事未免為矯誣以滋生民之惑矣前又有譙郡曹無衣序序

蜉蝣瑣語一弓說鈴後集本

國朝王逋撰逋字眩枕
嘉興人

四庫全書存目其書九六

十條皆記明末國初所見聞之事多屬其鄉

所有無非誌怪者也間有但記雜事者亦皆傳聞
異辭不足以資叅核

觚賸八弓續編四弓 臨野堂刊本

國朝鈕琇撰

琇字玉樵吳江人康熙士子拔貢生官至陝西知府

四庫全書

存目是編成于康熙庚辰越三載又成績編其前
各有自序正集皆就所見聞雜事以所至之地分
記弓一至弓三為吳觚弓四為燕觚弓五為豫觚
弓六為秦觚弓七弓八為粵觚續編分言觚人觚
事觚物觚四類類各一弓其文詞皆哀艷奇恣而
記事多近游戲故不免喜談神怪以徵其詭幻間
有裨于証據者亦百中之一二耳

果報見聞錄一弓 說鈴後集本

國朝楊式傳撰

式傳號雪
崖鄞縣人

四庫全書存目其書九

七十七條皆錄因果報應之事如其人之善惡所
自取此理本出六經而惜其宗二氏以立言以致
有悖理之談而不覺也

簪雲樓雜說一焉說鈐後集本

國朝陳尚古撰

尚古字雲瞻德清人

四庫全書存目其書凡

六十一則皆記瑣屑之事而多涉怪異惟所記

本朝制科一則前明廷杖一則及賀宿紀聞一則

辨魏忠賢卷四任氏冒稱以明熹宗張皇后事足備

考証耳

見聞錄四弓

原刊本

國朝徐岳撰

岳字季方
嘉善人

四庫全書存目作一弓蓋

據說鈐後集本也其書凡一百二十三條皆以所
聞所見之事筆之成帙皆非世所恒聞恒見者也
其為語怪之書幾與錢簡棲獐園相等焉前有楚
黃張希良序說鈐所收本則已節去其十五條云

信徵錄一弓 說鈴後集本

國朝徐慶撰

慶號濱溪自署曰烏山人不知何地之烏山也

四庫全書存

目前有康熙辛巳自序稱輪迴因果釋氏之說儒者之所不道此余之所大惑也爰舉年來所見所聞信而有徵者輯而著之即名之曰信徵錄以寓勸戒之意今觀是書凡六十七則前六則皆錄時人所記而繫以名氏以後皆其所自為記多荒誕不經之談雖同以寓勸戒特恐其書之不徵不信不信民弗從耳

述異記三弓說鈐後集本

舊題東軒主人撰不著名氏前有康熙辛巳自序則
即其時之人也 四庫全書存目是書皆記順治康
熙間事大都侈談神怪百無一真其謂天下之大宇
宙之廣何所不有此亦任其自言之而自信之耳若
博物君子則豈取此_於

曠園雜誌二弓 說鈴後集本

國朝吳陳炎撰

陳炎字宇崖號芋畦錢唐人官荏平縣知縣

四庫全書

存目其書皆記所見聞奇異之事自明末以迄

昭代凡一百五十一條所記涉神怪者居多不通

如搜神志怪惑人聽聞而已其有可以補正史之

所未備者亦寥寥無幾耳前有康熙癸未其兄青

堧序

閩中錄異二弓 原稿本

國朝黃錫蕃撰

錫蕃字晉康號拊
升海鹽人

是編就群書中所

載異聞瑣事有涉于閩中者采摭成帙如明徐伯

昌昌祚燕山叢錄之流而各注其所采書名于其

下則較徐氏書頗有資于考証間綴按語亦殊精

審知其記事纂言之功深矣前有嘉慶丁卯自序

鄭堂讀書記卷六十七

子部十二之五

小說家類五

瑣記

國家圖書館, NATIONAL CENTRAL LIBRARY, TAIWAN, R.O.C.

烏程周中孚撰

當取李石書核對
其次序

原本博物志十弓

吳門黃氏士禮居刊本

晉張華撰宋周日用等注

華仕履見譜錄類
始末無考署曰汝南舉郡

耳望隋志

雜家類

載博物志十弓新舊唐志崇文目書錄

解題

雜家類

通志雜家宋志俱全讀書志及解題又載

周盧注博物志十弓盧氏注六弓通考同晁氏稱是

書載歷代四方奇物異事兩本前六弓略同無周氏

注者稍多而無後四弓是本前有黃堯圃丕刊序謂

予家有汲古閣影鈔宋本末題云連江葉氏與今世

所行本夙然不同嘗取而讀之乃知茂先此書大略

撮取載籍所為故自來目錄皆入之雜家其體例之
獨創者則隨所撮取之書分別部居不相雜廁如弓
首括地象畢方繼以考靈耀是也以下雖不能條舉
所出然列于山海經逸周書等皆顯然可驗今本強
立門類割裂遷就遂使蕩析離居失其指趣致為巨
謬矣考讀書志及通考皆載周日用注十弓即是此
本遂刻之以正今本之失于中仍不免訛錯皆不難
校正今悉仍其舊者恐失真也今觀是本前有茂先
原序與今本同其載日用注及盧氏注各繫姓名以

別之亦與今本同特所載皆屬寥寥耳此本當為張
氏原書後人未見其書別採遺文裒合成編又雜取
他書附益之故不能如此本之詳備也攷隋志雜家類

又載張公雜記一弓注云張華撰梁有五弓與博物

志相似小小不同又有雜記十一弓注云張華撰新

唐志雜家類亦載張公雜記一弓然則史記索隱續漢

書注三國志注文選注及藝文類聚初學記太平御
覽所引多有出于此本外者或張即公雜記之文歟

博物志十弓 漢魏叢書本

舊題晉張華撰 四庫全書著錄按茂先原書吳門

黃堯圃以影宋鈔本校刊行世與是本詳略迥異是本蓋後人未見原書惟采掇諸書所引而附益以他小說分類成編故証以諸書所引或有或無或合或不合也其書前有茂先原序凡分三十八目頗近類事之書攷讀書志書錄解題皆不言其分類隸事此則非張氏原書之明証也且又錄及唐人所撰隋書之文則其編次亦甚無端緒矣祕書二十一種亦收

述異記二弓 漢魏叢書本

舊題梁任昉撰

昉字彥昇樂安人官至新安太守

四庫全書著錄

隋志

雜傳類

有祖冲之述異記十卷而無任氏書新舊

唐志亦俱不載崇文目讀書志通考宋志始載之是書雜記舊聞以及名物頗冗雜而少端緒中有北齊武成柯清年事必非彥昇原本蓋原本久佚此為後人哀合類書所引并增益以諸小說而成乃真偽雜揉之書也說郛僅節錄一弓云

酉陽雜俎二十弓續集十弓 津逮秘書本

唐段成式撰 成式字子厚，洪州人。宰相

四庫全書

著錄新唐志總作三十弓崇文目及通志全讀書志
書錄題通考宋志俱分作二十弓續十弓前有自序

稱服縫掖者及怪及戲無侵于儒詩書為太羹史為
折俎子為醢醢飽食之暇偶錄記憶號酉陽雜俎凡
三十門為二十弓今觀是書分二十九門曰忠志曰
禮異曰天咫曰玉格曰壺史曰貝編曰境異曰喜兆
曰禍兆曰詭習曰怪術曰藝絕曰器奇曰樂曰酒食

曰醫曰黥曰雷曰夢曰事感曰盜俠曰物異曰廣知
曰語資曰冥跡曰尸窆曰諾皋記曰廣動植曰肉攫
部其語資篇後尚有破蠹錄已佚續集分六門曰支
諾皋曰貶誤曰寺塔記曰金剛經鳩異曰支動曰支
植其標目多奇詭而所記又極譎怪浮誇然古之佚
文秘典往往而在故徵引者不絕也其諾皋記前有
小序惟稱因覽歷代怪書偶疏所記題曰諾皋記而
不言及何所取義吳氏能改學漫錄引抱樸子內篇
之文以証諾皋乃太陰之名太陰者乃隱神之名理
或然也然續集則作支諾皋又何解也又如天咫玉
格壺史貝編尸窆之類亦無從而深考之至廣動植
分羽毛鱗介蟲木草六篇前亦有總序攷梁元帝賦
有訪酉陽之逸典語謂大小二酉山多藏奇書也書
名取義蓋出于此此本兩集之末皆有毛子晉跋學
津討原亦收入之

清異錄二弓 最宜草堂刊本

宋陶穀撰

穀字秀實新平人本唐彥謙之孫避晉諱改陶氏歷仕晉漢周入宋終戶部尚書

四庫全書著錄書錄解題通考俱載之陳氏稱是書凡天文地理花木飲食器物每事皆制為異名新說其為書殆似雲仙散錄而語不類國初人蓋假托也今觀其書分三十七門總六百十八事各有標目而事實緣起即注于其下其中花九命一條乃似南唐人所作則陳氏假託之說誠若不信然胡元瑞四部正訛下嘗辨之云清異錄或以文不類宋初者恐

未然此書命名造語皆頗入 又恐非穀不能但雲
仙間有紀事志怪處此則全主滑稽耳擬諸李商隱
之禱纂亦何減也近時文章大家間亦用之若髭聖
之號王長公以題哀冊文矣據此知陳氏之說不足
憑也是本為海昌陳勉之世修所校刊并為之序

東坡問答錄一弓

普秘笈本

舊題宋蘇軾撰

軾仕履見易類

四庫全書存目是書凡二

十七條皆記東坡與僧佛印嘲戲譏謔徃復之詞以
及商謎行令并疊字詩無弗詼諧謔浪而入魔道真
三家邨夫子伎倆耳偽書至此亦可謂無所不有矣
前有萬歷辛丑常熟趙開美序恐即其所依託云

漁樵閒話錄一弓 普秘笈本

舊題宋蘇軾撰 四庫全書存目無錄字作二弓讀

書志通考俱全晁氏稱是書設為漁樵問答及史傳

雜事不知何人所為今觀其書分上下兩篇多襲唐

人小說而敷衍之與邵子漁樵對問之談名理者宗

旨迥別且議論亦極淺近前有萬曆壬寅常熟趙

開美

引疑即其刊刻時以其為宋人舊笈目妄題東坡名

氏并僧以錄字而併其弓帙耳說郭所收係節錄本

云

續博物志十弓 秘書二十一種本

宋李石撰舊題晋代者誤也 石字知幾資陽人舉進士高第紹興末以薦官

太學博士歷成
都轉運判官 四庫全書著錄宋志及宋志補俱

不載焦氏經籍志 農家類 始載之是編前有自序稱張

華述地理自以禹所未志且天官所遺多矣余所志
視華歲時綿歷其有取于天而首以冠其篇次第倣
華說一事續一事不苟于搜索而比華所志加詳今
觀其書多採摭舊文失于刊改然與世之類事之書
小異所載軼聞瑣語皆可以備叅証合張氏書觀之

庶幾由天地以及山海由山海以及人物固無一之
或遺矣後董遐周又廣之為五十弓則全屬類書不
可與二書為伍矣前有康熙戊申汪士漢序唐宋叢
書亦收入之

牡丹榮辱志一弓 百川學海本

舊題愚叟邱璩撰不著時代 四庫全書存目作舊

本題宋邱璩撰蓋據 內府藏本說郛所載亦作邱

璩疑莫能明也前有自序以花卉蕃膺于天地間莫

踰牡丹因頤造化意以榮辱志其事首列姚黃為王

魏紅為妃次列九嬪世婦御妻三目皆牡丹類也次

列花師傅花彤史花命婦花嬖倖花近屬花疎屬花

戚里花外屏花宮闈花叢脞十目皆諸花之各有等

級而役屬之也又次列花君子花小人花亨泰花屯

難四目皆指牡丹所值之時地人物而類叙之也大
都借牡丹作遊戲之誤非花卉之譜也

拊掌錄一弓說郭本

元宋元懷撰

元懷自號報然
子里貫未詳

四庫全書存目前有

延祐甲寅自序稱呂居仁作軒渠錄皆紀一時可笑
之士余觀諸家雜說中亦多有類是者暇日哀成一
集目之曰拊掌錄以補軒渠之遺今觀其書凡三十
則皆述宋人可笑之事頗具端末而皆不詳出處蓋
聊以資開弓之一笑不足以言著書也說海所收本
較此多五條云

十處士傳一卷快書本

明支立撰

立字中夫嘉興人天
順中官翰林院孔目

四庫全書存目其

書取布衾木枕紙帳蒲蓆瓦鑪竹牀杉几茶甌燈檠
酒壺十事仿昌黎毛穎傳東坡羅文傳例各撰擬其
名氏籍貫而為之傳及贊無論其寥寥短章詞意淺
率遠不及韓蘇也即及之豈如許諸事可與筆硯較
輕重哉未有自跋知其方為常州學官蓋較之無所
用心者為猶賢耳

古今諺一弓古今風謠一弓 函海本

明楊慎撰

慎仕履見禮類

四庫全書存目皆作二弓此蓋

李雨邨^抄所合併耳其書皆于嘉靖間在雲南時採集

諸書中謠諺以嬉自遣懷其孫 宗吾刻之遂行于世

大旨謂文辭鄙俚莫過于諺而聖賢詩書采以為談
因之輯錄成帙其又輯及風謠者蓋以見禎祥妖孽
之興其來有自而昔人謂詩識之說其亦有所本云
兩書前俱有雨邨序

小窗自紀四弓艷紀十四弓清紀五弓別紀四弓原刊本

明吳從先撰從先字寧野號小窗蘇州人四庫全書存目自紀

皆所作駢偶雜著以及詩賦頌贊論序傳記之類大

都游戲之文前有自序及焦竑吳遠俞思暉施鳳來

湯賓尹沈明龍六序艷紀止有自序皆采輯漢魏以

來以迄明代詩賦雜文凡分十二部俱取其詞之穠

艷者內有宋玉四賦列在中山王鄒陽司馬相如之

後殊失次序清紀分清語清韵清事清享四門皆摭

撫群書中雋語瑣聞成帙前有自序及纂用書目又



有吳遠王宇何偉然三序別紀皆纂錄古今逸史遺書竒編怪帙為之而先之以內經調神爾雅釋天曾子天圓三則頗為不倫前有自序稱別紀者清艷外之刺物也蓋當萬厯年間盛行纖詭之文故小窗亦專務乎此不過猶賢于博奕云耳

青泥蓮花記十三弓原刊本

明梅鼎祚撰

鼎祚字禹金宣城人

四庫全書存目其書記歷

代女伎事迹皆摭撫子史別集中瑣聞而成凡分記禪記元記忠記義記孝記節記從七門所記共一百二十餘人又外編分記藻記用記豪記遇記戒五門所記共八十餘人自謂大例惟四其一在尚名行而略聲色然專以娼論古者音家樂亦稱為伎顧各自有主列次姬侍非可與人盡夫者等也不在此內其一金元以後凡有戲劇好失故實又影多響或未必有

其事或出談說家總無明據並不混載其一記從以終事為別有他不錄其一諸凡疑誤並為分注云云其為例亦可謂精審矣而惜其用心于無益之地徒為導情增欲之具所謂作法于涼弊將若何禹金尚未知之乎前有萬厯庚子自序及採用書目目錄後又有識語

板橋雜記三弓

說鈴後集本

國朝余懷撰

懷字無懷號澹心閩縣人

四庫全書存目是書前

有自序謂金陵古稱佳麗之地洪武初年建十六樓以處官妓稱一時之盛事自時厥後或廢或存迨至百年之久而古蹟寢湮存者惟南市珠市及舊院而已余偶為北里之遊長板邊橋一吟一咏顧盼自雄俄逢喪亂靜思陳事返念無因聊記見聞用偏汗青今觀其書上弓為雅游中弓為麗品下弓為軼事皆所以述狹邪傳艷冶者也昔唐李

戲痛惡元白詩謂其纖艷不遺淫言媒語入人肌
骨不可除去其詆元白太過若此書則誠如戲所
云矣末又有自撰後跋詡為入水潛夫記武林舊
事之意意雖如此其妙書之大相刺謬何

昭代叢書亦收入之





子部

釋家類
道家類

國家圖書館 NATIONAL CENTRAL LIBRARY, TAIWAN, R.O.C.

鄭堂讀書記卷六十八

子部十三

釋家類

國家圖書館 NATIONAL CENTRAL LIBRARY, TAIWAN, R.O.C.

烏程周中孚撰



易筋經義二寫 寫本

舊題西竺僧般刺密諦譯前有唐貞觀二年李靖序

稱後魏孝明帝大和年間達摩大師自梁適魏面壁於少林寺迨九年功畢示化少林僧於面壁處得一鐵函獲所藏經二帙一日洗髓經一卽是經洗髓經共作祕傳後世罕見唯是經留鎮少林其字皆天竺文般刺密諦詳繹其義徐洪客得其祕諦既授於虬髯客客復授於予云云大都是書傳自少林而爲託藥師序以神其授受也其書凡二十八則大旨謂髓

以其與大概釋典不
類姑附於釋家之末

骨之外皮肉之中莫非筋連絡周身通行血氣凡屬
後天皆其提挈假借修真非所^羨聚贊立見顏龐視作
泛常曷臻極至舍是不為進修不力無有是處故名
曰易筋經乃釋家講內丹之書也又有紹興十二年
牛學序著曰宋鄂鎮大元帥少保岳麾下宏毅將軍
其偽不待言矣未有紫凝道人跋各家書目俱不載
殆晚出之偽書耳凌仲子校禮堂文集^妙有與程麗
仲書亦辨是書之偽文煩不錄

宏明集十四卷 支那撰述本

梁釋僧祐撰 僧祐姓俞氏彭城下邳人初出家揚都
建初寺武帝時居鍾山定林寺

四庫全書著錄舊唐志新唐志^類 崇文目讀書

志通志通考宋志俱載之崇文目作十卷蓋脫家^字尔

是書前無自序而有後序稱祐小棲餘暇撰古今之
明篇摛道俗之雅論其有刻意翦邪建言衛法製無
大小莫不畢采又前代勝士書記文述有益三寶亦
皆編錄類聚區分列為十四卷夫道以人宏教以文
明宏道明教故謂之宏明集今觀其書凡十篇不標

雖其文皆出於前人
並非祐所自造而祐
乃悉取而編錄之豈
不大可惡哉

門目皆自東漢迄梁代發明彼教之文其往復辨難
攻擊不休者亦具載之大旨主於張大其教故抑儒
斥道之作尤甄錄無遺夫釋源於老固有明証其排
斥老莊已昧其所自出而忘其祖乃復併抑吾儒亦
獨何心是時梁武帝方崇信其教前後三度捨身施
佛宗廟之祭不用牲牢晝日一食止於菜果其後竟
為侯景所逼餓死臺城非不幸也然祐生當齊梁間
古書多未散佚故道文墜簡猶有存者足以備攷証
之一種至其書之背道而馳姑存而不論可也此本

每卷後各有校訛音釋當屬明萬曆間刊時所加入
耳



廣宏明集三十卷

支那撰述本

唐釋道宣撰

道宣姓錢氏丹徒人隋末居終南白泉寺又遷豈德寺至唐高宗時乃卒

四庫全書著錄新唐志崇文目讀書志道志道考宋

志俱載之晁氏稱道宣麟德初居西明寺以中原自

周魏以來重老輕佛因采輯自古文章下逮齊隋發

明其道者以廣僧祐之書分歸正辨惑佛德法義僧

行慈濟成功啓福悔罪統歸十門前有自序每門又

各有序極為詳贍蓋其書皆採摭日文而成舍諸序

外無所為論著也僧祐書止十四局為此實信之披

錄可稱浩博而不免涉於泛濫藉以張大其教然隋以前名流撰述為後來總集所不載者實賴僧祐書及此編以存洵足以備藝苑之叅攷矣此本各局未俱有音釋蓋萬曆庚戌刊時所加入云

法苑珠林一百二十卷 支那撰述本

唐釋道世撰 道世字元暉上都西明寺僧 四庫全書著錄崇文

目新唐志通志俱作法苑珠林集一百卷蓋所見本不同也是書皆以佛經故實分類編排凡一百篇每篇各分部每部又各分子目其每部之首有述意者多猶史傳之序或有或無也大都引經據典条理分明主於侈神異陳罪福起人敬畏之心以自尊其教若以經理絕之無不抵牾百出殆亦不免虛摘浮詞假盈卷軸者矣然其書成於唐初尚無後來空談心

性之習在彼教中猶為微實之學猶之唐初九經義
疏終勝于宋明人之傳注語錄也前有摠章元年李
仲思儼序此本每局後各有校譌音釋當屬明萬曆
辛卯刊時所附入云

一切經音義二十五卷

武進莊氏校本

唐釋元應撰

元應貞觀末大慈恩寺翻經僧

新唐志著錄作衆經音

義前有終南太一山釋氏序即釋廣宣稱法師以貞
觀未歷教召參傳綜經正緯資為實錄因譯尋閱摺
拾藏書為之音義注釋訓解云云今觀所譯經二百
六十四種律八十二種論九十五種計四百四十餘
種所引書自釋典外至百數十種其引經則有三家
詩鄭康成尚存論語注賈逵服虔春秋傳李巡孫炎
爾雅等注引字書則有倉頡三倉衛宏古文葛洪字

苑字林聲類服虔通俗文說文音隱及漢石經之屬
多不傳之祕冊惟味漢人之通借泥後世之四聲是
其所短也自唐以來傳注類書皆未及引通人碩儒
亦未及覽武進莊斫官咸寧知縣至大興善寺見轉
輪釋藏求其卷帙善本猶存乃與嘉定錢獻之及陽
湖孫淵如師同為校正刊而行之於是學者俱爭求
是書幾與陸氏經典釋文同科矣前又有乾隆丙午
莊斫刊序

開元釋教錄二十卷 支那撰述本

唐釋智昇撰

智昇開元中居長安西崇福寺

四庫全書著錄讀書

志類書目

通考俱載之新唐志止載大唐內典錄十卷

注云西明寺僧謨母與開元內外經錄十卷而不及
是錄唯通志依唐志所載外又有續大唐內典錄一
卷注云唐僧智昇撰當即是錄而書名局類大異蓋
不可攷矣其書成於開元庚午前有目錄晁氏
稱智昇在開元中纂釋氏諸書入中國歲月及翻譯
者姓氏以撈嚴經為唐僧懷迪譯張天覺以懷迪與

菩提流支同時流支後魏僧其言殆不可信也今觀其書分為二錄一曰總括群經錄凡十卷從漢至唐所有翻述具帝王年代并譯人本事所出教等以人代先後為倫不依三藏之次兼敘目錄新舊同異一日別分乘藏錄亦十卷別錄之中曲分為七一有譯有本二有譯無本三支派別行四刪略錄重五拾遺補闕六疑惑再譯七偽邪亂正就七門中二乘區分三藏殊科具悉委曲兼明部屬大都紀載釋氏舊文莫備於此然著錄浩繁并迂在所難免不止如晁氏所指摘已也後來朱竹垞仿其體例撰經義考其并迂亦時有而何責于縉流此書在彼教中足以為一切經之必奇總匯矣是本後十數局之末俱有音釋當屬明人刊時所加入云

法藏碎金錄十卷

明刊本

宋晁迥撰迥字明遠澶州清豐人自其父始遷家彭
言直史館知制誥授翰林學士加承旨天禧中判
西京留司御史臺以太子太保致仕卒謚日文元
四庫全書著錄讀書志別集書錄解題通考宋志俱

載之解題通攷宋志俱無錄字蓋省文尔是書乃其
晚年退居昭德里時所作前有天聖丁卯日序明遠
酷嗜內典有得即書亦禪門語錄之屬不過出於文
人之手能飭以雅言尚未墮入緇流棒喝語氣耳然
士大夫而用心於此豈其于昌黎一集尚未寓目乎

其元孫子止深以其祖之倭佛為恥故作讀書志以
此書附載所撰道院集後雖自亂其例不恤也此本
為明嘉靖丙午其裔孫 琛得宋刊重刻冠以像贊及
逸事七則并為之跋

道院集要三卷

明刊本

宋晁迥撰王古刪定

古字敏仲清源人官至戶部尚書

四庫全書

著錄讀書志

別集類

書錄解題通考宋志俱載之宋志

注云不知作者是書前有治平乙巳敏仲序稱文元
晁公博觀內書精練道行不徒強學而力行復勤於
撰述以開導後覺為心其所著書曰道院別集曰自
擇增修古法曰法藏碎金曰隨因紀述曰耆智餘書
余嘗得遍閱之以為名理之妙雖白樂天不迨也輒
刪去重複摭集粹精整比義類使便觀覽云云蓋集

五書以成一書凡百餘條誠為得其菁華而遺其糟粕矣然亦不過釋家語錄之流與文章實風馬牛不相涉也子止係其元孫竟列之別集中殆亦歷諱其沉溺於異學耳而不知顧蓋而彌彰也此本為明嘉靖甲寅其喬孫璪以宋本重刊前後俱無序跋蓋佚脫尔

宋高僧傳三十局支那撰述本

宋釋贊寧撰贊寧德清高氏子出家杭州龍興寺吳越王錢鏐署為兩浙僧統宋太宗嘗召對於滋福殿詔修高僧傳咸平中加右街僧錄至道二年卒謚曰圓明大師四庫全書

著錄焦氏經籍志亦載之按梁釋惠敏始撰高僧傳

六局分詳經義解兩門釋慧皎復廣為十四局分詳經義解神異習禪明律道身誦經興福經師唱道十科唐釋道宣以慧皎書詳於吳越而略於燕魏故上距梁天監下終唐貞觀續為三十卷所載二百四十八人附見者又一百六十八人別分詳經義解習禪明律

護法感通遺身讀誦興福雜科十門以上三書俱見

至贊寧於太平興國七年奉勅再續則由唐高宗時

為始凡正傳五百三十三人附見一百三十人傳後

附以系論所分十類一仍道宣之例於端拱元年書

成表上故前載進表及批荅又有目序末又有自撰

後序其于唐五代諸僧授受源流敘述最詳大都採

自各家誄銘記志居多而詞意亦頗雅飭足以備釋

氏之常攷矣至每局後音釋乃明萬曆辛亥刊時附

入云

此本前後似非
支那撰述本

五燈會元二十局支那撰述本

宋釋普濟撰普濟字大川宋末杭州靈隱寺僧至元初猶存四庫全書著

錄焦氏經籍志錢氏補元志俱載之攷宋景德間吳

僧道原作傳燈錄真宗詔翰林學士楊億裁正天聖

中駙馬都尉李遵勗為廣燈錄建中靖國元年釋維

白成續燈錄淳熙十年釋道明作聯燈會要嘉泰中

釋正受作普燈錄斯五燈之所由始與藏典並傳焉

大川以燈為書浩博學者罕能通究乃刪雜冗雜合

為是編首以七佛次以西天東土祖師又次以四祖

五祖六祖下法嗣附西天東土應化聖賢又次以南
嶽青原下法嗣又分為仰法北服臨濟曹洞雲門五宗
支分派別各綴以傳其考論彼教源流本末最為詳
明雖體例仿釋惠洪僧寶傳然惠洪書僅載八十一
人而此編所載悉數之未可終也觀於是編學者可
不必再求之五燈全書矣前有元至正甲辰杭州僧
廷俊重刊序明嘉靖辛酉平湖陸光祖重刻募緣文

大藏聖教法寶標目十卷

徑山古梅庵刊本

宋王古撰後人展轉
附益已失原本之舊
仍題其名氏

舊題元清源居士王古撰與宋元祐中之王古同姓
名所編道院集要亦著曰清源疑莫能明焉是編乃
其所著釋藏目錄首列科段四則一摠標年代括人
法之紀綱二別約歲時分記錄之殊異三略明乘藏
顯古錄之梯航四廣列名題彰今日之倫序前一則
俱止敘述三藏崖略後一則但注云如文即指下十
卷之書也自漢明帝永平戊辰至元成宗大德丙午
凡一千二百四十一年中間譯經及傳譯之人總一

百九十四人所出經律三藏總一千四百四十部合
五千五百八十六卷皆以千字文計其帙數自天字
至侈字止備列諸目各為解題於下殊屬該括詳明
一覽之餘全藏義海瞭然於心目之間矣然考是帙
卷數僅至侈字而止恐未全之書也前有清源序偈
及大德丙午吉州報恩寺釋克己序

佛祖通載二十二卷

明刊本

元釋念常撰念常姓王氏號梅屋華亭人延祐中居嘉興大中祥符禪寺 四庫

全書著錄倪氏錢氏補元志俱載之是書乃其敘述
釋家故實而作第一卷但紀佛法初起崖略第二卷
自盤古以迄周康王亦祇錄帝王統系第三卷至末
自周昭王二十五年釋迦誕生以迄元順帝元統元
年皆據內典編年紀載各卷之後時有論斷大都鋪
張彼教以使人畏敬奉承而於闢佛諸家俱加詆斥
雖韓文公亦不免焉甚至據朱子韓文考異以與大

顛書為真而遂造作言語以復闢佛之讎何其誣妄
至于此極耶然其書采摭頗博間存公論較諸宋僧
志磐佛祖統紀之僭擬史例者夫固高出一籌矣前
有至正元年虞伯生集序末有天竺僧本無後序攷
虞序道園學古錄所不載或屬他人他作或非其稱
童之作而不存耳

長松茹退二局

續秘笈本

明釋可真撰可真字達觀吳江人始居蘇州楞嚴寺
舍利慈聖太后迎入宮中特賜既而游大房山經進隋僧淨琬所藏佛
紫伽黎俄以獄詞牽連論死四庫全書存目明
史藝文志亦載之達觀有集名茹退據佛經以牛糞

為茹退蓋自謙之詞也是編乃其所著語錄故亦以
此名之長松其館名也其書凡一百十九條皆以慈
憨子同起雖出於釋氏而不盡為釋氏之談於人情
物理亦間及之然終以釋氏為敬心之地云前有李
日華及匡石子二序後有萬曆乙未邢懋跋

現果隨錄一卷 說鈴後集本

國朝釋戒顯撰 戒顯字晦山順治
間居杭州靈隱寺

四庫全書存目

其書凡九十二則內三十五則俱附有論斷自謂
凡現在因果係親見聞者皆四此錄錄中所記不
外錄太上感應篇善惡之報如影隨形而已然不
教以積善而徒驅人以奉佛則仍縹流之習氣耳
前有康熙辛亥周櫟園亮序



鄭堂讀書記卷六十九

子部十四

道家類

烏程周中孚撰

國家圖書館 NATIONAL CENTRAL LIBRARY, TAIWAN, R.O.C.

阮氏有云宋志
作經疏一卷

陰符經解一卷

合刻陰符經注釋本

舊題黃帝撰伊尹太公范蠡鬼谷子張良諸葛亮李
筌七家注 四庫全書著錄按隋志兵家類載太公
陰符鈔錄一卷又周書陰符九卷皆不云黃帝亦無
與於道家之陰符經至新唐志始有集注陰符經一
卷注云伊尹太公范蠡鬼谷子張良諸葛亮李淳風
李筌李治李鑿李鏡楊晟凡十二家蓋注始于伊尹
則以為此經出于黃帝矣崇文目亦作集注陰符經
原釋所引不及伊尹而云又有傳曰者不詳何代人

太公之書世遠不傳張良本傳不云著書二說疑後
人假託云又有陰符經敘一卷不詳何代人敘集太
公以後為陰符經注者凡六家並以惠光嗣等傳附
之讀書志作七賢注陰符經通考全晁氏稱李筌注
云陰符經者黃帝之書或曰受之廣成子或曰受之
元女或曰黃帝與風后玉女論陰陽六甲退而自著
其事陰者暗也符者合也天機暗合於事機故曰陰
符黃魯直嘗跋其後云陰符出于李筌熟讀其文知
非黃帝書也蓋欲其文奇古反說謫不經蓋採雜兵
家語又妄託太公范蠡鬼谷張良諸葛亮訓注尤可
笑惜不經柳子厚一掃擊也余謂魯直所云確不可
易殆李筌所為託之黃帝又妄託前人諸注以實之
耳故朱子語錄亦稱閻邱主簿進黃帝陰符經傳先
生說握奇經等文字恐非黃帝作唐李筌為之聖賢
言語自平正却無疏竅如許以上說然唐志崇文目所
載集注本久已散佚即崇文目所稱陰符經敘無伊
尹注而有惠光嗣等傳亦與今本不合惟晁馬兩家
所稱七賢注即今本也然晁氏所引筌注不見于是

本蓋晁氏又別載有筌注一卷此本不全錄之故有所不見者其書已亡今惟所注傳驪山老母口授太虛山李筌疏之本尚存前有自宋志作一卷序有與晁氏所引大異小同云此本前有孔明序不知何人偽撰說解漢魏叢書續秘笈所收均不著名氏

陰符經考異一卷

合刻陰符經注釋本

宋朱子撰

四庫全書著錄焦氏經籍志亦載之按

陰符經指為唐李筌所偽作者音發於黃山谷朱子語錄亦深以為然然其書頗得黃老之緒餘外深於道家者不能作故朱子考諸本之目同異判定其文而為之注以見其學之無所不通不從談養生而注目契也此本題為空目道士鄒訢撰與參目同契目同例蓋以旁涉異端非儒家之正軌所以隱其名氏而託諸庚辭歟則何如不作之為高矣

本蓋晁氏又別載有筌注一卷此本不全錄之故有所不見者其書已亡今惟所注傳驪山老母口授太虛山李筌疏之本尚存前有自宋志作一卷序有與晁氏所引大異小同云此本前有孔明序不知何人偽撰說解漢魏叢書續秘笈所收均不著名氏

陰符經考異一卷

合刻陰符經注釋本

宋朱子撰 四庫全書著錄焦氏經籍志亦載之按陰符經指為唐李筌所偽作者自約發於黃山谷朱子語錄亦深以為然然其書頗得黃老之緒餘外深於道家者不能作故朱子考諸本之目同異判定其文而為之注以見其學之無所不通不從注談養生而注參目目契也此本題為空目道士鄒訢撰與參目目契目例蓋以旁涉異端非儒家之正軌所以隱其名氏而託諸庚辭歟則何如不作之為高矣

陰符經講義二卷

合刻陰符經注釋本

宋夏元鼎撰

元鼎字宗禹號雲峯散人永嘉人

四庫全書著錄乃

其原本局末附內外三闕圖日月聖功圖奇器萬象圖三教歸一圖先天後天圖上下鵲橋圖七十二候

白明當查

圖五行相生圖後各繫以說此本無之當屬白明之所刪去耳其書以丹法釋陰符亦居然成理特是經出於李筌偽作今筌自注具在未嘗及於丹法何後人注其書者反附會其說耶從此說陰符者又開出爐火一派矣前有寶慶丙戌樓時序攷原本尚有宗

禹自序自記及留元剛雲峰入藥鏡箋序王九萬後
序此本皆不載云

當查何本

陰符經注二卷

合刻陰符經注釋本

舊題金陵道人唐淳撰

四庫全書存目作一卷

焦氏經籍志作二卷與是本合前有元至大己丑孟

粹

然序稱淳不知何代人邇來瑩然子周至明因遊崆

峒感黃帝故事慨然有兼善之心懇求此本鏤版印

行求予為序云云則亦至大時始傳于世矣其書上

卷為神仙抱一演道章下卷為富國安民演法章彊

兵戰勝演術章與蹇昌辰解本同而無黃帝陰符演

章哲人以愚虞以下之文則又與蹇本異也其說皆

主於內丹而傍引諸書以証之似曾見夏宗禹講義
而為之云

陰符經注一卷 合刻陰符經注解本

宋俞玉吾撰 四庫全書存目倪氏錢氏補元志所
載注俱作解前有元至正戊子眉山師敬序稱是經
所解發明朱夫子所未盡言者攷朱子注此經不過
以餘力了之原不及專家之詳明也玉吾學宗朱子
因為彌縫其闕殊較他家為勝然朱子用稽氏張氏
二注本故定人以愚慮聖以下一百十四字皆為經
文而是注竟刪去之未免失朱子之意矣

陰符經注一卷

合刻陰符經注釋本

舊題姑射山太元子侯善淵撰

四庫全書存目乃

其原本焦氏經籍志亦載之攷道藏目錄多有善淵所注之書蓋亦道家者流也其注隨文解義殊嫌太簡頗與葛白叟道德寶章相類而特不以佛理解之耳前有自序稱死生之理其機在目知其全書大旨不出錄此其篇末人以愚慮以下一百十四字絕無注文則不及原本之完善矣

陰符經解一卷

合刻陰符經注釋本

明焦竑撰 四庫全書存目昔之解陰符者或曰韜
鈴或曰導引皆不得其解不如仍以老子之理解之
尚不失其宗旨澹園喜談禪悅又即以佛理作是經
與其所作老子翼自成一家之言蓋佛老本同源也
較之以兵家神仙家之附會此經者相去遠矣前有
萬曆辛丑顧起元小引

陰符經注一卷 文貞全集本

國朝李光地撰 四庫全書存目按陰符經乃衰世之書大抵老氏之苗裔知其意者為之也朱子以其時有精語非深於道者不能作為撰考異一卷厚庵為朱子之學者也因見朱子曾刊定其文詮釋其義乃亦從事於此但在朱子則可在厚庵則不可哉 朝理學李陸並稱而厚庵獨不得與從祀之列豈非注陰符叅目_司契之孽哉

道德經評注二卷 老子全書本

舊題漢河上公章句明初有光批闕文震孟証正

四庫全書著錄作老子注乃江西巡撫採進本按漢志載老子鄰氏經傳四篇傳氏經說三十七篇徐氏經說六篇劉向說老子四篇而無河上公注隋志始載老子道德經二卷漢文帝時河上公注梁有戰國時河上丈人註老子經二卷亡經典釋文始作河上公章句四卷新舊唐志崇文目讀書志通考俱作河上公注二卷宋志又作河上公注一卷其作四卷一

卷者蓋分併之異耳攷史記示毅傳贊樂臣公學黃
帝老子其本師號曰河上丈人不知其所出河上丈
人教安期生安期生教毛翁公毛翁教樂瑕公樂瑕
公教樂臣公樂臣公教蓋公蓋公為曹相國師云云
授受確鑿自當有注故稱曰本師其書久佚姑無庸
議是注託言河上公撰蓋因河上丈人有注佚而改
其稱為河上公至葛氏神仙傳三載河上公者莫知
其姓字漢文帝時公結草為庵於河之濱帝讀老子
經頗好之敕諸王及大臣皆誦之有所不解數事時
人莫能道之聞時人皆稱河上公解老子經義旨帝
即其庵躬問之公乃授素書二句與帝曰熟研之此
經所疑皆了不事多言也余注此經以來一千七百
餘年凡傳三人連子四矣勿以示非其人言畢失所
在云云又因是注題河上公而附會之即其所云注
此經以來一千七百餘年顯然露一敗闕自老子成
書後至漢文帝時亦不過三百餘年而況於作注之
人乎况其書既為文帝所得而七畧獨不載之何也
且注附句下始于馬季長曾西漢而有是體耶無論

其詞意淺近不類秦漢間人書矣。殊魏晉間無_此道
流所依託而神仙傳從而附會之歟。陸氏釋文雖無_本
能辨正神仙傳之附會而不據之以作音義亦殆有
以也。此本係近時坊人重梓明刊本故仍題歸氏文
氏批訂于首且標題詳注而併為河上公序亦題曰
詳注序荒謬已極前又有明大祖御製序贊又錄法
翰經譜畧列史志畧史記列傳及隋薛道衡所撰廟
碑又有諸家總論十則又工局後有董道藏書志一
則下局後有蘇繹城李宏甫序跋二_則又于上闌俱輯

有諸家評語皆不足存

道德指歸論六卷

津逮秘書本

舊題漢嚴遵撰

遵字君平
成都人

四庫全書著錄按君平

原書隋志作十一卷新舊唐志俱作十四卷又有馮

廓老子指歸十三卷崇文目道書類讀書志通考宋

志俱作十三卷然皆無論字此本有之蓋作偽者所

妄增耳晁氏稱是書谷神子注其章句頗與諸本不

同如以曲則全章末十七字為後章首之類此本局

數與廓注同其題谷神子而不顯姓名疑即廓也按

此本前有谷神子序稱道德指歸論陳隋之際已逸

其半今所存者止論德篇目獵其訛外定為六卷而以其說目冠於端庶存全篇之大義尔云云則與晁氏之說大相刺謬無論局映不合即僅有正文而無注其顯然矣竊意晁氏所稱谷神子注已亡因併本書之文而偕亡所以書錄解題已不載之據曹能始元歸外編序所云實明末人所偽作胡孝棘震誤收入秘冊函毛子晉因而編入秘書也其書凡三十四篇各拓道德經文標目文詞雖不逮于古而說頗近理猶能文之士所為尚可存俟一解焉前有劉子威

序沈士龍及孝棘題詞 學律詩原亦收入之

孝子道德經注二卷

武英殿聚珍版本

魏王弼撰 四庫全書著錄隋志作二卷經典釋文

同舊唐志作元言新記道德二卷王弼注新唐志則

元言二字在新記二字下而別出王肅元言新記道

德二卷皆顛倒重複不足憑崇文目作道德經注一

卷讀書志作老子畧論一卷通考全書錄解題作老

子注二卷宋志全宋志又別出道德畧歸一卷歸即

論之譌字因而重出也大都詳言之則曰老子道德

經注約言之或曰老子注或曰道德經注分之則二

注之是非何無一
言及之當以竹垞
王弼論為証

卷合之則一卷至元言新記道德及道德略論之稱
又莫詳其何所據也陳氏稱魏晉之世元學盛行弼
之談元冠於流輩故其注易亦多元義世所行老子
分道德經為上下卷此本道德經且無章目當是古
本按今本釋文實分上卷為道經下經為德經與古
本不合當屬後人據俗本以標目非陸氏之舊矣今
館臣以明萬曆中華亭張之象刊本據永樂大典所
載之本校正其書凡八十一章即注河上公注本章
名於其下以聚珍版印行冠以提要一篇未有宋政

和乙未晁說云
乾道庚寅熊克二跋

老子解四卷 廣祕笈本

宋蘇轍撰 四庫全書著錄作道德經解二卷讀書

志作蕪子由注老子二卷通考全書錄解題作老子

新解二卷宋志作老子道德經義二卷蓋所見之本

各異也惟焦氏經籍志作道德經注四卷卷類與是

本合知眉公蓋陳氏據明刊本載入而改其標題耳

子由謫官筠州頗與學浮屠者遊而有所得焉於是

作此解自序謂未有不與佛法合者蓋佛經本中華

士人竊老莊之緒餘以潤色成書宜其合也惟其授

中庸之說以相比附未免援儒而入於墨故朱文公
作雜學辨極攷之末又有自題引東坡跋云使戰國
有此書則無商鞅韓非使漢初有此書則孔老為一
使晉宋間有此書則佛老不為二其言佛老不為二
善矣以言孔老為一則悖也至商鞅韓非為黃老之
轉闕此史記所以老韓同傳也東坡亦溺于二氏者
故有見不到耳

道德寶章一卷

彙校本

宋葛長庚撰

長庚字白叟別號白玉壻閬清人為道
士居武夷山嘉定間徵赴闕下封紫清

真人

四庫全書著錄倪氏宋志補作者子道德經寶

章是書離章析句稍加箋注有類禪偈蓋佛老本同
源而吳派白叟併為一解欲讀者於言外領取其旨
尔前有明陸樹聲跋及萬歷癸未適園居士二跋而
不著名氏或即與眉公同校此書之秀水陳詩教云

老子翼二卷 原刊本

明焦竑撰 四庫全書著錄明史藝文志亦載之其書採古來解老子者六十四家取其醇正各述有合

於經者手為纂錄而以所著筆乘附之合為六十五家其訓詁音義列經文之下各家注及筆乘列每章之後而標舉其姓名其採摭極博瞻而精審蓋濬園講學皆涉老莊其得於兩家者殊深故其解老乃多得其本旨其於各家注為所安者既載之正經上下卷其餘悉斂為附錄及考異一局亦頗賅備足有裨

於好古者之恭攷焉前有自序及王孟起元序其考
異前亦有自題至

國國朝乾隆庚申山陽郭義一洵重加校刊改為老子
元氣翼其安不待辨矣

道德經注二卷附陰符經注一卷 泗溪刊本

國朝徐大椿撰 四庫全書著錄前有乾隆庚辰自
序及凡例靈胎以王弼之注詞亦層近無發明河
上公之注文理不通其為偽託無疑餘所見數十
家非無偶得總不精純因熟讀經文直疏經義而
成是編分上下二篇而去其道經德經之目又分
八十一章而去其每章名目唯以章首一句標題
於篇中字句之多少異同則從諸本較對取其明
白確當者從之其訓詁視其上下文脈絡而通貫

使其上下連屬詞義頗屬通達而淺顯可以便學者之循誦然以言錄得老氏之精意則不及古注遠矣附載陰符經注一局其自序稱陰符為贊易之書而因以易理解之亦簡而明蓋與其解老相等云

文子二卷

墨海金壺本

周文子撰不著其名

文子老子弟子或曰計然者誤也

四庫全書

著錄漢志作九篇隋志作十二卷注云梁七錄十卷亡馬氏意林新舊唐志宗文總目讀書志書錄解題通考宋志俱作十二卷自新唐志以下皆據從人注本按是書凡十二篇曰道原曰精誠曰十守案十守原作九守今據明刊本曰符言曰道德曰上德曰微明曰自然曰下德曰上仁曰上義曰上禮古本以一篇為一卷也漢志作九篇者疑古以上仁上義上禮三篇合下德為一篇

此三篇自為一篇

以配下德耳七錄作十卷者疑九篇外有敘錄一篇

云今本又從十守篇分出守虛守無守平守易守清

守真守靜守法守弱守樸十篇合為二十二篇皆出

於後人之臆見非古本如此也且止有正文而無注

知元魏李暹唐朱元宋朱弁三家之注已亡而唐徐

靈府注錢氏讀書敏求記三所載太原祝氏依宋板

摹寫之本今亦不傳也攷漢志注稱文子老子弟子

與孔子並時而稱周平王問似依託孫淵如師馭之

曰蓋謂文子生不與周平王同時而書中稱之乃託

為問答非謂其書由後人偽託然書稱平王並無周

字又孟堅誤讀此書此平王何知非楚平王故可以

為老子弟子與孔子並時也竊謂五師之駁確而精

矣獨其信文子即計然則請得以宋濂溪之辨正之

其言曰宋潛溪全集二十有諸子辨稱文子不知氏

名徐廣曰名鉞李暹曰姓辛蔡邕漢上人號曰計然

范蠡師事之裴駘曰計然姓辛宋文子其克晉國公

子也孟康曰姓計名然越人也顏師古曰計然一名

計妍吳越春秋及越絕書並作計倪倪與妍然三音

皆相近故訛耳由是觀之諸說固辨矣然是書非計
然之所著也予嘗考其言壹祖老聃大槩道德經之
義疏尔盖老子之言宏而博故是書雜以黃老不法
儒墨之言以明之母怪其駁且雜也計然與范蠡言
皆權謀術數其載於書絕與此異予固知非著是書
者也其殆文姓之人祖老聃而托之者歟竊謂潛溪
之辨確而精矣而濠淵如撰文子序猶信文子即計
然見問字堂集四殆不然也張若雲從明刊本校梓冠以提
要一篇其目錄前有余有了志題辭云吳中舊刻僅

十餘葉近得默希子即徐靈府之自號始覩其全不知何故

不照原本翻刻又盡削靈府之注殊所不解錢曾王

亦云爾見敏求記三

阮氏有

靈府號默希子錢唐
人唐元宗時徵士隱
修衡嶽

文子合註十二卷

明刊本

舊題默希子徐靈府正儀子朱弁南谷子杜道堅合
注乃明天啟乙丑浙中楊爾曾所刊本也前有莆田
黃鳴喬刻序稱吳中舊刻文子僅十餘葉雲向潘氏
輯畧較之倍蓰近得默希子本始覩其全迺靈府注
本也門人楊生忽以全書附郵筒至徵余片言以弁
卷首迺默希子正儀子南谷子三家合注也昔以不
覩全書為憾今喜獲其全而并得其注三子謂非文
子之功從乎據此是黃氏既見徐注本又見合注本

也按新唐志載有此魏李暹唐徐靈府兩家注崇文
總目全讀書志則李徐兩家外別有唐朱元注至書
錄解題止有徐注通志宋志則俱載李徐及朱弃注
而無朱元注焉竊謂朱弃朱元疑即一人傳刻者因
字形相涉而誤今李注久佚是本僅有徐朱兩家注
朱弃又誤作朱弁其全不全皆無別本可証至杜注
實即宋杜南谷之續義以聚珍版本核之知此本又
屬采錄不全則徐朱兩家注概可知矣然聚珍本所
闕之五篇此本每篇尚存數条亦可以補其闕而徐

朱兩家注雖不全又屬錢氏讀書敏求記所未及載
者則此本洵足寶貴矣未可以明人所刊而避棄之
也卷首載有徐氏原序又有杜氏原序吳全節黃石
翁二序俱聚珍本所不載又有文子考或即尔曾所

作耳

文子續義十二卷

武英殿聚珍版本

宋杜道堅撰

道堅字南谷當塗人武康計等山昇元觀道士

四庫全書著

錄南谷為理宗時人至元大德丙午尚在倪氏宋志

補及倪氏錢氏補元志俱失載攷文子注有元魏李

暹唐徐

靈府朱弁

三家今惟徐朱兩家注為明楊

曾合南谷是注刊為合注本者尚存其十之三四焉

南谷當宋元間各家之注猶完然無闕因採取諸說

以注是書然皆不標名氏但題曰舊注而所自為說

則題續義以別之其書久佚今館臣從永樂大典錄

出僅存精誠符言上德微明自然下德上義七篇及
半^賦原序因別錄原闕之正文篇合為十二^局以符
隋唐宋志諸家書目所載文子舊注之數其注義頗
明暢能使本文之疑滯泮然冰釋而原文字句多足
以訂今本傳刻之誤惜當時未及見明人合注本而
補輯之耳

關尹子一局墨海金壺本

舊題周尹喜撰喜字公度秦人為關吏者四庫全
書著錄按漢志載關尹子九篇隋志舊唐志崇文

目讀書志通志俱不載至書錄解題通考宋志始載

有九局陳氏稱其書亡久矣徐歲子得之於永嘉

孫定首載劉向校定序篇未有葛洪後序未知孫定
從何傳授殆皆依託也序亦不類向文合觀是書凡

一字二柱三柱四符五鑑六匕七釜八籌九藥九篇
宋潛溪全集七十有諸子辨謂其書多法釋氏及神

當刪去小注而以史
記大書作起

余謂潛溪倡知其為假託而未能定其為自何據陳氏始為著錄或南宋間

仙方技家而藉吾儒言文之如變我為智一息得道嬰兒蕊女金樓絳宮青蛟白虎寶鼎紅爐誦呪土偶之類明之時無是言也其為假託蓋無疑者或妄謂二家之說實祖于此過矣然其文雖峻潔亦頗流于巧刻而宋象克之徒乃復尊之如經其亦妄人哉余謂此書在偽書之中頗有理致有詞采或唐五代間方士解文章者所為也

司馬彪莊子注一卷附莊子注考逸一卷

問經堂叢書本

晉司馬彪撰

國朝孫馮翼輯按紹統莊子注晉書

本傳未詳其卷數隋志載莊子十六局司馬彪注本

二十一卷今闕然新舊唐志俱作二十一卷是即通

志所謂書籍有不足於前朝而足於後世者矣經典

釋文於莊子荅荦泉家奇注以成而於紹統注微引

最夥彪注本大抵佚於宋代太平御覽以修文殿書

為粉本故雖引及彪注未可執以証其未佚也鳳卿

因撫拾逸闕以存彪注之舊而義取限斷不采陸氏

釋文誠以釋文既有專書明人所刻莊子又分篇臚列為學者所易見且其語不啻三倍于選注諸書無庸為陸氏作鈔胥重為編錄也惟他書所引與陸氏合者將釋文附注統計一百十四事陸氏合者四十餘事遺者六十餘事故別輯為莊子注考選一卷至因學紀聞載莊子逸篇共三十九章而亦不能無漏今采七事皆有司馬注語者其無注及不標人名者不錄而其所漏者六事亦載以補六事之闕附錄於龐注之後併為之序

莊子翼八卷莊子闕誤一卷附錄一卷

原刊本

明焦竑撰 四庫全書著錄明史藝文志作莊子翼八卷南華經餘事雜錄二卷拾遺一卷蓋拾遺即闕誤餘事雜錄即附錄而誤作二卷尔其書採摭古來莊子注凡二十二家旁引他說者凡十六家又章句音義凡十一家取其與莊合者以成是編其所著筆乘亦備一家焉而大旨以郭象呂惠卿楷伯秀羅勉學陸西星五家為主所有訓詁音義列每章經文之下然後列各家之注而標明其所出體例與老子翼

目其所引各家或不免一一核實然多援據古書終
有根柢究勝于明人空疎之習焉所附闕誤一卷乃
陳景元南華章句之文皆載古今本之目異以備攷
又附錄一卷則史記莊子列傳阮嗣宗莊論王介甫
莊子論上下蘇東坡莊子詞堂記潘佑贈別王元澤
雜說李元卓表莊子九論也前有萬曆戊子自序凡
例及采摭書目又有王孟起元序其凡例七則俱見
筆乘

觀老莊影響論一卷

快書本

明釋德清撰

德清字登印自首
慈山道人全椒人

四庫全書存目前

有自序稱余因閱楞嚴法華次有請益老莊之旨者
遂蔓延及此以自決非敢求知於真人以為必當之
論也空谷傳聲泉響皆應苟唯心識而觀諸法則彼
自不出影響間也故以名論今觀其書凡教源心法
考取學問教乘工夫行本宗趣八論大都引佛經以
証老莊有援道入釋之意然兩家本如一鼻孔出氣
故易牽合以其論老莊為名因從其名歸之道家焉

前又有問士竹題辭

列仙傳二卷 秘書二十一種本

舊題漢劉向撰 四庫全書著錄乃兩淮監政採進

舊刻本隋志雜傳類載列仙傳讚一本三卷注云劉向

撰酸續孫綽讚一本二卷注云劉向撰晉郭元祖讚

舊唐志雜傳類作列仙傳讚二卷劉向撰新唐志雜傳類

始作列仙傳二卷崇文總目讀書志傳記類書通志錄解題

通考宋志俱全按隋志所載謂傳為向撰續為酸撰

讚為綽撰酸續工似脫一字蓋有續傳一卷鄭氏不

知其有脫字但著列女傳讚三卷孫綽撰列女傳贊

二卷郭元祖撰陳氏稱是書凡七十二人每傳有贊似非向本書西漢文章不錄也館閣書目三卷六十二人崇文總目作二卷七十二人與此合攷漢志不載此書而全如列女傳之體疑魏晉間方士所依託故葛稚以神仙傳序已稱其書孫氏郭氏輩且各為之讚也舊本自赤松子至元俗凡七十一人人深以贊篇末又為總贊一首較陳氏所云少一人或陳氏本有誤也至贊語據世說載孫氏高邱子胥讚與此不同當為郭氏所撰此本僅有傳及總贊而無傳後之贊蓋汪士漢所據之本如是耳前有士漢序說郭所載止錄其名氏六十六人而已

周易參同契發揮三卷釋疑一卷

原刊本

宋俞玉吾撰

四庫全書著錄倪氏補元志類易無釋

疑一卷錢氏補元志有之焦氏經籍志作發揮九卷

釋疑二卷俱字之誤也其書成于元至元甲申前有

自序稱僕感神人指示先天真一之大要聞說後天

火候之細微敬為是書添一注脚凡論天地陰陽則

參以先儒之語述藥火造化則証以諸仙之言反覆

辨論務欲發明魏公本旨固不敢秘元妙之機以絕

人亦不敢雜謬悠之語以惑人云云蓋以朱子參同

議異久教外別傳之義故注是書以補其所不足且以發明彭秀川陳宗道諸家之所未發者旁披博取無所不至而絕無牽合附會妄亂穿鑿以似是而飾真者也其釋疑三篇前亦有自序蓋合諸本而參訂之亦較朱子為詳觀其發揮篇末及是序所述雖以彭氏古本為經注混斂而于本書仍不敢有所移易其謹慎可謂至矣不料後來楊升庵即目其說而造偽本云前又有全時阮登炳張與村杜道聖三序

參目契章句一卷

文貞全集本

國朝李光地撰四庫全書存目按參目契本道家之書為儒者所不道厚庵因朱子有泰目契考異一卷乃亦為之所謂亦步亦趨也但其所據為楊升庵偽本而非朱子所據之本惟楊本載徐景休箋注而厚庵則自為之注所分章段與楊本同而別分三相類為三篇又別分爐火說爐火後語為異耳夫朱子遭逢世難不得已而託諸神仙故隱其名氏曰辭訢今厚庵身都將相大有事在而亦

惑溺于此此則可已而不已也前有自序其末云
震方忝根^李芷草夏烹更數龍^克馬騰上朱雞火觀在^地
上公賦攸剗三行相生自述其私此又學泰日契
委時與害與鬼為隣百一之下^伯遊人間湯造阮
際水早隔并之文以自述其姓名云^{其用心如此}
尚可以側身

兩麻
間乎

神仙傳十卷

漢魏叢書本

晉葛洪撰

洪字稚川句容人元帝為丞相時辟為掾
以平賊功賜爵關內侯遷散騎常侍自乞

出為句漏人後
終於羅浮山

四庫全書著錄據兩淮鹽政採進

本乃原帙也隋志

雜傳類舊唐志雜傳類新唐志崇文日

讀書志

傳記類通考家神仙宋志俱載之崇文目作神仙

傳畧一卷蓋節本耳前有自序稱予著內篇論神仙

之事弟子滕升^同向曰古之得仙者豈有其人乎予答

曰秦大夫阮倉所記有數百人劉向所撰又七十餘

人予今復抄集古之仙者見于僊經服食方及百家

之書先師所說者儒所論以為十卷知劉向所述殊甚簡略美事不舉此傳雖深妙奇異不可盡載猶存大體竊謂有愈於劉向多所遺棄也今觀是本所錄自廣成子以迄封衡凡九十二人較原本所載人數反多八人雖大畧相同而核檢其文乃即太平廣記所引鈔合而成又勦取他書以足數非原帙也其篇第之失次序蹟之外漏皆所不免遠不及原本之足據矣至說部所載僅節錄一卷更不足據

机中書一卷

唐宋叢書本

舊題吾葛洪撰

四庫全書存目一作元始上真衆

仙記通志載有元始上真記一卷豈即其書歟前有錄起一則稱洪見一真人自號元都太真王令侍者執筆摩紙口授妙言既畢左手授與洪云吾往方丈謁仙官致復相遇于崑之焉吾去矣見駕乘舟而高乃失所在云云已極怪誕而所記真書真記凡十三則率皆鑿空而談謬悠誕妄雖偽如真靈位業圖亦不如是之甚也真無或道流不知而作者矣說邪及

續秘笈均收入之

真誥二十卷

學律詩原本

梁陶宏景撰

宏景仕履見襟錄類

四庫全書著錄隋志不載

新舊唐志始載之作十卷崇文目

道書讀書志類神仙

書錄解題通考

神仙家

宋志俱全晁氏稱是書皆真人

口授之誥故以為名記許謚楊義諸仙受道之說本

七卷運提一象甄二命授三協昌期四稽神樞五握

真輔六翼真檢七後人析第一第二第四各為上下

按今本作運象篇一甄命授二協昌期三稽神樞四

闡幽微五握真輔六翼真檢七與翼真檢篇首敬錄

合惟運象篇作運題象為異然則晁氏之說為後人
傳刻之譌也至今本作二十卷蓋又後人所分析耳
朱子語錄謂道書中真誥後有道授篇當是甄命都
是竊佛家四十二章經為之非特此也至如地獄託
生妄誕之說皆是竊他佛教中至鄙至陋者為之某
嘗謂其徒曰自家有箇寶珠被他竊去了却不照管
亦都不知却去他牆根壁角竊得箇破瓶確罐用此
甚好笑文公所言亦可謂竿譬而喻矣而前有嘉定
癸未高疏察似序尚極口稱道之蓋失于不深考耳

靈寶真靈位業圖一卷

律建祕書本

舊題梁陶宏景撰

宏景仕履見雜家類

四庫全書存目前

有通明序又有王弼州世題詞稱是書大槩依約真
誥所傳而稍編次之余疑以為後人傳會書耳而序

辭頗質雅而不快爽類陶華因手書一通脩采說中

有疑誤者略拈出之其又題又稱其文似後人筆而

胡孝棟震亦謂搜檢真誥未必一二準之知此圖所

列別準葛洪枕中記也其為後人附益誠有如弼州

所言者竊謂書既為作則序文亦屬依託弼州於文

尚偽秦漢體故併是序亦認為真通明作此則文人
之蔽也前又有秀水沈士龍引說郛亦收入之

周氏冥通記四卷

律達秘書本

梁周子良撰

子良字元敏汝南縣人寫
居丹陽陶宏景之弟子

四庫全書

存目無周氏二字隋志

雜傳類

有云作一卷不著撰人

舊唐志

雜傳類

全而作陶宏景撰蓋以首有陶氏所作

子良傳而誤也崇文目

小說類

作周子良冥通錄三卷

錄為記字之謠宋志

小說類

則作四卷與今本合其作

一卷三卷者當屬傳刻之異耳是編皆記其遇仙之
事起梁天監乙未五月迄丙申七月而止遜日紀載
間有託之夢中其怪誕不待言而詞致頗雅飭有類

陶氏真誥蓋當通明編次時有所潤色爾中間時有
真字近黃扶並生燕府二已具釋之矣說鄒評唐宋叢
書所載均節錄一卷云

元倉子一卷

墨海金壺本

唐王士元撰

士元襄陽人當開元天寶時其名
或作巨源或止作源未知孰是

四

庫全書著錄按元倉子漢隋舊唐諸志俱不載新唐
志始載王士元元倉子二卷注云天寶元年詔號元
桑子為洞靈真經然元桑子求之不獲襄陽處士王
士元謂莊子作庚桑子太史公列子作元倉子其實
一也取諸子文義類者補其亡崇文日書錄解題宋
志俱作三卷讀書志通考俱作二卷今本乃殘闕之
餘故明人併為一卷云其書凡全道用道政道君道

臣道賢道訓道農道兵道九篇與崇文日原釋合柳
子厚嘗辨其非劉向班固所錄是矣然是書實士元
所補亡與他偽書不同子厚不知而妄試之未免以
不狂為狂矣其書雖勤老莊文列及諸家言而成然
能融以己意頗有理致惟其多作古文奇字未免內
不足而假外飾耳

天隱子養生書一卷 說郛本

舊題唐司馬承禎撰

承禎字子微里貫未詳元宗時隱天台山

四庫全

書著錄作天隱子附元真子下讀書志類

神仙書錄解

題通志通考

神仙家

所載俱無養生書三字蓋陶氏所

妄增也前有司馬

承禎

序因之又誤題其名氏耳攷

子微為元宗時人則是書當出唐人所撰云序稱天

隱子吾不知何許人著書八篇包括妙秘殆非人間

所能力學觀夫修煉形氣而養和心靈歸根契于伯

陽遠遺照齊于莊安長生久視無出是書今觀其書

疑新唐志已收
故通志亦收入

凡神仙易簡漸門齋戒安處存想坐忘解神八篇後
有紹興壬午胡榘跋謂此書當是子微所著而序乃
云天隱子不知何時人意者不欲自顯其名耶晁氏
引王古謂天隱子即子微也陳氏亦謂其言殆與坐
忘論相表裏豈天隱者托之別號歟余謂子微已著
有生忘論三卷何必又為此書而托之天隱子諸家
所云皆不足憑惟洪興祖謂子微得天隱之學見宋
全集亦未知何據也

元真子三卷 知不足齋叢書本

唐張志和撰 志和字子同婺州人肅宗時以明經擢
第待詔翰林坐事貶南浦尉後遇赦還
放浪江湖以終自號烟 四庫全書著錄作一卷新
波釣徒又號元真子 唐志作二卷宗文目家道書作十三卷書錄解題通考

俱作元真子外篇三卷宋志小說作元真子神異書
三卷陳氏稱唐志元真子十二卷今纔三卷非全書
也既曰外篇則必有內篇矣按唐志實作二卷何以
有十二卷之云也此蓋陳氏偶爾忘記或稱外篇或
稱神異書當出于道流所添改耳未必再有所謂外

篇也今所存三篇曰碧虛曰鸞鷲曰詩之靈皆摘篇首之字標目每篇各分章段畧與抱樸子外篇相近而詞采之博麗則不及之其宗旨總不外乎道家云云鮑暎飲以盧氏抱經堂校本付刊後附顏魯公所撰碑文一篇

金丹詩訣二卷

梁祝篔本

舊題唐純陽真人呂嵒撰宋雲峰散人夏元鼎編

四庫全書存日是書上卷載七言律詩六十四首俱言道家修養之術末附留題岳陽樓以下七言絕句六首下卷又載七言絕句三十首五言律詩四首六言律詩一首歌行詩十首長短句五首皆與唐格絕遠而歌行尤俗不可耐惟長短句中沁園春一闕頗得丹家微旨或真出于純陽未可知故俞玉吾取入元學正宗而詳加注釋餘皆歸流所偽撰也下卷末

附南嶽過師本末亦題夏元鼎編所敘傳授本末亦
荒誕不足信恐亦未必出于宗禹之手云

韓仙傳一卷 彙秘笈本

舊題唐瑤華帝君韓若雲自撰 四庫全書存目攷
傳中所敘事實即韓湘是也然湘為老成即十二郎
之子乃退之之從孫有史傳文集確鑿可據而此傳
何以稱祖為仲卿父為會叔父為愈且宰相世系表
稱湘字北渚不云若雲表又稱官大理丞則與傳中
自幼棄家修道又不合真無知道流偽造此傳以欺
世不值我者一嘆耳

胎息經一卷

律運秘書本

舊題幻真先生注不著時代名氏通志載胎息三十部內有元君胎息經一卷未知即是書否此書經文僅八十三字分為八節而注之其經頗錄皆場發老子谷神不死一章之義似與經目出一人之手也未附胎息銘一首亦止三行耳學律詩原亦收入之說蘇續所收胎息經疏為明海鹽王文祿所撰大旨亦與是注相等云

當查道書

无上秘要一卷 續秘笈本

不著撰人名氏 四庫全書存目乃浙江孫氏藏本

新舊唐志俱載有七十二卷讀書志神仙類載有九十

五卷云右題曰元始天尊說執文志止七十二卷不

知何時析出二十三通也今觀此編止有一卷首標

曰尸解品皆徵行道經以成帙以推演尸解之術率

誕妄不經而孫氏本所有推演大解兵解諸術俱無

之蓋眉公祇摘錄尸解品一篇故與孫氏本不合無

論晁氏所稱之舊本矣

疑仙傳一卷

續祕笈本

舊題隱夫王簡撰不著時代 四庫全書存目作三
卷通志全亦無撰人以其書考之當為宋乾德關寶
以後人所撰前有自序稱神仙之事自古有之其間
混迹固不可容易測也僕偶於朋友中錄得此事不
敢便以神仙為名目之為疑仙傳按是書所錄二十
二人皆開元以後事詞頗拙陋殆不學之徒所作雖
出於宋人無足取也

雲笈七籤一百二十二卷

清真館刊本

宋張君房撰

君房安陸人景德中進士及第官尚書度支員外郎充集賢校理

四

庫全書著錄讀書志

神仙通考

神仙家宋志俱作一百

二十卷書錄解題作一百二十四卷其自序作總為

一百二十卷知陳氏誤行四字今本為明張

堂所刊

或又分析出二卷也晁氏稱君房祥符中謫官寧海

時聖祖降朝廷書以祕閣道書付杭州俾戚綸陳堯

佐校正綸等同王欽若薦其君房專其事君房詮次

得四千五百六十五卷於是撮其蘊奧總萬餘條成

是書仁宗時上之今觀其書蓋以天寶君說洞真為
上乘靈寶君說洞元為中乘神寶君說洞神為下乘
又太元太平太清三部為輔經又正一法文遍陳三
乘別為一部故名七籤也中分道德道教及經教相
承三洞經教天地日月星辰諸部凡二十八卷景生
修攝齋戒存思訣法服氣金丹內丹方普符圖庚甲
尸解諸衍凡七十八卷諸真要略仙籍旨訣七部名
數以及讚頌詩詞傳記之篇凡二十六卷大都從道
藏中采錄原文而間有所刪節惟君房絕無論說於
其間尔然能考數類例盡著指歸足以暢元風而宣
益以視釋氏其猶法苑珠林歟

易外別傳一卷 原刊本

宋俞玉吾撰 四庫全書著錄倪氏補元志類易焦氏

經籍志俱載之是書成於元至元甲申前有自序稱

易外別傳者先天圖環中之祕漢魏伯陽參日契之

學也伯陽借易以明其說大要不出先天一圖今為

圖如者附以先儒之說明白无隱一覽即見云云蓋

以邵子之圖明丹家之旨本屬一家眷屬非有所假

借也然實非易之本義故曰易外別傳後附元北之

門賦一篇水中金詩一首末有至正丙申其子 仲溫

國家圖書館 NATIONAL CENTRAL LIBRARY, TAIWAN, R.O.C.

跋別本尚有自撰後序此本無之蓋佚脫尔

席上府談二卷

廣祕笈本

宋俞玉吾撰

四庫全書著錄倪氏錢氏補元志

雜家

類俱載之是編乃其隨筆札記上卷多考証名物雜

事罕逢精詣間及闕容成之術及論胎孕之說亦皆

習見下卷備述道家丹學諸書以及故事而深闡黃

白之術持論尚近於正蓋玉吾本儒者而以朱學為

宗朱子喜講春日契因亦注春日契又作易外別傳

及此書大旨明丹家之說而不入於說怪妄誕者

至游子二卷 執海珠塵中

不著撰人名氏 四庫全書存目其書上卷凡元軸
五化坐志上中下集要碎金容成陰符西升內德元
網玉芝十三篇下卷凡劇天黃帝問軒轅問百問虛
白問真誥黃庭太極火候水火坎離甲庚十二篇前
有嘉靖丙寅江東姚汝循序稱其言養生之理甚詳
蓋網羅群籍撮其要領而為之者也雖所稱引廣博
元微不易窺究然崇正闢邪標示準的一篇之中往
往頌露其梗槩焉今以傳為書者即出所傳之人例

之當即汝循所依託矣其書多采釋典以成書蓋兩家
本殊塗而同歸而又緣飾以儒書者欲其理之近於正
不得不假借牽就耳是書既無時代可以位置故惟從
作序之人列明人書中

漢天師世家一卷

萬曆四年重刊本

明張國祥撰

國祥字嗣漢
五十四代天師

按漢天師張陵既傳教累

世歷唐宋入明復世學道教蓋其盛幾與孔氏相終
始洪武初四十二代 正常因仿史記孔子世家之例

撰成世家自漢始祖陵迄于四十一代口口宋潛溪

源為之序

宋集亦其子

字初始為刪校增次以廣諸

梓并序其後至 國祥復續以後來數代而重刊之周

天球喻文偉

王德新皆為之序有萬曆甲子 國祥跋

其書之牽合傳會更僕難數王弼州讀書後八有書

張道陵傳後一篇其所各辨大都皆此書所有之文
蓋當時世家之外又別有傳以行世故弇州據以茶
辨文錄不錄余謂陵之為名明見於後漢書三國志
張魯傳而是書闕口曰諱道陵其他俱可以不辨辨
之矣

黃白鏡一卷續黃白鏡一卷 景祐定本

明李文燭撰 文燭字晦卿自號
夢覺道人丹徒人 四庫全書存目前

有萬曆戊戌自序謂黃白者專指大藥金丹色象言
也蓋為鑪火之家以土為藥以金為丹土以火返金
以汞還土之色象曰黃金之色象曰白造土乾汞故
曰黃白之術吾之作是鏡不獨照黃白亦能照人心
人能以此鏡時時一照之亦足以見其本來面目今
觀其書自照黃白以迄照合一凡二十六條蓋專明
丹汞之術者也續編一卷則載醒醒歌二十七首水

心篇五十首皆所以闡明前編之意而編末俱有自
跋

道藏目錄詳註四卷

馬本

明道士白雲霽撰

雲霽字明之號
在虛子上元人

四庫全書著錄

明史藝文志載有道藏目錄四卷不著名氏攷明文
淵閣書目已有道藏目錄一部十冊當即四卷之本
明之蓋據此本而撰詳註爾是書凡分洞真洞元洞
神為三部部為一卷又分太元洞元太清正一為四
部合一卷與宋張君房雲笈七籤所分三洞四翰相
同又於七部之中各分本文神符玉訣靈圖譜錄戒
律威儀方法衆術記傳讚頌表奏十二類每函皆以

千字文為次其舊藏者自天字至萃字凡四百七十
九函其為明人新續者自英字至將字凡十二函大
凡一千四百四十六種每種各述涯略如晁陳書目
之例中多摺拾四庫中易學諸書及穆傳山經諸子
別集以足卷數適足以見其牽強耳然為彼教中目
錄之學者則固無逾於是編矣前有自撰凡例及天
啟丙寅廖孔悅丁卯丁明登雖喻義三序又有董昌
葛寅亮兩題辭別有抄本道藏目錄四卷亦題明之
所編當即從是本抄撮各種書名卷數而成且誤冠

以提要一篇姑以其合於明志所載之本附記於此





集部

別集類

國家圖書館 NATIONAL CENTRAL LIBRARY, TAIWAN, R.O.C.

鄭堂讀書記卷七十

集部一之上

別集類一 國朝

烏程周中孚撰



國家圖書館 NATIONAL CENTRAL LIBRARY, TAIWAN, R.O.C.



石園全集三十卷 香雪堂刊本

國朝李元鼎撰

元鼎字梅公吉水人前明天啟壬戌進士入國朝官至兵部左侍郎

是集乃其子

振裕

所編凡星存草太華遊草合一

卷南歸日涉一卷焚餘集楚遊草合一卷出山賸

語心遠廬吟略潞遊草合卷一問津草歸夢寓鈔

合一卷偶遂草鴻雪草各一卷東湖隨筆二卷聽

鶯草秋山紀遊合一卷以上皆其詩集每集各有

小引南歸日涉前又有蕭

士瑋嚴調御聞啟祥劉

同升四序倡和初集二卷乃梅公與其妻朱遠山

中楮之詩前有熊文舉序及梅公小引後有薛正

平跋隨草二卷乃遠山之詩前有李楷及梅公二

序隨草詩餘一卷乃遠山之詞前有杜閨秀倚蘭

及遠山小引後有熊文舉跋鏡閣新聲一卷乃梅

公遠山倡和之詩隨草續編一卷亦遠山之詩亦

園嗣響一卷則又遠山之詩詞前有彭士望朱徽

及梅公三序後有振裕跋遺詩四卷皆梅公之作

後有胡渭跋灌研齋藁八卷皆其雜文分為十体

前有施閨章鄒祇謨二序四庫全書存目有灌

研齋集四卷或即此八卷之初刻也卷首冠以振

裕進表及恭紀并宋華朱彝尊二序又載舊序七

篇華稱其詩若文皆真機流露輸寫性情不假雕

繪多自得之趣可配朱淑人亦能文所載倡和詩

詞高情獨秀有林下風云按梅公編集集隨筆立名

其中有以六首十三四首各為一集者殊傷煩碎

大抵沿明季詩社之習旋得旋刊後雖合為一集

仍存之以不沒其舊焉

青溪遺稿二十八卷 康熙乙未刊本

國朝程正揆撰 正揆字端伯號青溪道人孝感人前
明天啟甲子舉人崇禎辛未進士入
國朝官至工部侍郎 四庫全書存目是集乃其孫 光珠 所

重刊自卷一至卷十六為詩卷十七至卷二十五
為雜文卷二十六二十七為雜著皆屬雜說卷二
十八為奇夢錄則記其生平所夢也錢塘吳寶厓
序之稱其所著詩文率皆摭寫其中之自得不屑
屑規倣古人而無不與古人神合詩文之外尤精
繪事集中題畫詩文深得此中三昧云前又有王

士禎 嚴正矩 吳璵 三序後有馬焜 及其子 大舉大
孫光珠 五跋 華大舉

靜惕堂詩集四十四卷 雍正乙巳刊本

國朝曹溶撰 溶仕履見 四庫全書存目是集乃其

外孫朱裕山 玉戡 所編 凡樂府一卷 五言古詩八

卷 七言古詩五卷 五言律詩十二卷 五言排律二

卷 七言律詩十卷 七言排律一卷 五言絕句一卷

七言絕句四卷 綜計四千餘首 秋岳博綜典籍少

日 即以詩名 年事漸增 風格日進 尤長于古詩而

古詩之中 五言尤勝 李天生 因 稱其五古如羚羊

挂角無迹可尋 而渾金璞玉 中奕奕自露神采云

士禎 嚴正矩 吳璵 三序後有馬焜 及其子 大舉大
孫光珠 五跋 華大舉

靜惕堂詩集四十四卷

雍正乙巳刊本

國朝曹溶撰

溶仕履見傳記類

四庫全書存目是集乃其

外孫朱裕山

丕戴

所編九樂府一卷五言古詩八

卷七言古詩五卷五言律詩十二卷五言排律二

卷七言律詩十卷七言排律一卷五言絕句一卷

七言絕句四卷綜計四千餘首秋岳博綜典籍少

日即以詩名年事漸增風格日進尤長于古詩而

古詩之中五言尤勝李天生因稱其五古如羚羊

挂角無迹可尋而渾金璞玉中奕奕自露神采云

前有雍正乙巳裕山序存目又有粵游草一卷載詩凡三百十二首俱編入是集中此乃其初出別行之本又上海李氏藏有秋岳集鈔本九十冊別為記之

靜惕堂原稿

無卷數

傳鈔舊本

國朝曹溶撰是編乃其所作詩文原稿前後俱無序跋凡靜惕堂詩稿二冊續稿三冊文隱堂詩集一冊雲中集一冊閩遊草一冊靜惕堂文集一冊詞稿一冊以上十冊俱不著卷數前八冊皆其詩稿蓋即其外孫朱裕山丕據以編集者此其傳鈔之本也攷董謂瑄璉南江文鈔有靜惕堂稿後序稱外祖倦圃古文三冊詩尤繁富曩謁舅氏潛中常山學廨獲觀其全曰少賤集曰奉使集曰甲申詩

集曰倦遊草曰隱文堂集曰文隱堂集曰燕臺集
曰鄴起堂集曰倦圃集曰靜惕堂集曰雲中集曰
閩遊集曰靜惕堂續稿九十三冊顧未及假鈔而
舅卒官後屢索諸其家秘不肯出吾友謝文若得
靜惕堂彙于書賈亂書中蓋十三冊中之一冊亦
非舅所見寫本以上董序余以其十三冊名目核之是
編同者已得其半總之皆秋岳原稿也然秋岳之
詩已有四十卷之本則一切原稿存者固不足重
佚者亦不足惜惟文集僅存六十二篇雖屬不全
之本尚可以略見梗概詞稿凡二百六十六首俱
以字之多寡為次先小令次中調次長調而以補
遺十七首終焉王述庵師

國朝詞綜選秋岳詞四首小傳稱有靜惕堂詞一卷
當即指此本爾

倦圃尺牘二卷

乾隆庚寅壺山房刊本

國朝曹溶撰胡泰編

泰號蓮峰秀水人

秋岳文未見傳本僅

見鈔本六十六篇不足以盡所長是編乃其與人
往還尺牘不知蓮峰據何本選刻無論長短俱為
采錄即短至一行二行亦所不遺前有蓮峰序稱
其為詞也繁而不支簡而不漏高而不亢遜而不
諛亦足為交遊贈答之指南也

吳詩集覽四十卷附談藪二卷原刊本補註五卷

國朝靳榮藩撰

榮藩字介人號綠溪黎城人乾
隆戊辰進士官至大名府知府綠溪

以梅邨詩迄無注本因取原集之詩十八卷詩餘
二卷覈其典故稽其出處叅伍其平生行事師友
淵源州次部居句櫛字比以成是注以其卷帙重
大每卷各分上下九古詩排律分段處及律詩絕
句篇尾略以已意疏通詩義注典則列于圈外評
跋則附于詩次至原板鏤校甚工或漶漫及謬寫
者亦附識焉總題曰吳詩集覽者以詞乃詩之餘

故不別立其目冠以

高宗純皇帝御製題詩一首附以梅邨曾孫枋恭紀次以

榮藩恭和

聖製元韵四首及顧伊人涇所撰行狀陳說岩廷敬所撰

墓表又附錄序論題咏為談藪二卷并拾遺四則

其注自六經子史百家之言下逮稗官說部凡足

以發明梅邨之詩者靡不收其于勝國之事則惟

奉

御撰資治通鑑綱目三編及頒行明史詳為註釋他如野

史小說家言槩從芟削以示有徵年經國緯轉古

切今知其必能信今而傳後無疑也書成于乾隆

庚寅自為之序及凡例又有王西泚鳴盛潘皆山

應椿二序越七載丙申又仿仇注杜詩之例輯為

補注五卷凡辨證及更訂者亦并見焉其用心誠

可謂深至矣顧吳縣嚴少峰榮跋吳枚庵梅邨詩

注尚祇及此編以為瑣碎蕪雜詳略失宜且多穿

鑿附會之處未為善本云云此則顧揚枚庵所注

之美故作此不滿之詞不足憑也

梅邨詩集箋注十八卷 滄浪吟榭刊本

國朝吳翌鳳撰 翌鳳號枚 案吳梅邨集原刻四十卷

長洲人

首古今體詩十八卷枚菴以其詩向無注本因剏
為之仍依原編分體而不編年以原編于分體之
中仍寓編年之意也攷訂詳密繁簡得當誠不枉
其五十年之精力矣然全時黎城靳綠溪先有吳
詩集覽之刻是注僅摘采其數十條蓋兩書體例
本各不同大略有四新注于全詩逐段為注或逐
句為注枚菴以其斷續破碎不便吟咏因總附于

本詩之後注中仍用大字標目一也新注每字必
詳出處而于引用史傳反寥寥一二語枚菴深矯
其弊詳略得宜二也新注于其事未明輒以己意
箋釋反覆數十百言枚菴則一掃而空之以免傳
會穿鑿之病三也新注于詩後多加評跋頗落時
文蹊徑枚菴亦悉加刊落俾讀者自能會心四也
窺其用意蓋深不滿其書而自信為駕乎其上焉
其實兩書各有不可磨滅之處並存之以待學者
之參看可也况婁東程迓亭又有編年之注後人
正可合三家注為一書如馮氏之于蘇詩矣又攷
新注兼及詩餘二卷此編俟補注嗣出云卷首冠
以原集提要次以顧氏行狀陳氏墓表及自撰九
例嘉慶甲戌吳縣嚴少峰榮取以付梓并為弁言
而所列參閱姓氏至七十人之多其中間有虛列
其姓氏者不免蹈明人之習氣矣

石雲居文集十五卷詩集七卷

原刊本

國朝陳名夏撰

名夏字百史號芝山溧陽人前明崇禎癸未進士入國朝官至大學士

四庫全書存目是集乃其于順治乙酉居宋師

時所刻而中有乙酉之作殆刊成後又有所增入

也其文集分體編次前為序三卷而制義序幾居

其半其他概可知矣又自四卷以後闕版甚多計

其卷帙差與前三卷相等亦不足以覘其所長詩

集以五七言各體分卷先近體後古體蓋以詩之

多者居前也卷首有順治丙戌自序

蕉林詩集

無卷數

康熙戊午刊本

國朝梁清標撰

清標字玉立號蒼岩清苑人前明崇禎癸未進士入國朝官至大學士

四庫全書存目是集為其從子

允植及其門人

吳江徐

執

所校刊雖不著卷數而暗以体分凡五

言古二言七言古五言律各三言古言律四言五

言絕句六言絕句各一言七言絕句四言其門人

汪季角

懋麟

序之稱其詩本于學問出以和平雍

容渾浩博通于諸大家而不得執一以名之云前

又有白

允謙孫廷鑑魏喬介申涵光方象瑛及

執



六序後有 允植跋

南雷文案十卷附外卷一卷續文案五卷文定前集十
一卷後集四卷三集三卷附錄一卷文約四卷原本

國朝黃宗羲撰宗羲字太冲號梨洲餘姚人四庫全書存目止

載文定前集十一卷文約四卷梨洲初有南雷文

案之刻其門人鄭梁為之序冠以其門人萬斯大

所作世譜附以外卷十一篇皆壽序也繼有續文

案之刻允吾悔集四卷撰杖集一卷其吾悔集前

有自撰題辭及斯大序後以諸集皆門人分刻一

時脫稿未經持擇因鈎除其不必存者三分之一

名曰文定即前集是也前有自撰凡例及靳治荆
序仍載梁序并斯大所作世譜既又漸廣為後集
三集其三集之末為金石要例有單行本別為記
之又附錄一卷皆同時人往復尺牘其已刻者梨
洲謂俱刻者為正非盡可傳因自刪存四卷目曰
文約為門人鄭性所刊并為之序附梨洲遺其父
書一篇性稱先生以至明之識挾至健之筆所作
破空而出非當代之號為能文者規摹秦漢及唐
宋以來諸大家之形似使流俗人得稱而述之文
章由于學問先生之文先生之學也余謂梨洲之
文由文案刪存為文定再由文定刪存為文約則
文約一編尤其百鍊精金也然惟碑傳諸篇無忝
作者餘如從記篇以韓琦范仲淹李綱文天祥方
孝孺並宜從記上帝篇以釋氏諸天之說歐邏巴
天主之像為鄭康成六天之注開其端罵先賢篇
謂關忠義之賢不過如象山陽明凡若此者未免
踏駁之甚矣則其淘汰亦未為精也

南雷詩歷四卷 續鈔堂刊本

國朝黃宗羲撰梨洲湛淥經術不以詞章自見然詩句風格道上能道其性情蓋不期工而自工也是集自順治丙戌迄康熙庚午皆編年為次故曰詩歷前有自序及艾 南英羅萬藻陳際泰 三序後自注云三序皆少時舊稿今無一存者存此以識知己之感然卷首即有舊稿十八首不知其何以云然也

蒿菴集三卷

聽泉齋刊本

國朝張爾岐撰

爾岐字稷若號蒿菴濟陽人

四庫全書存目蒿

菴不求聞達孜孜以窮經力學為務其儀禮鄭注

句解尤風行海內是集乃其雜文凡七十篇長山

劉孔懷序之稱其以經術為根本而疏越質樸之

氣直逼秦漢以上不蹈六朝靡麗之習復不襲宋

人理學窠臼知其寢食于古者深矣前又有樂安

李煥章及乾隆癸巳桂林胡德琳二序後有附錄

俱傳狀題贈之類乃德琳付刊時所采入也

完玉堂詩集十卷 原刊本

國朝釋元璟撰

元璟字借山平湖人天台童寺僧

四庫全書存目

是集每卷為一集每集各為標目凡一千五十二首而以前輩作家緒論及諸素友品隲題詞節錄于前并自為之序陸星坡 奎勳 稱其遊歷南北山川名蹟足跡不翅半天下故其詩亦屢變而逾新逾奇而高且老也至若遊雁門五臺題清涼石闕里謁聖廟渡黃河弔淮陰侯釣臺泛海出蛟門入閩題三忠祠品荔枝上石鼓山過仙霞嶺西湖懷

古等詩可謂前無古人後無作者矣今觀集中諸
作体格清整詞旨雋雅在縉流中稱出類耳未見
其空前絕後也

王文靖公集二十四卷附錄一卷

康熙丙戌刊本

國朝王熙撰

熙字雍子號胥庭宛平人順治
丁亥進士官至大學士謚文靖

四庫

全書存目胥庭天才敏捷雅不欲以文學炫長嘗

刻其所著為寶翰堂集弗輕示人歿後其子克昌

乃合其已刻未刻者編為是集凡奏議奏對二卷

頌賦一卷詩六卷序三卷傳記二卷啓及雜著二

卷碑一卷誌銘四卷祭文三卷又附以自作年譜

及行收誌銘碑傳四篇其門人張素存玉書序之

稱其文立言有體紀事有法醇深典重含茹風雅

綜練名實而意不傷于刻覈砥礪行誼而語不隣
于矯激云前又有其門人吳青堦震方及朱竹垞
彝尊二序

安雅堂詩無卷數 安雅堂文集二卷重刻安雅堂文集

二卷安雅堂未刻稿十卷安雅堂書啟一卷二鄉
亭詞三卷通行本

國朝宋琬撰

琬字玉叔號荔裳萊陽人順治丁亥進士官至四川按察使

四庫

全書存目乃陸耳山

錫熊家藏本自安雅堂詩無

卷數外別有安雅堂拾遺詩無卷數拾遺文二卷

而無安雅堂文集重刻文集未刻稿及書啟四種

又二鄉亭詞作四卷蓋拾遺詩文及詞皆乾隆丙

辰其族孫

邦憲

所刻本也安雅堂詩載古今體詩

凡二百八十九首前有順治庚子來集之蔣超二

序初刻文集凡五十五篇前有康熙丙午金之後

尤侗趙昕黃與堅杜濬宋寶穎程康莊七序重刻

文集凡五十篇前有康熙己卯王熙固金然張重

啟嚴虞惇四序未刻稿入蜀集詩詞各一卷乃其

孫仁若所刊允詩五卷文三卷前有乾隆丙戌彭

啟豐序書啟三十篇皆駢體文前後俱無序跋二

鄉亭詞凡小令中調長調各一卷前有康熙己酉

董俞小引考邦憲所刊詞作四卷當有入蜀集詞

一卷在內也荔裳詩與施愚山齊名有南施北宋

之目王漁洋稱其浙江後詩頗擬放翁五言歌行

時闖杜韓之奧見池北偶談又稱其入蜀集古選歌行

氣格深穩詩見漁洋詩話杜茶邨稱其文雄駿而精切色

舉氣勢按之有故而出之有本見初刻文集序皆定評也

是編又有祭臯陶傳奇一卷則置之不記焉

西陂類稿三十九卷 原刊本

國朝宋犖撰 犖仕履見傳記類

四庫全書著錄初漫堂所

為詩隨時分集次第刊行至康熙戊辰官江西巡

撫乃取諸集刪而合刻之為綿津山人詩集十八

卷附楓江詞一卷越二十四載復取所刻詩集刪

去五十四首益以已已以後之作定為詩二十二

卷次以詞一卷則悉仍舊刻無所增益又雜文八

卷奏疏六卷公移二卷則從前本未刊刻而新編

定者也以是時已致仕居西陂舊廬故以名集其

詩古体主奔放近体主生新意在規倣東坡而晚年訂定之作頗近唐賢當時推重之者與王漁洋相比並故邵青門有漁洋綿津合刻之本趙秋谷極詆之亦公論也文則閎深雋永尤長于諷諭之言亦近東坡一派即奏議等篇頗足以覘其幹濟云前有康熙辛卯陳午亭廷敬總序并舊刻詩詞及新編文稿各序原集九五十卷詩詞雜文外尚有迎鑾日記二記三記各一卷筠廊偶筆二筆各二卷漫堂年譜四卷今析出別為記之又集中漫堂說詩一卷先有別本單行曹秋岳據以載入學海類編見四庫存目今亦別為記之

綿津山人詩集二十二卷附楓江詞一卷緯蕭草堂詩
一卷 原刊本

國朝宋犛撰 四庫全書存目漫堂以任子入仕早
學為詩隨時刊刻漫無決擇及官江西巡撫時更
定從前所著各集以成是編凡古竹圃稿嘉禾堂
稿柳湖草各一卷將母樓稿二卷和松庵稿都官
草各一卷雙江倡和集二卷回中集聯句集西山
倡和詩續都官草海上雜詩漫堂倡和詩嘯雪集
各一卷漫堂草六卷附楓江詞一卷及其子山言

至緯蕭草堂詩一卷後漫堂重定其詩集為二十卷是集居其前十卷及十一卷之半所刊除者僅五十四首皆非其稱意之作也至山言後刻其全集為六卷此初刻本亦不足存

學餘文集二十八卷詩集五十卷外集二卷康熙戊子刊本

國朝施閏章撰閏章仕履見傳記類四庫全書著錄是集乃

其子彥淳彥恪所緝錄曹棟亭寅為之刊行王暉

今世說謂愚山性本忠愛義薦友朋搯履孤遠學有本原力以名教為己任嘗講學湖西群父老子弟環而聽者輒數千人以上王說今觀其文峭潔似子厚曠爽似子瞻絕無語錄習氣迥異乎當時理學家之號為能文者詩尤過突其文溫柔敦厚一唱三嘆得風人之性情故應抗行于宋荔裳無

愧色也前有魏叔子禧序及校閱姓氏未有梅耦
長庚跋及其孫璪書後外集凡硯林拾遺一卷計
十二則乃其于順治壬辰奉

使粵東時品題端州硯石所作試院冰淵一卷則其歷年
試牘諸序及豫闈公約也以其不可言文故外之
又別集所載艾齋詩話矩齋雜記二種今遵提要
例別為記云

寶綸堂稿十二卷前四卷原刊本後八卷補鈔本附定
舫雜咏二卷

國朝許纘曾撰

纘曾仕履
見傳記類

四庫全書存目作寶綸

堂集五卷係浙江巡撫採進本當即是編之第二
卷第五卷及定舫雜咏也是編九賦一卷詩四卷
雜文三卷葛莛之言一卷定舫隨筆感應篇徵事
續合一卷日南補禪一卷日南前事一卷附錄天
台馮澁澹考十九條一卷又附定舫雜咏二卷則
其癸酉至乙亥之作也前有自序謂耳目有所聞

見或寄之咏諤或筆之雜錄其有往還筆札捉刀
人未悉顛末者問一自為之本無意為文故諸体
不脩云云則亦自知之明矣然其七言古縱橫跳
盪頗得力于初唐至其芻蕘之言定舫隨筆感應
篇徵事續皆小說家言日南補禪日南前事則地
理外紀之屬今依其原第存之不紊出別記焉

鶴靜堂集十九卷 天馬山房刊本

國朝周茂源撰 茂源字宿來號奎山華亭人順治己丑進士官至處州府知府 四

庫全書存目是集允詩十四卷附詩餘三十五首
文五卷大半皆序文餘体聊以脩數而已奎山與
陳卧子夏彞仲李舒章同為幾社舊友而才力實
遜于諸人然所作五古頗近選体其餘亦仍屬雲
間一派前有康熙辛酉王儼齋 鴻緒 序

萬青閣自訂詩八卷

原刊本

國朝趙吉士撰

吉士仕履見雜家類

四庫全書存目有萬青

閣全集八卷九雜文二卷詩一卷勘河詩紀等十

三種共一卷制藝一卷平交山寇公牘一卷詩文

一卷讞牘一卷是編乃其于康熙己未在金陵所

刊之詩分體編次曰自訂詩古自序謂求自信也

恒夫討平交山寇具見材略詩則和平溫雅尚屬

正聲若所作林卧遙集徒然走入難路而已

林卧遥集四卷 原刊本

國朝趙吉士撰

四庫全書存目無千疊波餘續編

一卷恒夫官給諫時緣勘河與眾不合投間去而

遁跡于京城宣武門西偏之寄園有泉石竹林之

勝適金堦于章雲

漢翔

寄七言律詩四首恒夫依

其韵答之嗣後凡有所作皆疊其韵共得詩千首

名之曰疊韵千律詩凡二卷前有徐

東義熊一滿

趙士麟

三序及其門人馮

雲驕

讀詩十則又有小

照及贊末有汪

光祚

後序嚴

允宏

跋已而復疊其

韻又五百餘首合為一編名之曰千疊波餘後復
疊其韻亦五百餘首為千疊波餘續編總名之曰
林卧遙集前有翁叔元及烟霞隱者不著名氏總序夫
韻止二十字衍為二千餘首雖言無複意句無疊
見發前人所未發然以言乎詩之工竊恐其未能
也

畫壁遺稿一卷 通行本

國朝范承謨撰

承謨字觀公號螺山鑲黃旗漢軍大學士文程子也順治壬辰進士官至

浙閩總督謚忠貞

四庫全書存目螺山官閩督時值逆藩

耿精忠叛被拘重垣迥壁中三年罵未已繼之以
詩文左右不敢具筆硯乃燒桴存煤畫字壁上
後得詩四十餘首其攻刺太毒者左右旋即塗去
僅存三十三首並為文以自序大略前有康熙丁
巳歸安費之遠序已載入忠貞集中此蓋其別行
之本說鈴續集亦收入之

蓮龕集十六卷

光裕堂刊本

國朝李來泰撰

來泰字仲章號石臺臨川人順治壬辰進士官工部主事康熙己未召

試博學鴻詞改授翰林院侍講

四庫全書存目石臺全集四十

餘卷嘗經兵火散佚後其從曾孫天中遍為搜輯

以成是編凡賦頌及詩四卷雜文十二卷而冠以

紀年為首卷治和常履坦安序之稱其詩文義旨

微遠聲律紆徐無雕鏡之跡肆而能醇華而不靡

可為後學模範

以上節序

余謂石臺詩文不過體具未

見所長究不及其制義之可傳也前又有雍正乙

郊雲間李燮庵廷友序及東川黃元胎石麟所作
本傳又有其從子士容士岑所作紀事

託素齋詩集四卷文集六卷

雍正甲辰刊本

國朝黎士宏撰

士宏字媿曾長汀人順治甲午舉人官至陝西布政司叅議

四

庫全書存目總作十卷按媿曾集詩凡四刻文凡

三刻詩前三刻文前二刻皆媿曾自選刻詩後一

刻文後一刻為其子

致遠

所選刻因即併前諸集

重刻合為是編而以所作治命附刻于文集卷六

之末又以已所作行述附于後後有致遠記稱序

凡十四篇自序者九仲父序一贈序四四之內仍

有重姓名皆如手澤罔有增損以上致遠記今觀

其詩一本性情刊落浮華文則踔厲清矯其氣充
以完其辭辨以達大率得之宋人自序稱詩好李
賀文好王勃殆好之而未能學之歟

鈍翁前後類彙五十卷續彙五十六卷 原刊本

國朝汪琬撰 四庫全書存目總作鈍翁前後類彙
一百十八卷蓋併古今五服考異八卷東都事略
跋三卷歸詩考異一卷而數之也今三種俱析出
別記故類彙止存五十卷乃其於康熙乙卯以主
事回籍後所編凡詩彙十二卷文彙三十八卷前
有計改亭 東序五十歲像及贊又有自題六則後
有休寧汪 繩武 跋續彙乃其歸田後所編凡詩彙
八卷文彙二十二卷別彙為擬明史列傳二十四

卷汪氏族譜一卷先府君事略一卷前有六十二
歲像及贊又有震澤周公贊跋及助刊姓氏後鈍
翁復取兩稿手自刪汰益以晚年所作定為堯峰
文鈔其擬明史列傳則以其已上史館一篇不存
故宋漫堂編三家文鈔雖據堯峰文鈔選出而擬
明史列傳仍從續稿增入焉

精華錄十卷

原刊本

國朝王士禎撰

士禎仕履
見傳記類

四庫全書著錄每卷首

題門人候官林佶編末題門人崑山盛符升江陰
曹禾同訂佶撰後序稱先生以詩學為海內宗師
者四十餘年其詩曰漁洋集漁洋續集南海集蚕
尾集蜀道集雍益集通三千餘篇門人盛侍御曹
祭酒嘗仿宋人任淵纂豫章集之例擇其尤合作
者千餘以為精華錄康熙庚辰先生以授佶佶承
命編錄稍有增減皆任氏所謂叢桂崇蘭奇玉特

珠者也今觀是錄凡古體詩四卷今體詩六卷較之全集尚不及三分之一而其尤者已萃于此蓋其詩以典麗博雅勝者居多茲錄專取其高華渾厚有法度神韻者相傳為漁洋所自定而託名于其門人輩也故後人讀其詩及選其詩者祇憑此本而有餘矣即不津逮于帶經堂集亦無不可然果能取全集合觀之益知此錄之為精華云又按漁洋自撰年譜并惠松厓注補金林始改撰年譜俱不及庚辰歲編訂精華錄一事即漁洋他著述亦

不及之大可異也卷首冠以戴笠像及梅庚贊

精華錄訓纂十卷附年譜注補二卷金氏箋註辨訛一

卷 紅豆齋刊本

國朝惠棟撰

棟履貫見易類

四庫全書存目止有訓纂原

書蓋據初出本也松崖之祖硯谿周為康熙辛未

漁洋所取士而其父半農

士奇

又親炙漁洋之門兩

世淵源漸漬浹洽因仿任子淵淵史公儀容註黃

山谷集之例取是錄而為之注本姚伯審

察

註漢

書之名謂之訓纂又不欲以已文橫隔前人詩句

略用古時注與經別行之遺意總附于全詩之後

皆纂輯古今之書而成之者也盧雅雨見序之稱
漁洋博瞻名天下其為詩漁獵百氏含咀六經其
引用如鍾鼎科斗山經水注旁及琳宮梵宇之書
靡不津逮而又性勤汲引唱和徧朝野凡布衣風
雅之士詩中必一見之故注是詩極難惠子用功
深歷歲久是書一出而漁洋之詩無不了然于心
目之間又列注年譜凡漁洋生平出處與其師友
脉絡無不昭揭如日星宜吾師黃北平激賞以為
漁羊毛鄭良不誣也按北平即崑圃黃叔琳亦漁洋之

門人也前有所撰漁洋本傳至年譜為漁洋所
自撰後有其子啟涑識語及答崑圃書一篇松厓

又為訓纂補二十二篇各附當卷之後又附錄一
卷為金氏箋注辨訛以同時金林始榮注多謬誤
故作此以辨正之卷首有自撰凡例及採用書目
並叅注同人姓氏

精華錄箋注十二卷補注一卷年譜一卷鳳翹堂刊本

國朝金榮撰

榮字林始
吳縣人

林始以漁洋諸集編年不分

體因取是錄按諸集排續而箋注之仿王逸注騷
李善注選例俱分疏句下以便覽者然是時惠松
厓訓纂初出林始即取惠注參錯註之如一幅縑
帛割裂都盡間有增益皆淺近習見之語又多謬
誤且所引諸書為本書所無者殆半無怪松厓有
辨訛之作也附訓纂
之後至開雕後時有弋獲不便增
入卷內而惠注又有補編不能捐愛復仿朱長孺

注義山詩例而小變之總補注于卷末其勞亦不可沒也年譜二卷係漁洋自撰松厓為之注補林始改為旁行邪上分紀年時事出處著述四格遂合本文與注為一似自撰又似後人追述此則專欲求異于訓纂本而不顧其有失体裁也然讀是錄者合兩家注本而參觀之從此可無剩義矣卷首有自撰凡例又有戴笠像及梅庚贊并王揆所撰神道碑宋犛所撰墓誌銘

帶經堂集九十二卷原刊本

國朝王士禎撰前有其門人程哲序稱新城王先生漁洋正續詩文五十二卷蠶尾詩文十卷同人版行已久而顧無合刻庚寅秋哲郵書請命于先生因舉諸刻定本并未刻蠶尾續詩文三十卷統名之曰帶經堂集昇哲及季弟鳴讎校開雕閱卯冬而藏事惜先生于是夏赴道山遂不及見然新城之全書出而天下之大觀止矣今觀是集為四庫全書所存目者九 漁洋詩集二十二卷 續

集十六卷

即續詩

漁洋文略十四卷 蚕尾集十

卷

即詩二卷 文八卷

續集二卷

即續詩之五六兩卷 皆乙亥迄甲申所作

後集二卷

即續詩之九十兩卷

皆戊子歸田以後所作○

南海集二卷

即續詩之二三兩卷

雍正集一卷

即續詩之第四

卷而無續詩之

首卷

即雅頌

七八卷

即古夫于亭稿皆乙酉歸

田後所作

及續文之二十卷 蓋據漁洋著述三十六

種本即

哲

所稱諸刻定本也 然南海雍正二集已

有刻本

哲

即統于未刻之三十卷內 此則其行文

之偶誤也 漁洋詩自順治丙申迄于康熙癸亥皆

按年分卷是集統目為漁洋集者也 自甲子迄于辛卯皆以次分卷而不編年是集統目為蠶尾集者也 其平生刻意之作多備于漁洋正續集及南海雍正二集 其蠶尾諸集已屬者 艾以後所作 逐漸頽唐 且每年賦詩亦不及前此之夥 故其詩不編年 而其所手訂精華錄于丁卯以後之作 亦屬寥寥無幾焉 至其所為文 凡四十二卷 卷帙雖幾與詩埒 而所作不可全年 而語大抵議論之文 未得經旨敘事之文 又乏史裁 惟題跋之類 頗足以

資攷証而其門下士皆以詩文並稱不過汙其所
好耳非公論也其漁洋詩集有李敬汪琬葉方藹
陳維崧程哲五序續集有施閩章徐乾學陸嘉淑
曹禾汪懋麟金居敬萬言程哲八序計東一跋文
集有張雲章程哲二序蚕尾詩集有自序及張雲
程哲二序續詩集有吳陳炎程哲二序又有盛符
升總述及其子啟澂等記文集有宋榮程哲二序
續文集亦有程哲序

陸密庵文集二十卷錄餘二卷詩集八卷詩餘四卷過

堂刊本

國朝陸求可撰

求可字咸一號密庵淮安人順治乙未進士官至刑部郎中

四

庫全書存目是集九賦一卷雜文十九卷又錄餘
二卷即拾前二十卷之遺也其文頗暢適而不免
闡入時文境界由其學古之功淺也至其詩詞大
都為應酬而作尤少矜心作意于其間矣前有宋
德宜張永祺徐轉迅劉謙吉四序

秋笳集八卷 原刊本

國朝吳兆騫撰

兆騫字漢槎吳江人順治丁酉舉人

四庫全書存目

漢槎以科場事謫寧古塔康熙辛酉贖還故其詩多悽惋悲壯之音集名秋笳殆以此爾是集為其

子振臣就舊刊本增以家藏校訂成帙其前四卷

係徐健庵所刻後四卷則振臣所增也凡秋笳集

賦一卷詩二卷前有其弟兆宜小引及漢槎奉健

庵書其兄

兆寬

謝健庵詩西曹雜詩一卷前有自

序及無名氏序秋笳前集一卷前有侯

元泓

序擬

古後雜體詩一卷前有陸圻宋實穎二序秋笳後集詩一卷表序書一卷未有雍正丙午振臣跋近又有乾隆丙申錢唐吳永之重刊小本當即從是本翻刻耳

槐軒集十卷 原刊本

國朝王曰高撰

曰高字北山號槐軒荏平人順治戊戌進士官至給事中

四庫

全書存目是集前四卷為詩後六卷為雜文槐軒與西樵阮亭為昆弟行各以詩相倡和所作淡蕩清遠有阮亭之風而其為文匠心稱意不假凋飾蓋未嘗有意于求工也前有吳偉業周亮工曹爾堪董以寧陳玉璠鄒祇謨熊賜履吳國對賀宿九序末有其孫念祖記後

萬山樓詩集二十四卷

康熙庚寅刊本

國朝許虬撰

虬字竹隱長洲人順治戊戌進士官至永州府知府

四庫全書

存目是集乃其壻陸

廷珪

所編九樂府二卷古今

體詩二十一卷詩餘一卷竹隱宦遊滇黔衡永間

公事稍暇日夕寓之于吟諷其樂府古詩奇峭森

挺近體深雋有逸響誠得江山之助惜其擬古之

作摹仿太似不免如唐臨晉帖云前有龔鼎華王

崇簡宋琬汪琬秦松齡毛先舒李念茲七序後有

廷珪跋



松皋文集十四卷 原刊本

國朝毛際可撰

際可字會侯號鶴舫遂安人順治戊戌進士官祥符縣知縣

四

庫全書存目載安序堂文鈔二十卷又載康熙已

亥方婺如所重輯會侯文鈔二十卷是集乃康熙

丁巳所刊張師石

希良

毛稚黃

先舒

為之評點鶴

舫嘗與人書云自惟生平既肆力古文精力短淺不能兼綜并致故絕筆不為詩其專如此故所作精鍊有法度不為枝葉大都得之曾南豐為多且又虛懷善下有指摘其文者隨時改定宜其文之

粹然無瑕疵也前有李霽黃典堅及師石三序

挹奎樓選稿十二卷

康熙丙子刊本

國朝林雲銘撰

雲銘仕履見楚詞類

四庫全書存目作挹奎

樓文集蓋別據一本也西仲于康熙己酉初刻其文為損齋焚餘十卷越十七載再刻其寓杭州所作為吳山穀音八卷又越十二載復取兩集嚴加存汰又益以後來之作編為是集大都皆所作雜文詩及詩餘不滿十之二蓋非其所留意也然其學本淺近觀所選古文析義兩編暨莊子因韓文起諸書皆不出科舉之習宜其文亦不能追古作

者云前有自序及仇滄柱北鰲序

吳山穀音四卷 康熙甲子刊本

國朝林雲銘撰 四庫全書存目作八卷蓋亦別據
一本也西仲避耿逆之亂寓杭日久及亂平將歸
因檢客中所為文得百數十篇彙為是編以備遊
橐中一種土風其自序引莊子曰合喙鳴喙鳴合
又曰言者有言其以為異于穀音者其有辨乎其
無辨乎此即余文所以名穀音之意矣蓋以鳥為
喙云前又有尤侗洪圖光毛先舒王暉林璐五序

古愚心言

無卷數

原刊本

國朝彭鵬撰

鵬字奮斯號無山莆田人順治庚子舉人官至廣東巡撫

四庫全

書存目作八卷其集不分卷數止作八冊無山當
逆藩耿精忠叛時拒授偽職志節皎然其由三河
知縣起家至開府又才能著不以文章著也故
是集多不經意之作而誓文公牘家書幾居其半
至第七第八兩冊盡屬官三河時詳文條議告示
照牌其詩惟第四冊載吟二篇詞一篇行二十篇
而已大率此集可節取以作治譜不得以文章一

道繩之也前有自序二篇

葉忠節公遺稿十二卷 乾隆乙丑校刊本

國朝葉映榴撰

映榴字炳霞號蒼岩上海人順治辛丑進士官至湖廣布政司叅議死夏

色子之亂贈工部右侍郎謚忠節

四庫全書存目是編乃其子

芳所校刊凡文類七卷詩類四卷賦及詩餘一卷

蒼岩大節彪炳天壤固不待藉文章以傳不朽然

既以文而論則鈕氏觚賸六所載刺血書表一道

與李天生辭官一疏並稱為兩大文章者乃反遺

之豈所謂据撫星宿遺義娥者歟前有朱竹垞真

尊序及曹濟寰一士所作傳後有芳跋

九谷集六卷 原刊本

國朝方殿元撰

殿元字蒙章號九谷番禺人康熙甲辰進士官江寧縣知縣 四

庫全書存目是集前有自序凡樂府及詩各二卷
雜文環書各一卷環書後又附四書講語十九則
沈歸愚稱九谷著環書自成一子欲究天人竅與
餘事乃作詩人也然高華伉爽依傍一空品不在
嶺南三家下按環書二篇其下篇多發明易義于
例當入雜家余以其卷帙寥寥不列記云

萬素堂文集十六卷 原刊本

國朝張英撰

英字敦復桐城人康熙丁未進士官至文華殿大學士謚文端

四庫

全書著錄有文端集四十六卷凡存誠堂應

制詩四卷詩集二十五卷萬素堂詩集七卷文集

十卷此本止文集而有十六卷計賦頌各一卷表

疏一卷序三卷論記雜著各一卷祭文行狀墓誌

各一卷又有雜著為

南巡扈從紀略一卷恒產瑣言及飯有十二合說一卷聽

訓齋語二卷未知文端集中何以止有十卷也前

有康熙壬午 睿製篤素堂記又有陳午亭廷敬
韓慕廬菱趙玉峰士麟三序玉峰稱其以六經為
本根史漢為波瀾諸子百家為奴隸以修之身者
而修辭和之心者而和聲成之德者而成文云

憺園集三十六卷 康熙丁丑刊本

國朝徐乾學撰

乾學仕履
見禮類

四庫全書存目是集為

其子

樹穀

所編九賦頌樂章一卷詩分虞浦集三

卷詞館集二卷碧山集三卷文分十六體自奏議

以迄雜著凡十七卷宋漫堂萃序之稱其家富藏

書又薦嗜學自六藝子史百家之書靡不貫穿其

發而為文雄贍典則學大而才足運之蓋其蘊植

也厚矣其致用也宏矣余謂健庵與其弟果亭東

義立齊元文

元文

同為顧亭林之甥學問雖有淵源而

文章功力頗淺健庵稍勝于其兩弟且著述亦極繁富但以文章而論恐未能副序所云也序又稱文集之外又有外集若干卷當屬駢体文今未聞有刊本或歷久已佚之云

榕邨全集四十卷

文貞全集本

國朝李光地撰

光地仕履見易類

四庫全書著錄無全字

是集合詩文筆記共為一編惟詩為厚庵自定餘皆其孫清植所編次也卷一為觀瀾錄卷二為經書筆記讀書筆錄卷三為春秋大義春秋隨筆卷四為尚書句讀卷五為周官筆記卷六卷七為初夏錄卷八為尊朱要旨及續記卷九為象數拾遺景行摘篇附記卷十至卷三十四為雜文卷三十五至卷三十九為詩卷四十為賦厚庵于理學經

術皆所究心文章乃其餘事顧道足于中氣盛而
化神情深而又明偶為詩古文詞亦遂蔚然奇秀
盎然深醇復乎其莫可及則根柢深厚之故也前
有乾隆丙辰其門人李牧堂統序時距厚庵捐館
閏己二十年矣

榕邨別集五卷

文貞全集本

等韻辨疑又見
江永音韻辨微後

國朝李光地撰是編凡等韻辨疑字音圖說一卷鼎
符一卷納甲納音一卷星命本要一卷諭牒戒約
一卷鼎符者蓋仿叅同契体以推闡魏氏之書者
也厚庵之孫清植清植編集時以等韻字音兩篇不類
集中筆記文体而鼎符以下諸篇又非儒家者言
至諭牒等篇亦不足以言文故別為一集不與正
集相淆今亦另記于正集後云

白石山房文彙十二卷 原刊本

國朝李振裕撰

振裕字維饒吉水人康熙庚戌進士官至兵部尚書

四庫全

書存目作十三卷蓋附有督學江南時所作詩一卷也是編前三卷為詩後九卷為雜文末有史傳二卷當是維饒充明史館纂修時所屬稿凡二十九傳傳後俱無論贊蓋當日史例如此也汪堯峰琬序之稱其詩若文于臺閣山林之體獨有兼長序以上注蓋其所作視其父梅公云鼎石園全集亦堪相亞前又有施世綸序存目又有別本白石

山房彙二十六卷與此本大同小異云

己畦集二十一卷附原詩四卷 二葉草堂刊本

國朝葉燮撰

燮字星期號橫山吳江人
康熙庚戌進士官寶應縣

四庫全書

存目是集前有自序乃其所作雜文凡分十二体
據總目尚有尺牘一卷注云嗣刻其所作諸論頗
斷制森嚴惟留侯孔明二論太不諳當日事勢而
橫施議論從祀說援太公望預見知之列而舉張
良郭子儀宗澤岳飛徐達並宜從祀孔廟則與黃
梨洲從祀篇舉及韓琦李綱諸人同一兒童之見
至其與友人書頗得立言之旨然能言之而不能

行之觀其全集可見矣末附原詩內外篇每篇又各分上下乃論詩之語吳人士始多訾警之橫山殉後人轉多從其言者此種原有單行本見存目詩文評類今不別為記云

臨野堂詩集十三卷文集十卷尺牘四卷詩餘一卷原本

國朝鈕琇撰琇仕履見小說家類四庫全書存目止載文集

十卷其詩集凡笠釣初吟一卷笠釣再吟一卷笠釣三吟一卷前筑音一卷後筑音一卷居項胥鈔二卷端暇遊一卷續筑音一卷栗語一卷南縣客筆一卷柳下言一卷荔夢編一卷立名纖佻不脫萬歷以後小品習氣文集分十三体又有外篇皆俳諧之作雜言則老生常談也尺牘之前有自撰

題辭詩餘之前有康孟謀乃心序卷首冠以潘稼
堂未李天生因萬二序稼堂稱其詩章綺拔而隽
永一篇中必有沉思警語造微詣極言簡指深諸
體雜文各有理趣匠心獨運非苟作者余尤愛其
駢體取材必新使事必與精切典雅不纖不靡即
尺牘斷章片語亦多隽雅可味天生所稱大略相
同又稱其樂府逸韵動襟悉蘇黃隽品姜史清奇
也以上原集尚有鮪贖正續編八卷附刊于後今
析出別記于小說類中

有懷堂詩藁六卷文藁二十二卷康熙癸未刊本

國朝韓莢撰

莢字元少號慕廬長洲人康熙癸丑
賜進士第一官至禮部尚書謚文懿

四庫全書存目總作詩文藁二十八卷其詩分躅
躅集一卷歸愚集二卷病防集一卷繫迷集二卷
文分又有雜文一卷朱竹垞撰墓碑稱其文宗臨
海朱右所集唐宋六家詩尚唐音然不喜作臺閣
之體其舉子業以古文為今文奇而有法然公之
不朽者終當以古文辭傳也兩集皆其于康熙癸
未所自編卷首各有自序

橫雲山人集三十二卷 原刊本

國朝王鴻緒撰

鴻緒字季友號儼齋華亭人康熙癸丑賜進士第二官至戶部尚書

是集乃其于康熙己亥所刊凡賜言集五卷皆詩賦頌應制之作故別為卷冠諸集首山暉集八卷望雲集五卷谷口集二卷還朝集三卷淮干集一卷又還朝集四卷谷口續集四卷皆古今體詩雖不編年而仍依年為次儼齋為農山廣心廣之季子英年即擅詩名既由上第迄掌邦教仍假聲律以寄興龔芝麓鼎序之謂覽其諸體高言何綺逸思如

雲原本風騷而一諧于古人風格余喜吾友之有
令子也以上余觀其應制紀思諸作商皇沈博
有物有則則又泯泯乎雅頌之遺矣前又有周茂
源宋琬田茂遇吳懋謙四序末有其門人蔣廷錫
後序

南昀文藁十二卷 雍正丙午刊本

國朝彭定求撰

定求字訪濂號南昀長洲人康熙丙辰賜進士第一官至翰林院侍講

○四庫全書存目是集凡分十八体中以賦次記
之後碑之前殊為失次其門人青浦王原序之稱
其文之雅正醇厚無佻宕纖靡之習允為大儒之
文按南昀之學雖派出姚江而尚無門戶之見觀
集中與人論學諸書具見擇善而從不主一家至
其貞女論辨足訂震川之譌尤有功名教也

通志堂集十八卷附錄二卷

康熙辛未刊本

國朝納喇性德撰

性德仕履見禮類

四庫全書存目客若

為大學士

明珠

冢子雖處貴盛而勤勤學問澹于

榮利甫及三十而殉其座師徐健庵拾其遺稿刻

成是集凡賦一卷詩詞各四卷雜文五卷淶水亭

雜識四卷又附錄二卷則碑誌哀輓之作也其詩

古文詞蘊藉流逸根乎情性惜未能充其所至所

刻經解載序止六十五篇蓋有序有不序也至雜

識皆雜論經史兼及異聞可備雜說之一種今仍

其原第不別記云卷首冠以嚴鴻漁繼孫及健庵
二序

西河文集一百九十二卷西河合集本

國朝毛奇齡撰奇齡仕履見易類

四庫全書著錄從西河

合集析出按合集分經集凡四十九種原缺一種不數文

集凡二百五十卷原缺五卷不數除經集及文集中之五

十七卷十七種俱遵提要隨類別記外尚有文一百

三十三卷填詞六卷擬連廂詞一卷詩五十二卷

其文分誥頌疏議書牘為一類序引題跋為一類

前俱有莫春園序碑傳銘狀為一類前有李塔序

記說為一類賦誄為一類前亦俱有莫春園序詩

前亦有塔序西河說經諸書其攻擊宋人不遺餘力而集中解經之文亦多與宋儒枘鑿蓋由當時之人主持朱學太過不免為過分之辭然其精確處固自有不可磨滅者其他散文長于敘事尤得龍門神髓詩擬唐人而能自出新意議者目為唐皮過矣詞則溫麗而精深迥異曼辭佚調唯所擬連廂詞全屬院本不存可也

曝書亭集八十卷附錄一卷 曝書亭刊本

國朝朱彝尊撰 彝尊仕履見地理類 四庫全書著錄剛風懷

詩二百韻及靜志居琴趣詞一卷以其流宕豔次有乖大雅也竹垞生平撰著曾兩付開雕未仕以前曰竹垞文類通籍後曰騰笑集晚歸梅會里乃合前後所作手自刪定九賦一卷古今詩二十二卷詞則江湖載酒集三卷靜志居琴趣一卷茶烟閣體物集二卷蕃錦集一卷雜文則分體編次凡五十卷附葉兒樂府一卷則所譜之曲也查初白

慎行序之稱其淹通經術熟精史乘濟之以班馬之才運之以歐曾之法故其為文取材富而用物宏議論醇而考証確詩以少陵為宗而汎濫于昌黎樊川句酌字斟務歸典雅不屑隨俗波靡落宋人淺易蹊徑下至樂府篇章跌宕清新一掃花間草堂之習慎詞家至與玉田白石並稱先生亦自以無愧也前又有潘稼堂未序並載王士禎魏禧文類二序查慎行騰笑集序曹爾堪葉舒崇柯維積詞集三序及陳廷敬所作墓誌銘

竹垞文類二十六卷

原刊本

國朝朱彝尊撰四庫全書存目是編刻于康熙壬戌皆其未遇時之作凡樂府詩一卷古體詩三卷今體詩九卷聯句詩集句詩一卷雜文十二卷後刊彙為曝書亭集頗多刪汰且或有題目互異或有字句不全或有數首而刪去一二首者皆當以全集為定本其中碑記墓表傳誌諸文有必須當用

本朝紀年者一概用干支代之蓋竹垞初自命為布

衣見目錄首而厠于故老遺民之列如梨洲亭林
云爾迨晚年編集亦俱失之不改正焉前有王漁
洋魏叔子二序

騰笑集七卷 原刊本

國朝朱彞尊撰初竹垞于康熙壬戌刻其未遇時詩
文為竹垞文類至丙寅春復輯其己未以來詩若
文凡賦及古體詩二卷今體詩二卷雜文三卷後
刊入曝書亭集所有刪汰增改之處亦與文類相
全亦當以全集為定本其曰騰笑集者取諸孔德
璋北山移文之語也前有自序及海寧查初白
行序

曝書亭詩錄箋註十二卷

惇裕堂刊本

國朝江浩然撰

浩然字孟亭嘉興人

孟亭酷嗜朱竹垞詩迺以

已意甄錄一一箋疏而發明之旁搜舊聞博徵載

籍厥功可謂偉矣然僅選三分之一蓋欲以浼漁

洋精華錄也其注已為楊未孩注本所取材讀竹

垞詩者固當以楊注本暨孫竹尹注本為主此本

踏駁甚多不過大輅之椎輪耳孟亭殉後其子聲

先堯為之校刊并述凡例六則沈椒園廷芳 翁覃

溪方綱 俱為之序又載王士禎 魏禧 查慎行 原序

曝書亭集詩註二十二卷年譜一卷 木山閣刊本

國朝楊謙撰

謙字未孩
嘉興人

按朱竹垞詩先有江孟亭曝

亭詩錄箋註一書僅選三分之一如漁洋精華錄之例未孩爰就全集所載之詩隔句為註凡采取江註者因其書已刊布不復別為標識皆博考詳釋條貫靡遺間有踏駁猶不盡概乎人心然以視江註本固為賅備之本矣後來孫竹尹箋註亦不過因是注而踵事增華耳究不可遽廢其書也未孩又詳考其家乘行述及靜志居詩話與文集中

之有歲月可稽者創為年譜一卷則又較惠定宇
金林始二家所撰漁洋年譜體例尤為盡善凡作
年譜者所當取法也卷首載王士禎魏禧高佑紀
顏鼎受竹垞文類四卷查慎行騰笑集序潘耒及
慎行曝書亭集二序又有像贊及陳廷敬所撰墓
誌銘并未孩詩註凡例

曝書亭集箋註二十三卷 三有堂刊本

國朝孫銀槎撰銀槎字竹尹嘉善人乾隆
丙戌進士官竹尹以江

楊二家所註朱竹垞詩蹟駁頗多且均置賦不注
于是紬繹群帙大為補訂凡四易稿別成箋註其
註賦一卷既為二家所不及為而其于詩註二十
二卷增二家所未備及刊冗正謬不啻十之五六
詳而不溢一語簡而不失一辭使一字一句皆如
作者意中之所欲出又時得言外之微指斯可以
跨越前良後來居上矣余嘗欲合三家注為一書

如馮星實蘇詩合註之例惜有志而未逮焉卷首
有嘉慶己未自述緣起及其孫宋生識語又有錢
唐王朝颺臨海黃河清二序據宋生識語知其詞
註亦經屬稿當續梓行云

遂初堂詩集十六卷文集二十卷別集四卷原刊本

國朝潘耒撰四庫全書存目詩集作十五卷蓋見

小學無補遺一卷也其詩分少遊草二卷夢遊草

三卷近遊草江嶺遊草海岱遊草台蕩遊草閩遊

草黃廬遊草各一卷楚粵遊草二卷豫遊草卧遊

草又各一卷皆編年為次始於康熙癸卯迄於戊

子凡四十六年之作又補遺一卷以補十五卷之

遺文分二十体以賦居首較之列在詩前為安別

集則皆禪喜文字也稼堂少受業于顧亭林故所

學深博無涯涘又性好遊名山足跡幾遍天下沈
歸愚稱其詩筆直達所見浩氣空行韵語可作古
文讀而登臨懷古諸作尤為光燄騰上一時名流
幾罕與儷者徐晉齋斐然亦稱其山水遊記狀難
狀之景刻鏤藻績盡相窮形最堪把握今觀集中
遊記共有四卷實堪與徐霞客遊記抗行知其詩
文皆得江山之助者然其他文亦純以氣勝不規
規於前賢而自然動與古會沛然莫之能禦夫亦
庶乎辭達者矣前有其門人許時庵汝霖總序及

陳說岩廷敬所撰墓誌銘沈果堂彤所撰行狀

陳檢討集二十卷 通行本

國朝陳維崧撰程師恭注

維崧字其年號湖海宜興人康熙己未召試博學鴻詞授翰林院檢討

恭字叔才貢生桐城人

師

四庫全書著錄作陳

檢討四六其年以詩文名所著有湖海樓全集其四六有單行本所作尤推獨妙好對切事鏗鏘輝煥論者以為上追徐庾下視王楊無愧色焉顧其篇章繁富徵引該博讀者病之叔才乃援據諸書以為之注每注其事不叅己意止錄古書本文絕無杜撰且一一求其原委寧詳毋略而于原集中

剗刷錯誤之字又為改正俾讀者了然于心而暢然于口亦可謂陳氏之功臣矣前有康熙癸未張敦復英甲戌吳麟潭苑二序及自述例言據例言稱有補注一冊嗣附于後今未之見

澄江集

無卷數

陸雲士雜著本

國朝陸次雲撰

次雲字雲士錢塘人康熙己未薦舉博學鴻詞官江陰縣知縣

四

庫全書存目是集為宋既庭

實穎

蔡九霞

方炳

所

選定凡古今體詩二百十四首不分卷數前有尤

悔庵侗序稱其詩不專于澄江而以澄江系之者

以為吾官于澄江而後有是詩也亦猶通州蘓州

之志也以上尤序今觀其詩本真性情出之故語多沉

著兼能獨出新意雖所選

皇清詩平頗尚宋元派數而宗法究在唐人云

北豎緒言五卷

陸雲士雜著本

國朝陸次雲撰

四庫全書存目是編為高江却士

奇汪東川

所評點乃其所著雜文九分三十三

体大半皆遊戲之作有類西堂雜俎諸集然實文

之一体在古人不過偶一為之耳前有王漁洋

禎徐健庵乾學李湘北天馥尤悔庵侗及江邨東

川六序

秋錦山房集二十二卷外集三卷

前十卷康熙丙子刊
本後十二卷及外集

朝隆己卯刊本

國朝李良年撰

良年字武曾號秋錦嘉興人
康熙己未薦舉博學鴻詞

四庫

全書存目無外集三卷是集凡詩十卷為其子觀

槿潮借所編即以行止出處為卷次而不編歲月

蓋遵其父遺旨詞二卷文十卷附外集三卷則尺

牘也皆觀槿檢閱零篇櫛比鈔綴至其孫花農菊

房始為付梓秋錦與其兄斯年弟分虎稱三李而

實遠過其伯季其為詩淘汰日新詣隨年進樸而

彌秀淡而益老文則清婉悠揚無拉雜叫器之習
然以視朱竹垞則彌覺矇乎其後矣當日朱李並
稱不過以其俱全耳唯曲詞差堪相亞故能居
浙西六家之一云詩集前有斯年及竹垞所撰行
狀末有花農跋外集之末亦有花農跋

晚樹樓詩彙六卷

康熙乙酉刊本

國朝吳震方撰

震方字青瑤石門人康熙
己未進士官至監察御史

四庫全

書存目是集乃其于康熙乙酉哀集二十餘年來
所作之詩因散佚頗多所存強半北遊所得也其
弟涵序之稱其詩原本于杜韓一篇一咏不為苟
作皆能力追古風有裨世道云前又有其宗人之

振序

黃葉邨莊詩集八卷後集一卷續集一卷 原刊本

國朝吳之振撰

之振字孟舉號黃葉邨農石門人官中書科中書

四庫全

書存目總作十卷其初集孟舉所自訂葉橫山 雙

為之序後集續集則其子武岡瑞草及從子奕亭

景淳

所搜緝編次也後集徐 煥 為之序續集奕亭

為之序橫山稱其詩新而不傷奇而不頗五古似

梅聖俞出入于黃山谷七律似蘇子瞻七絕似元

遺山語必刻削調必鑿空此其概也 以上葉序 蓋孟舉

嘗纂宋詩鈔凡百家故所作多相近云

尋壑外言五卷

秋錦山房集附刊本

國朝李繩遠撰

繩遠字斯年號補黃邨
農嘉興人良年之兄也

四庫全書

存目斯年集凡三鈔版其初刻曰秀攬亭詩順德

陳元孝

恭丑

為之序續刻曰屬雲閣藁侯官高雲

客兆

長洲汪苕文

琬

為之序最後手自刪定為是

編凡詩四卷駢体文一卷附以自撰生壙志則散

体文也元孝稱其詩緣物附情纏綿婉麗不為怒

張號呶而茂草黍苗之思絕絃聞笛之哀隱然言

外讀者可以知其志之所存矣前又有康熙丁丑

自序末有其從孫 花農 跋

香草居集七卷

秋錦山房集附刊本

國朝李符撰

符字分虎號耕客嘉興人良年之弟也

四庫全書存目

分虎集有香草居詩末邊詞花南老屋集又有補袍集皆排偶之文後補袍集及花南集之詞皆亡佚其從孫 花農 就香草花南二本編錄五卷附以末邊詞二卷俱遵原彙不易隻字以存原集之真面目華亭高 層雲 撰墓表稱其詩清空一氣如姑射仙子吸風飲露詞則盡掃科臼獨露本色曹舍人升階嘆為稼軒後身云前有黃山方 光琛 序後

有其從孫花農菊房跋

青門麓稿十六卷旅稿六卷謄稿八卷附邵氏家錄二

卷青門草堂刊本

國朝邵長蘅撰

長蘅履貫見小學類

四庫全書存目凡麓橐

詩六卷文十卷皆康熙戊午以前之作旅橐詩二

卷文四卷皆己未訖辛未之作謄橐詩三卷文五

卷皆壬申以後之作家錄二卷皆同時人所撰康

節祠堂碑記之類其詩瀏灑頓挫力追唐人晚歲

入宋漫堂幕府乃變蘇黃范陸之派蓋欲與漫堂

稱同調也然高出漫堂遠甚文則取法歐曾醇而



國家圖書館, NATIONAL CENTRAL LIBRARY, TAIWAN, R.O.C.

肆簡潔而雄深漫堂序稱其與侯朝宗魏叔子鼎
足而傳于後無疑云前又有漫堂題詞及馮景王
士禎彭鵬王元烜顧景星陸嘉淑李天諤王宏撰
八序附以士禎寄書暨陳玉璫所作傳又有自序
二篇其從子璿及袁赤例言七條

山曉閣詩十二卷 原刊本

國朝孫琮撰

琮字執升號寒巢嘉善人
卷首作吳郡蓋祖籍也

四庫全書

存目寒巢家清風涇所居有老梧兩樹構一小閣
名曰山曉因以名集魏水邨坤序之稱其平生尤
喜山水扁舟往來吳越間凡佳山水及精廬名刹
一一見諸詩大抵從禪理悟入而又得山川之助
故能絕去畦町窅然以深穆然以遠云



定峰樂府十卷

嘉慶丙寅刊本

國朝沙張白撰

張白原名一卿號定峰江陰人

四庫全書存目是

編為其同縣曹

未

所評點雖皆以樂府名而大半

皆古今體詩不過強蒙以新題如新樂府者然蓋

於郭

茂倩左克明

二書定未寓目宜其無知妄作

耳卷首附同時諸人論樂府書中載曾青黎

燦

語

謂以古體作律詩是唐人開此一派至王宛平魏

栢鄉馮益都宋長洲諸公頌美之詞似于原体未

合而尤非布衣中人所宜要當割愛刪去是當時

已有見而規之者攷所舉諸篇今仍在集中可知
其自以為是也後有嘉慶丙寅鮑桂星跋

璇璣碎錦二卷

揚州江氏栢香堂刊本

國朝萬樹撰

樹字紅友
宜興人

四庫全書存目是編乃其

所作迴文詩圖各以名物寓題上卷圖三十幅詩
八十七首詞三十二調下卷圖三十幅詩一百四
十二首詞十二調南曲二套揚州江松泉昱小加
潤飾復屬錢塘金冬心農各為八分題署而刻以
傳之并為之序攷迴文詩自蘇若蘭後文人偶一
為之附于集中從未有如是之多者雖則窮極精
妙究屬誤用其心思矣

善卷堂四六十卷

乾隆庚寅亦園刊本

國朝陸繁昭撰吳自高注

繁昭字拒石錢唐人自高字若山桐城人官翰林

院待詔

四庫全書存目

國初以四六名者推吳園次陳其年拒石才地稍弱

于二人故不能與之鼎力然以視其門人章豈績

藻功專事新巧遁為別調則儵然遠矣若山以其

徵事深博未易窺測爰旁搜典故句疏而字釋之

凡九閱寒暑而注始就其有功于拒石猶程叔才

之于其年也前有自述緣起例言及張廷玉序并

載徐炯陳廷會原序藻功原跋及拒石從孫宗楷所作傳

學箕初稿二卷箭山鐵鐙軒刊本

國朝黃百家撰

百家字主一餘
挑人宗羲子也

四庫全書存目有

幸跌草三卷凡雜文二十篇書首題曰學箕五稿知其尚有二稿三稿四稿之刻矣是集凡雜文三十四篇皆康熙戊申至丁巳之作大致淵源蒙學而規模殊覺狹隘此則早年所作尚未與道大適耳

箚菴遺稿一卷 鈍翁類彙附刊本

國朝汪筠撰 筠字禹吹號箚菴長洲人

四庫全書存目禹

吹為鈍翁之長子年三十二而殉鈍翁得其遺詩

于沈友箚 頃 范鷺公 序安 所因錄存六十三首刊附

集後前有鈍翁友箚二序末附輓詩十九首及鈍

翁自作六首

笛漁小橐十卷 曝書亭集附刊本

國朝朱昆田撰

昆田字文益號西峻秀水人

西峻為竹垞令子承

承名父之後略能盡通其家學以其餘技發而為詩上窺韓杜下汲蘇黃推陳出新瑰奇光怪洵堪為極盛之繼惜年未五十而卒尚未底於成也卒之歲竹垞為定是橐附刻其集以行今析出別為記之前有嘉定張

雲章華亭高菰邨層雲二

序

徐都講詩一卷

西河全集附刊本

國朝徐昭華撰

昭華字亦曰昭華始寧人諸暨駱加采室

四庫全書存

目昭華為前明兵部尚書亮生之女孫嘗讀西河詩而感之願受業于門故西河目之曰都講是編詩凡八十首即其受業時所存稿為西河所點定并為之序李_塔西河詩序引西河云若以詩則吾門雖多才無如都講者恐未免過情之譽云

棟亭詩鈔八卷詩別集四卷詞鈔二卷文鈔一卷揚州書局刊本

國朝曹寅撰寅仕履見目錄類四庫全書存目止載詩鈔

五卷詞鈔一卷當屬是本詩鈔之前五卷詞鈔之

前一卷也是本詩鈔為棟亭所手訂前有顧景星

杜芥毛際可朱彝尊姜宸英五序別集係棟亭手

自刊落不欲付梓命小胥鈔錄藏諸篋衍歿後其

門人郭振基校刻并為之序詞鈔前有其門人王

朝璣序文鈔前有其門人唐繼祖序其詩五言古

今体出入開寶間之七言兩体胚胎諸家而時闌
入宋調詞則俊爽雅麗兼有辛蘇姜史之長于古
文詞之作尤所矜擇顧以耽吟特甚故為之不多
云

愛日堂詩二十八卷

乾隆丙辰刊本

國朝陳元龍撰

元龍字廣陵號乾齋海寧人康熙乙丑進士官至文淵閣大學士謚文簡

○四庫全書存目乾齋自應科入仕以迄

賜告而詩必與俱隨其時事以名其集凡敝帚集四卷登瀛集一卷却掃集一卷環召集五卷南陔集三卷重徵集一卷宜人集二卷肆覲集一卷還朝集二卷蘭峪前集一卷重臨集一卷蘭峪後集二卷黃扉集三卷林泉集一卷每卷皆以編年為次卷首各有小引愛日堂詩其總名也乾齋昔歸養

聖祖仁皇帝御題堂額以賜故名其詩以誌不忘其門人
王唐堂之集序之稱其應制之詩麗而法紀頌之
詩闕而摯遊覽行旅之詩章而遠間適遣懷之詩
暢而真贈荅讌會之詩恬而至紀時咏物之詩典
而切其時昌其遇隆故其詩有美而無刺有正而
無變云前又有葉蒼岩映榴序

懷清堂集二十卷 原刊本

國朝湯右曾撰

右曾字西厓仁和人康熙戊辰進士官至吏部右侍郎

四庫

全書著錄是集乃乾隆丙寅其子學顯所刻右曾
嘗奉

聖祖仁皇帝命賦文官果詩蒙

御製一首俯同右曾韵舉朝傳誦以為儒臣之至榮故學

顯即刻冠卷首次以倡和諸作及學顯謹記西厓

為王漁洋入室弟子其詩高超名貴不落一語凡
近而相其契匠要歸于清所謂乾坤清氣得來難

也浙中詩派自朱竹垞後即當西厓首屈一指云
前有黃叔琳潘思渠納喇常安三序後有其門人
繆日藻陳履中二跋

在陸草堂文集六卷

淑慎堂刊本

國朝諸欣撰

欣字同人號在陸宜興人康熙庚午舉人

四庫全書存目

在陸所輯十家文鈔于八家外加入李翱孫樵最

稱善本其為文清而雄暢而曲是絕有唐宋家法

者故雖兼以時文名而尚無時文腔調惟所作之

文不多其原編十卷計二百餘篇儀徵吳碩夫之

彥僅擇其百篇系以評點而梓之務取精也前有

雍正癸卯曹聲喈鳴及碩夫二序又有碩夫所述

九例暨目錄後其子芝跋評論姓氏後其孫掌文

記據凡例尚有詩二卷俟刻今未之見

楊文定文集十二卷別集六卷附錄二卷

楊氏全書本

國朝楊名時撰

名時字實實號凝齋江陰人康熙是

集為其子

應詢

所編卷一為疏卷二為劄子卷三

至卷十為雜文卷十一為頌賦卷十二為詩別集

為雲南省志小序及示檄規約恭紀并自滇入都

程記附錄為盧

文昭

所撰家傳彭

紹升

所撰事狀

凝齋師事李厚庵以道德政事為己任本未嘗沾

沾欲以文自見而言為心聲其本盛而源深者發

之于文而道德政事亦具見于斯其所撰著雖視

榕邨集為約而其醇殆足以相匹文詞之工非所
計矣乾隆戊午寧化雷翠庭銓為之跋

陳恪勤集三十九卷 道榮堂刊本

國朝陳鵬年撰

鵬年字北溟號滄洲湘潭人康熙辛未進士官至兵部侍郎河道總督謚

恪勤

四庫全書存目其詩凡水東集三卷武夷

集二卷蒿廬集三卷耦耕集五卷于山集二卷香

山集二卷浮石集七卷淮海集三卷胸山集二卷

秣陵集四卷附以唱月詞六卷滄洲之祖若父皆

以詩著名故其生平所歷一發之于咏歌所謂詩

以紀年者是也吳園次綺序之稱其詩悉本滾水

之遺才既高華學尤醇脩情無近寄意必入真云

前又有康熙戊寅自序及武陵瞿龍躍序

滄洲詩鈔十卷

雍正丙午刊本

國朝陳鵬年撰是編為其門人潘似山

尚仁

所校刊

凡四言長短句五言古二卷七言古一卷五七言

排律聯句一卷五言律二卷七言律三卷五七言

絕句及補遺一卷其卷帙繁簡皆滄洲平日所訂

定前有似山例言稱是詩始于分符吳郡中間留

滯南徐訖內廷入曝凡有吟咏彙入集中督理

河政後任職艱鉅不暇多及也則此編刻于恪勤

集之後矣其刻于恪勤集之前者尚有道榮堂文

集六卷見 四庫全書存目

固哉叟詩鈔八卷 珠樹堂刊本

國朝高孝本撰

孝本字大立號青華嘉興人康熙辛未進士官績溪縣知縣

四

庫全書存目是編凡分趨庭江漢徑山琴溪嶺南

秦遊大鄣葛園晉遊津門南州幔亭海岱黃梅桂

林愚齋台雁維摩十集前有總目各載小引乃其

于康熙己巳至丁未所作也陸星坡 奎勳 序之稱

先生遊踪半天下其詩取材既博鍛鍊尤精因遊

益工與年俱進云前又有自序及其門人劉 統勳

沈 煊 二序吳 陳炎 陳 鵬年 葛園集二序沈 廷文 江

漢集序又有金永昌所作傳諸錦所作圖贊

湛園未定彙六卷

二老閣刊本

國朝姜宸英撰

宸英仕履見雜家類

四庫全書存目是編亦

其所作雜文凡分二十六体而以二賦廁家傳之

後墓誌銘之前殊屬失次皆其未曾薦入史館時

所作錢飲先

東澄

秦留仙

松齡

韓慕廬

莢

俱為之

序後黃崑圃

叔琳

重編為湛園集八卷則又續以

後來之作較此本為完備存目又有真意堂文彙

一卷蓋隨意摘鈔之本而冠以留仙未定稿原序

更不及趙

同敷

西溟文鈔之本矣

乙未亭詩集六卷
畏壘山人詩集四卷

桂森堂刊本

國朝徐昂發撰

昂發字大臨長洲籍崑山人
康熙庚辰進士官翰林院編修

四

庫全書存目無乙未亭詩集前集乃其未第以前
之作後集則其登第後作也韓慕廬^莛序其前集
稱其詩筋力于漢魏以來不沾沾于規模唐而亦
無意于矯之要其志趣自高如朱子所謂洗滌腸
胃間葷血脂膏而芳潤易入也中又有寓詞八十
首據其自云詩成後亡失小半亦慕廬為之序

樓邨詩集二十五卷

雍正乙巳刊本

國朝王式丹撰

式丹字方若號樓邨寶應人康熙癸未賜進士第一官翰林院修撰

四庫全書存目是集乃其子懿誦懋訥所刻雖

皆分年編次而仍分卷一至卷五為龍竿集卷六至卷十二為罽蘇集卷十三十四為補過齋集卷十五至卷二十一為忍冬齋集卷二十二為鴻柯集卷二十三至卷末為梅花書屋集宋漫堂官江蘇巡撫時嘗選江左十五子詩樓邨其一也其詩排界陟健能盤硬語一洗吳音蓋以昌黎為宗而

汎濫于廬陵宛陵眉山劍南之間者前有田山薑
雯陳滄洲鵬年查初白慎行及新安吳瞻淇四序
後有吳興吳斯沼題詞其壻浦洪跋

十峰集五卷 通行本

國朝徐基撰 基字宗頊號十峰華亭人官蕭縣訓導

四庫全書存目

是集諸作皆集東坡前後赤壁賦為之第一卷為
小赤壁賦春日遊小赤壁賦及道德篇各成千言
而總不越四百十五字之外洵為巨製其壻路徐
來為之註并綴同時人評語于末第二卷以下為
詩詞曲銘贊書論各體靡不精工此雖遊戲之
作而因難見巧亦可謂空前絕後矣十峰又有景
蘇閣集五卷其詩皆集東坡詩句而成蓋有集古



國家圖書館, NATIONAL CENTRAL LIBRARY, TAIWAN, R.O.C.

之癖云是集前有康熙丙戌陳乾齋元龍序俱集
聖教序帖中字亦工力悉敵以序此編洵無愧矣
又有自序凡例像贊及吳三省張李定朱應麟其
壻沈中星路徐來五序冠以提要一篇

鄭堂讀書記卷七十一

集部一之下

別集類二 國朝

國家圖書館, NATIONAL CENTRAL LIBRARY, TAIWAN, R.O.C.

烏程周中孚撰

穆堂初藁五十卷

無怒軒刊本

國朝李紱撰

紱字巨來號穆堂臨川人康熙己丑進士官至戶部侍郎是集凡賦

雅頌一卷詩十六卷原說一卷攷二卷解二卷論

議贊箴二卷墓誌銘表四卷記二卷序六卷傳一

卷疏劄子三卷書三卷策問一卷題跋二卷告文

誄哀辭祭文四卷曰初藁者謙詞也其門人黃唐

堂之集序之稱先生于文取永叔子固于命世之

志取介甫于學術取子靜不出其鄉而奄有前古

今觀其集如疏劄諸篇愷切敷陳有裨治道而不

至如介甫之執拗然中有書辨姦論後二則書邵氏聞見錄後書宋名臣言行錄後二篇其曲護氏甚至此其鄉曲之私牢固于心所以論學術則祧程朱而禰陸王者屢見于文此其蔽也顧其文條暢勁健導源歐曾其間如原說攷解論議諸作尤為卓絕詩品不加修飾自見風標頗與山谷相近蓋亦其鄉人云前又有其門人儲天文李光及其弟紘三序後有其門人安居王恕跋

空明子初集十三卷續集十六卷後集十二卷餘集十四卷附允諧年譜一卷原刊本

國朝張榮撰榮仕履見傳記類

四庫全書存目止載詩集

十卷又八卷文集六卷又二卷雜錄一卷詩餘二卷蓋不全之本也是編初集為康熙乙未所刊九詩集十卷見存目前有自序及張雲章錢栢齡序焦素燾題詞末有李如泌跋文集二卷雜錄一卷前有如泌及符兆昌序末有朱棟鍾吳來後序續集為康熙丙申所刊凡詩集八卷見存目前有如泌

及吳文炎序俞楷懷鼎吉題詞文集六卷見存目
未有王鑄書後從子師實序後詩餘二卷見存目
前有如泌題詞未有朱崑李駿後序後集為康熙
庚子所刊凡詩集八卷前有張御衣陳天培顧瑞
麟陸大經題詞從子棠序文集二卷雜錄一卷末
有袁燾及顧成天題詞茸城賦註一卷前有如泌
及凌顧榮序未有從子應龍書後餘集為康熙戊
申所刊凡詩集八卷前有王原題詞沈元祿徐翊
欽序未有諸子贈言文集二卷燕居筆記一卷偶
吟雜稿一卷雜錄一卷家乘私志一卷全集冠以
叅訂姓氏及總目附刊亡兒允諧年譜一卷玉峰
生平所作詩古文詞最富至刻初集時僅刪存三
十分之一其于續集後集餘集亦必嚴加刊除然
所作多失之放浪而游戲之文尤近小說故雖裒
然巨帙殊無可觀其諸雜錄及筆記亦皆小說家
言茸城賦並自註為松江一郡而設蓋擬昔賢會
稽三賦之體偶吟雜稿僅詩十三首當屬拾諸集
之遺者家乘私志則做鈍翁別業中族譜為之允

諧年譜并傳誄輓章為一卷允諧年十六而夭因輯為是卷末有其弟兆熊跋其後集末附崇川節孝錄及續集末附其妾華浣芳挹青軒稿俱析出別為記之

挹青軒詩稿一卷詩餘一卷自怡錄一卷空明子全集附刊本

國朝華浣芳撰浣芳蘇州人華亭張榮側室

四庫全書存目止

載詩稿一卷浣芳早慧能詩詞年僅二十三而殉玉峰選定其詩凡六十三首詩餘凡六十二闕自怡錄凡二十則乃諧謔之類皆附刊其集中前有玉峰序末有玉峰書後

唐堂集五十卷補遺二卷續八卷附冬錄一卷

賜錦堂刊本

國朝黃之隽撰

之隽字石牧號唐堂華亭人康熙辛丑進士官至右春坊右中允

四庫全書存目總作六十一卷是集凡雜文二十

七卷四六三卷詩十八卷詞二卷乾隆辛酉編定

補遺凡雜文尺牘一卷詩詞一卷甲子編定續集

凡雜文五卷詩三卷附以詞五首丁郊編定各有

自序冬錄凡二十六則皆自紀其生平事實自序

謂冬錄者冬而錄之也自始生至逾冠如春壯強

至艾如夏五十外至七十如秋耄耄冬矣冬而錄



之可包春夏秋而錄之也

香屑集十八卷 嘉慶癸酉重刊本

國朝黃之雋撰 四庫全書著錄是集古今諸体分

類合九百三十餘首俱集唐詩冠以自序偶体文
一篇凡三千餘言亦集唐及五季人文句成之每
句各注出處乃唐堂少壯時所為前有自撰詩話
謂綺羅脂粉故曰香割綴瑣碎故曰屑也大抵通
首無複題通卷無複句間有重出三十許句緣是
最後所集不及與前一例耳其五七律絕固珠聯
璧合妙出天然至其五七古尤不懈而及于古亦

可見其記誦之博運用之巧矣前又有焦南浦素
燾序後有其門人陳古愚初直跋

唐堂行樂圖題咏四卷 原刊本

國朝黃之雋撰唐堂嘗繪行樂四圖曰漁樵耕牧上
自阮籍嵇康下訖倪瓚楊維禎凡六十餘人莫不
摘其雋句彙為全篇書諸像後得各體詩七百餘
首其例古人每首止摘一句無連用者每句止用
一處無複出者因錄成是編自為之序前又有顧
小厓成天陸星坡奎勳二序後有其從子瀛跋星
坡稱其濬靈機于方寸接群雅于同堂情理所孚
時代莫隔洵所云自我作古其妙難言者也以上
陸序

盖與其所撰香雪集異曲同工矣

鹿洲初集二十卷 原刊本

國朝藍鼎元撰 鼎元仕履見傳記類

四庫全書著錄鹿洲少

時以文章經濟自命晚年一意周程張朱之學闢
異端斥佛老具見所著棉陽學準中其為文高視
濶步有浩乎不可遏抑之氣所作以有關世道人
心裨益民生吏治為主凡以摠其心之所欲宣也
是集皆其雜文為曠魯之 敏本 所編次而評隲之
前有雍正丙午壬子魯之二序又載康熙己丑沈
心齋 涵 張孝行 伯行 辛丑汪約齋 紳文 三序并小

圖自題及其子雲錦等所作行述

東征集六卷

原刊本

國朝藍鼎元撰

四庫全書著錄附平臺紀略後

見

部紀事本末類

是集乃其子康熙辛丑臺灣朱一貴盜兵

從其兄南澳總兵

廷珍

運籌閩外所著凡書檄露

布看詣及紀地形之類共六十篇蓋所作不僅于此此又刪存精要者也皆成于戎馬倥傯事機呼吸之餘而整暇從容有古人誓令遺意且能使東寧山川形勢瞭如指掌不必身親其地而歷歷如在目前又言皆有用非徒為無益之虛談也其集

初刊于康熙壬寅 廷珍為之序至雍正癸丑鹿洲
又即舊刻刪定重刊天長王近顏者輔復為之評
點而繫以序

道腴堂詩集四卷 石倉世纂本

國朝曹煜曾撰

煜曾號麓蒿生上海人康熙末貢生

四庫全書存目

麓蒿生平吟稿甚富而不自收拾殆不欲僅以詩
人見也是集乃其孫劍亭錫寶得之口授之餘而

私自編錄者故皆近體詩凡一百五十首其詩得

董蒼水俞之指授持律益嚴直臻堂與前有錢唐

王延年序後有劍亭雜記六則及其從孫壻葉承

從孫錫黼二跋

放言居詩集六卷

石倉世纂本

國朝曹炳曾撰

炳曾字為章號巢南上海人煜曾之從弟也康熙末諸生

四庫

全書存目巢南少作曰碧鮮齋稿後曰放言居詩

又有續稿後其子

培廉

取正續稿合為一帙其孫

錫黼又從正續稿中梓其尤者又加碧鮮齋稿數

首雜著幾種合為是集凡詩五卷附雜著一卷即

雜文也巢南得詩法于朱拜石所作以氣骨為先

不屑為穠纖綺麗之習家多藏書樂訂正前人名

集刻有張玉田趙松雪倪雲林袁海叟諸集蓋即

其生平所誦法者卷首有張雲章瞿來謙沈湖鮑
歷四序及上海縣志獨行傳後有杜詔壽序王澄
祭文從子一士墓誌銘及其孫壻葉承孫錫黼二
跋

長嘯軒詩集六卷

石倉世纂本

國朝曹煥曾撰

煥曾字祖望號春浦上海人炳曾之弟也康熙末貢生官理藩院知事

四庫全書存目是集為其從孫錫黼所編凡詩四

卷附詩餘一卷又雜著一卷即駢體文也春浦與

其兄麓蒿從兄巢南並以詩名而春浦詩原本晚

唐尤工琢句詞則出入周秦諸子間其四六亦極

工麗玉質金相允堪拔俗前有喬龍胡二典陸培

三序後有顧成天所作墓誌銘及其從孫壻葉承

從孫錫黼二跋

南陔堂詩集十二卷 原刊本

國朝徐以升撰

以升字階五號恕堂德清人雍正癸卯進士官至廣東按察使

四

庫全書存目是集凡每卷分為一集仍以編年為次起于康熙辛丑盡于乾隆乙亥共詩九百三十五首恕堂為賓邨倬之曾孫靜園元正之孫故所作以唐為宗不落宋人蹊徑沈歸愚德潛序之亦稱其克傳家學無愧門風者也前又有齊息園召

南序

司業文集四卷 陳司業集本

國朝陳祖范撰

祖范字亦韓號見復長洲人雍正癸卯會試中式乾隆辛未薦舉經學

特授國子監司業

四庫全書存目見復志潔行芳久以

經學擅名故于文雖不模仿前人而風神峻逸自

合前人渠蒨洵所謂有道德而能文章者也是集

所存僅百五十篇尚多應俗之作蓋其子道光編

集時嫌其所作不多遂一概濫收不暇決擇乾隆

甲申其門人顧鎮為之序又有雍正辛亥陳少章

景雲序係見復存時所作云

司業詩集四卷 陳司業集本

國朝陳祖范撰 四庫全書存目是集皆其平日所
手定者存詩止四卷每卷皆以年為次自序稱予
于斯事不求甚解而竊好反尋其本收拾舊稿其
無為而作者去之其為人而作者又去之止存其
自吟自止用適已事者工拙所不計也其言雖如
此然較之閻百詩潛邱劄記中所存諸詩則頗高
一等矣末有其門人王峻莊 大中從孫士林 三跋

志寧堂稿一卷 徐氏六種本

國朝徐文靖撰

文靖字位山雍正癸卯舉人乾隆辛未薦舉經學特授翰林院檢討是

編乃其詩賦全集位山以考証經史為事詩賦非所留意所作自注居多而所為語助七字詩十首屬對雖工風雅埽地矣後附湖居詩跋皆全時人題贈之詩前有張鵬神奏及自序又有盧東純黃之雋二序

賜書堂詩鈔八卷 原刊本

國朝周長發撰

長發字蘭坡號石帆會稽人雍正甲辰進士選庶吉士散館外補廣昌縣

知縣又改樂清縣教諭乾隆丙辰博學鴻詞授檢討官至侍講學士

召試

四庫

全書存目石帆以吟詩敏捷負重名故生平詩稿

甚富因貪速成未免有率易處相傳其原集紙高

尺有半是編僅存八百首蓋已刊除其十之一矣

前有齊息園

召南

商寶意

盤

袁簡齋

枚

及其從孫

元牧大樞四序

絳附閣詩稿十一卷 乾隆壬午刊本

國朝諸錦撰

錦字襄七號草廬秀水人雍正甲辰進士選庶吉士散館以知縣用改補金華

府教授乾隆丙辰召試博學鴻詞授編修官至左春坊左贊善

四庫全書

存目是編雖止十一卷而分三十一集詩共一千

五百二十二首隨事標題仍以編年為次甚至八

首十六首亦各分一集則亦何苦而為此紛紛耶

草廬出李穆堂門下博綜典籍作詩以山谷後山

為宗而不免近于澁悶所謂學人之詩也前有鄭

江汪澐陸奎勳徐元禧徐天秩五序末有鮑鈴孟

思誼
後序范長發跋

明史雜咏箋註四卷 新刊本

國朝嚴遂成撰其從子兆元箋註

兆元號耐齋烏程人嘉慶戊辰舉人

官錢唐縣教諭

海珊所作詩久已刊行惟是編向藏于家

凡詩一百八十二首樂府歌行及五七言古近体
各体俱備或一人一首或數人一首或一人數首
略依明史列傳類次先後自開國以迄末造二百
七十餘年人物粲然可觀詩後間附議論斷以已
意不盡如前史所言亦即其作詩大旨也其徵引
繁博必待箋釋方明耐齋乃取而注之于本人事

實逐句詮疏皆從明史傳中摭拾不假外求而于
引用古書出處則又仿惠氏注漁洋詩之例附于
每首之後使讀之者開卷了然其足以傳遠無疑
矣書成于道光乙酉自為之序越三載順德何藝
閣太青屬南海葉蘭谷夢龍刊于廣東又為之序

四馬齋詩集六卷附梯仙閣餘課一卷拂珠樓偶鈔二

卷石倉世纂本

國朝曹一士撰

一士字諤庭號濟寰上海人雍正庚戌進士官至兵科給事中

四

庫全書存目諤庭為諸生三十餘年名滿大江南

北立朝未十年卒于官集為其子錫瑞等所刊其

論詩以一唱三嘆蘊藉不盡為宗故所作原本三

唐間叅宋元時露奇警前有黃文蓮序及上海縣

志名臣傳後有其壻葉承從子錫黼二跋附梯仙

閣餘課為其繼室陸

鳳池

作

鳳池字元宵自號秀林山人青浦人陸振

芬女年三十三卒 凡詩五十五首詞十一首前有儲大文
陳鵬年焦素熹三序及諤庭引後有錫輔跋拂珠
樓偶鈔為其女錫珪作錫珪字采蘩自號允詩一
百三首前有陳以剛序及其叔葉承點題詞末有
其伯葉雪暉後序其嫂王芸跋

四馬齋文集八卷 石倉世纂本

國朝曹一士撰 四庫全書存目是集亦其子錫瑞

所刻九分二十三體諤廷為諫官僅一期慷慨敢
言所陳皆去積弊培元氣有利國家者集中載有
奏摺十一首可覆按也所作雜文溫潤雅潔大都
取法于潛溪遵岩荆川震川諸家其保甲策益法
論開肇嘉浜議吳淞閘善後議之類多切時要前
有顧棟高焦素熹二序後有其壻葉承從子錫輔
二跋

隨邨先生遺集六卷 愚山全集附刊本

國朝施璫撰 璫字隨邨
宣城人

四庫全書存目是集乃其

子 企曾 念曾 所編輯隨邨為愚山之孫詩學遠有

端緒所作高明曠爽尚不墜其家聲者也前有雍

正辛亥劉 沛 乾隆丙辰吳 芮 二序

果堂集十二卷

原刊本

國朝沈彤撰

四庫全書著錄是集凡雜文十一卷

古今體詩一卷果堂薦古窮經尤精三禮其解經諸文于郡疑聚訟之處疏通證明一句一字必獲其指歸而後已其記序碑銘諸作亦皆具古人之法而立義醇慤非若世之著文者詭奇炫飾以相誇詡也信乎其為學者之文矣集中釋首一篇有裨醫術久有別行之本今遵提要另記于醫家類卷首有王艮齋峻沈歸愚德潛二序後有歸愚所作

傳及惠松厓所作墓誌銘

冬心先生集四卷

原刊本續集一卷 寫本

國朝金農撰

農字壽門號冬心錢塘人

四庫全書存目無續集

一卷壽門不事生產而癖于好古寄食揚州者幾二十年詩格苦硬清峭頗近東野天隨是集刻于雍正癸丑自為之序謂取崔國輔寂寥抱冬心之語以自號今以氏其集云前有小像及劉仲益贊續集一卷不知編輯者名氏凡詩一百五十首大都編原集時刪棄之作及癸丑以後之作也附以詞二十六首俱咏物小全而失寫調名者殊不足

存

結埼亭集三十八卷

嘉慶甲子種外編五十卷
嘉慶辛未刊本

國朝全祖望撰

祖望字紹衣號謝山鄞縣人乾
隆丙辰進士官翰林院庶吉士是
集

乃餘姚史竹房

夢蛟所刻目錄後有竹房識云嘉

慶癸亥八月夢蛟在杭州從沈松門得之松門得

之杭董浦云是謝山手定本間綴評點乃董浦筆

也校先生文集者高第董小鈍蔣樗菴小鈍誤年

譜言先生臨歿以集五十卷寄揚州馬氏叢書樓

後歸董浦索之不可得見又言先生集共一百二

十卷自四十卷至四十九卷為經史問答是本雖

出杭氏然止三十八卷合之經史問答以較五十卷已闕二卷先生尚有外集五十卷詩集十卷統計亦不足百二十卷之數疑傳鈔多所佚闕松門遷歸道山不能問其詳也以上識語攷外集即外編也竹房力未能刊越八載始有刊本前有乾隆丙申董少鈍題詞又有目錄後無名氏識云外編五十卷門人董少鈍手鈔于那地州判官署少鈍既歿同門蔣樗菴重加審定更正篇卷較有條理惟辭句刪潤過多間有失其本意者今所校錄一以董本為主序次則從蔣本其董本所無補以蔣本者注于目錄之下董本以讀易別錄孔子弟子姓名表別為附錄一卷蔣本則編入第五十卷今按讀易別錄自為一書鮑氏業刊入知不齋足叢書弟子姓名表體例粗具似非定本故不入梓以上識語按內編分十四体而以少鈍所作世譜年譜為首卷不入卷數外編分十七体前有少鈍原序其所以分為兩編蓋以其所作為軒輊也計兩碑銘傳狀居其三十五卷大都表揚勝國革除節義諸公為

主即其他諸文亦不外此旨至其考論經史之作
尤極精審實為近代一大作手以視同時齊息園
杭堇浦兩家誠高出其上矣哉菴有二子成三人
其經史問答仍析出別為記之

句餘土音三卷

嘉慶甲戌刊本

國朝全祖望撰按史竹房識鮎埼亭集目錄後云此
外詩集十卷句餘土音三卷出自先生手定若能
彙付剗劂俾傳奕禩所望于四方同志之士矣今
詩集未見刊本僅見是編皆與其同里人詩社之
作自序稱題曰土音以志其為里社之言也然皆
謝山一人之詩前二卷皆咏其鄉之古蹟物產下
卷為琴操薤露詞雜歌則分咏其鄉明末人諸軼
事也前又有乾隆乙亥其門人董少鈍

東純序

嬾曾初集選八卷 送青齋刊本

國朝張用天撰

用天字用六號
誠庵婁縣人

四庫全書存目是

集前有青浦邵成正序稱其學無不窺亦詩無所

不脩大率命意高徵材博鍊句穩風骨峭拔氣韻

清遠必傳矣疑今觀其詩于唐宋諸名家頗多摹

仿之迹尚未能擬議以成其變化也其集刻于乾

隆甲子自為之序又有其妻弟方倬序後有倬子

鳳洲跋以杜少陵有近識峨眉老知余嬾是真語

故取以名集云

經史論存四卷補一卷

真意堂刊本

國朝吳成佐撰

成佐字贊皇號懶庵吳縣人

是編乃其子簡舟英

所輯皆其所著雜論經史之文懶庵本有刻集五
種凡十卷又有閏錄十六篇皆經史論也簡舟因
取十卷中論經史之文與閏錄合為一編而刊之
卷一經義論及經義之緒餘附焉卷二皆辨論經
史之誣謬卷三卷四皆史論通計得篇一百七十
每卷又各有補共十七篇卷首有閏錄自跋及簡
舟書後補目後亦有簡舟識語并附鈔原敘四篇

其從子竹嶼泰來後敘稱叔父為文不立間架不
事雕飾適如其意之所欲言而文成法立無不動
與古會蘇州新志二百亦稱其肆力于詩古文詞兼
治經史論斷頗見卓識云

潛研堂文集五十卷

嘉慶丙寅刊本

國朝錢大昕撰是集為竹汀所自定凡分十四類前
三卷竹汀始以辭章鳴一時既乃研精經史因文
見道于儒者應有之藝無弗習無弗精其學固一
軌于正不參以老佛功和之言其文尤非好為古
文以自雄壇坫者比也中有所見隨意抒寫而皆
經史之精液淳古澹泊非必求工非必不求工而
知言者必以為工其傳而能久久而愈著者固可
必也自卷四至卷十五凡為經史答問別無行本

附入集中猶全謝山結鯨亭集例也竹汀歿後三年刊成冠以小像及贊段懋堂序之稱余謂竹汀之文與王述菴師相亞然述菴師猶屬文人之文竹汀則儒者之文誠如茂堂所稱因文見道云

潛研堂詩集十卷續集十卷

潛研堂刊本

國朝錢大昕撰按正集刊于乾隆庚寅自為之序續集刊于嘉慶丙寅其弟可廬大昭為之序可廬引黃在東之言謂先生雅不欲以詩鳴然觀生平所作溯源漢魏出入唐宋腹貯萬卷而不屑以掇摭塗抹為事胸有慧珠而不肯以纖縲佻巧為能春容淵雅蔚為大宗云云蓋竹汀之詩猶之所作之文無意于成家而自然成家所謂才之大者能兼眾人之長也故雖不及春融堂集所載之富而固

可與之相頡頏矣

篁邨集十二卷

無求安居刊本

國朝陸錫熊撰

錫熊字健男號耳山上海人乾隆辛巳進士官至都察院左副都御史

是集為其所作古今體詩乃其子秀農慶楮所重

編目錄後有秀農識語耳山少學為詩篇什甚富
自服官京師多大著作而吟咏稍稀至乾隆辛亥
手自編次曰陵陽前稿曰東歸稿曰陵陽後稿曰
浴鳧池館稿曰席帽稿曰橐中稿曰雪颿稿各撰
小序列之首簡殉後秀農因即所存重編是集統
以年次編排而盡去其諸稿名目仍錄諸稿小序

于目錄中以誌手澤合存詩八百餘首而附以詩
餘二十一闕其曰篁邨集者猶是耳山所題之總
名也冠以王述庵所撰墓誌銘稱其詩工而不穠
婉而能切云

寶奎堂集十二卷

無求安居刊本

國朝陸錫熊撰是集為其子慶循所編前九卷皆自
作及代公撰之文以類分排卷十炳燭偶鈔二十
九條皆考証史事之文蓋取說苑老年之學如炳
燭之明意本列成書以甫得一卷不能單行特附
于後卷十一卷十二則專代一人之作非公撰者
可比故錄于末吳穀人錫麒序稱其撰文不假思
索大率蘊蓄于中而騰躍于外故其氣宏深而博
大其辭藻耀而高翔云嘗攷王述庵昶誌年山墓

稱乾隆四十二年春

孝聖憲皇后賓天凡大祭殷奠上

尊謚典禮嚴重應奉文字大學士于文襄公屬公撰進皆
被

俞允是當時所撰之文必夥矣今集中止存

謚冊文一篇冠于首豈典禮攸闕之作竟聽其散佚而無
從搜求耶抑豈述庵惟據其家行述而為之而不
足憑信耶李心庵 林松 新修邑志于年山列傳絕
不載及此事有意哉秀農曉曉致辨見新修志例

其誰信之然觀其目錄後識語反不及此從可知
矣

讀書求解一卷修辭餘鈔

無卷數

通藝錄本

國朝程瑤田撰皆其所著雜文其所以分為二編者
蓋由所著之先後耳讓堂撰文甚多其可以編入
經解雜著者已隨類分附不為重出故所存止此
雖應酬之作居多而文体亦殊雅潔無俗氛知其
詩書之澤深矣

讀堂亦政錄一卷 通藝錄附錄本

國朝程瑤田撰讓堂于乾隆戊申官嘉定教諭至辛亥解組歸里凡任內治事所作聯扁告示看語稟牘及雜著詩文都為一編取孔子是亦為政語名之而以嘉定人贈別詩文附焉

江南詩集四卷文集二卷 原刊本

國朝董熄撰

熄字誦夫一字
謂瑄烏程人

其詩首冠以賦次分十

四集及楚雨編劍映小稿白雲稿一卷一知集欲
彈集監費集一卷渡江小稿尋則齋集南毫集尋
則齋續稿一卷辛壬癸近稿廣陵新咏偶影齋集
居全小齋集一卷中有二首四首七八首各分一
卷者殊屬瑣碎文分十三体凡五十一篇海昌陳
世修序之稱謂瑄沉静嗜學家既富藏書又嘗遊
其外王父曹秋岳之門倦圃所藏人間所不經見

者謂瑄猶得窺其什一故其學為有原本以上陳序今
觀其詩規撫兩漢而取材于六朝寄託既深波瀾
亦老文則長于攷証頗有灼見敘事之作亦殊雅
馴足徵其汲古功深焉前又有乾隆庚寅周龍藻
序及溫棗忱序

經韻樓集十二卷

經韻樓叢書本

國朝段玉裁撰吾師受學于戴東原稱入室弟子故
于經文之外誤經義之聚訟而難決者皆能剖析
源流尤精于小學凡文字音韻訓詁之精微無不
一以貫之自著有成書外所撰雜文甚富身後其
子驥及外孫龔自珍揀擇得一百八十餘篇編為
是集凡說經者居其大半皆確有定見裨益古義
其他序記碑傳諸作此真學人之文而非才士之
文也求之時賢亦惟東原文集足以相配若汪容

甫述學錢溉亭述古錄又其次也惜是集編次尚
未能如戴集之有條理且多舛誤如與錢辛楣學
士書論粽字一題其文全不似書体當改為通鑑
注粽字辨誤庶乎其可又如記洞過水一篇其文
全與戴集中記洞過水一篇相同且隻字不易蓋
吾師愛其文而手錄之未及如今之時文署名氏
于其下驥等不知戴集中有此文遂濫行收入此
二者乃舛誤之大者也昔吾師覆校戴集因刻版
既成不欲多剝損故作札記附其後以待得此書

戴東原集十二卷

經韻樓刊本

國朝戴震撰是編為其門人段懋堂師所校刊前有

懋堂

師

序稱先生所為書或成或不成孔氏体生

梓于曲阜十餘種學者苦其不易得 文集十卷

先生之學梗概具見臧氏在東顧氏子述因增其
未備編為十二卷精校重刊略以意類分次其先
後不分体如他文集者意欲求其學者之易為功
也余觀其文大都辨証經義小學天文水道算法
性理為多懋堂所謂考覈益精文章益盛也稍前

則沈冠雲形果堂集在後即懋堂經韻樓集可以
鼎足卷末附懋堂覆校札記則刻版既成不欲多
剗故箋其後以俟得此書者照此校改云爾此本
較原刻增多三十一篇而刪原刻閩中師友淵源
考西河文彙序跋殘本聖教序毛公墓誌銘及附
孔休生繼涵吳太孺人墓誌銘五篇懋堂亦不言
及何也

者依此研朱校改其法最為盡善余亦援是例為
是本作札記一卷以呈其壻龔闇齋麗正屬為刊
附其後惜乎其不行也

述學內篇三卷外篇一卷補遺一卷別錄一卷新刊本

國朝汪中撰

中里籍見紀事本末類

乃其所作雜文凡內外篇

四卷皆容甫所自編補遺別錄則其子孟慈喜孫

所編其曰別錄者倣蔡邕外文例也其曰述學者

猶錢漑田學古錄也前有嘉慶乙亥王懷祖念孫

序稱其有功經義者則有若釋三九婦人無主答

問女子許嫁而婚死從死及守志議居喪釋服解

義春秋述義其表章經傳及先儒者則有若周官

徵文左氏春秋釋疑荀卿子通論賈誼新書敘其

它攷證之文皆確有依據可以傳之將來至其為
文則合漢魏晉宋作者而鑄成一家之言淵雅醇
茂無意摩放而神與之合蓋宋以後無此作手矣
未有孟慈跋

心齋詩藁二卷 心齋十種本

國朝任兆麟撰文田講貫經史所著小種書頗夥詩
其餘事興復不淺是編上卷為林屋吟下卷為虎
阜集彭尺木升題其首卷稱其中間意到之作往
往造王韋門庭其性情之際有適相契者非獨虎
賁之似而已惟是東哲補亡已屬多事而文田又
為之一一擬作自稱舉鄉飲之禮者或有取焉其
誰信之而誰從之耶卷末又有何維杓陸景彭績
題辭及全時諸人贈詩

芳茂山人詩錄九卷附長離閣集一卷

平津館叢書附刊本

國朝孫星衍撰吾師著書甚夥其有關於經術小學者皆已付梓行世惟所為詩從未彙刻歿後其弟

南麓

星衡

哀集平日所存編為澄清堂稿二卷續

稿一卷濟上停雲集一卷祖船咏史集一卷治城

絮養集二卷治城遺集一卷治城集補遺一卷凡

九卷亦不能次其先後蓋蒐羅于叢殘之中而略

以類相從耳其詩初效太白昌谷以奇逸勝晚年

冲和靜穆乃近香山求之時人其洪稚存之亞歟

前有自序及唐陶山仲冕石琢堂韞玉二序後各
有其從子壻龔少山慶四跋門人楊芸墅文恭二
跋澄清堂稿及冶城集補遺各冠賦一篇後附長
離閣集為其夫人王采薇撰采薇字玉瑛武進人
宜黃縣知縣光燮女
計詩七十一首詞一首閩縣葉觀國序云其思幽
以沉其言超以隽揚激楚之清音役精空之妙手
此數語盡之矣惜年僅二十四而卒未底于成前
又有曲阜孔廣森序三山張經邦閩縣何森兩
題辭未有其從子壻慶跋其父光燮所撰小傳

暨吾師所撰事狀袁枚所撰墓志銘

問字堂集六卷岱南閣集二卷嘉穀堂集一卷五松園
文稿一卷平津館文稿二卷

國朝孫星衍撰皆其所著雜文始吾師官比部時在
都集十餘年前舊作刊為問堂集及官衮沂道又
彙諸作為岱南閣嘉穀堂兩集客遊江浙時僑居
金陵園有古松因命其文為五松園稿後官德州
糧道復整新舊諸文續刊為平津館稿自為之序
餘姚邵東華又為之後序稱先生之文必源于經
術有裨于世教旁推求通實事求是不依傍門戶

据拾前人緒論以自詡新得博物洽聞通達古今
洵乎其文之工而必傳于後無疑也以上其間字
堂集前有王西泚鳴盛序後有同時諸人贈言吾
師卒後同鄉嚴鐵橋可均又輯其文之未刊者為
冶城山館遺稿見年譜余未之見

校禮堂文集三十六卷

嘉慶癸酉刊本

國朝凌廷堪撰

廷堪仕履見禮類

次仲說經鏗鏗尤精儀禮

著有釋例一書而其為文喜作駢体若散行之作
非其所著意故其書唐文粹後稱昌黎謂為文章
之別派則可謂為文章之正宗則不可也然而攷
經論古之文勢不能運以駢体仍墮入八家科臼
而其文遂獨有千古如集中復禮論好惡說慎獨
格物說論語禮後說諸篇皆見道之言雖戴東原
原善及孟子字義疏証不是過也又所與全時人

諸書亦皆言之有物不拾宋元以後人牙慧真天地間有數文字生平妙解音樂嘗著燕樂考原六卷所有說樂諸篇皆采自燕樂考原者也次仲殁後其門人張聚伯其錦據其初稿而增益之為是集冠以盧抱經文昭初稿序及錢竹汀大昕答書付之剞劂江子屏藩又為之序聚伯并為目錄後跋

稻香樓詩集十卷賦鈔二卷 程氏遺書本

國朝程際盛撰東治勤于著述尤喜作詩各体格調高雅頗近其鄉高青邱徐易穀兩家所附試帖二卷及古律詩賦亦復相題立製藻不妄抒與吳穀人有真意齊諸作堪稱伯仲其以試帖附詩集末亦與穀人集一例也詩集之前有錢香樹陳群阮吾山學潛二序及王西泚鳴盛贈言賦鈔之前有

張少儀鳳孫序

寶書堂詩鈔八卷

上海李氏

慈雲樓刊本

國朝褚華撰

華字秋萼號文洲上海人

文洲少為同鄉曹畏壘所

賞識且走金陵以詩質于袁簡齋曾以雄才目之

蓋文洲疎隼不修邊幅發而為詩離奇恣肆去古

作者不遠宜宿老宗工見之無不斂手相讓也年

近五十縱酒落魄無子而死是集李筍香從其嗣

孫慶林

處鈔得乞姜孺山

兆紳

為之訂定存詩五

百八十二首并為之序以付梓焉

韋廬詩內集四卷外集四卷續藁一卷蠹餘草一卷 知
稼堂刊本

國朝李秉禮撰

秉禮字敬之一字松甫號韋廬松甫臨川人寓居臨桂官刑部郎中

所處祥順無俗務之累而又天假以年為詩酷愛

韋左司故榜其所居曰韋廬嘗于乾隆辛亥初刻

其詩為內集皆高密李少鶴 憲喬 所評定故首首

皆有少鶴評語間為他友所評者亦并存之前有

少鶴暨朱 依頁 秦 瀛 三序後有題詞評跋至嘉慶

戊辰少鶴既歿復取其所未及評定者編為外集

前有自序及陶章為鄧顯鶴二序末亦題詞評跋
至道光壬午又哀其近作為贖稿前亦有顯鶴序
既又檢出舊稿鈔存為囊餘草附刻贖稿之後自
為之序顯鶴稱先生于少鶴才力相埒取徑亦同
性情趣尚若有神合其格律之嚴風骨之峻兩家
所同所微異者少鶴出入于韋而不專于韋先生
神明于韋而不離于韋云

鑑止水齋集二十卷

嘉慶己卯刊本

國朝許宗彥撰

宗彥字子咏號周生德清人嘉慶己未進士官兵部主事

是集凡

詩八卷詞一卷賦及駢體文一卷格調清深詞華
典贍已足擅場傳一卷碑表誌銘一卷行狀哀辭
祭文及贊一卷皆叙事有法惜其好以古地名官
名以文其雅飭其尤可以攷學術者書一卷序
跋書後一卷攷說記解四卷辨原釋議雜說及論
一卷然所與人書八篇皆好與人辨難不顧是非
之公周廟祧攷世室攷一卷亦好與鄭學為難其

前有自序及陶章為鄧顯鶴二序末亦題詞評跋
至道光壬午又哀其近作為贖稿前亦有顯鶴序
既又檢出舊稿鈔存為蠹餘草附刻贖稿之後自
為之序顯鶴稱先生于少鶴才力相埒取徑亦同
性情趣尚若有神合其格律之嚴風骨之峻兩家
所同所微異者少鶴出入于韋而不專于韋先生
神明于韋而不離于韋云

鑑止水齋集二十卷 嘉慶己卯刊本

國朝許宗彥撰

宗彥字子咏號周生德清人嘉慶己未進士官兵部主事

是集凡

詩八卷詞一卷賦及駢體文一卷格調清深詞華
典贍已足擅場傳一卷碑表誌銘一卷行狀哀辭
祭文及贊一卷皆叙事有法惜其好以古地名官
名以文其雅飭其尤可以攷學術者書一卷序
跋書後一卷攷說記解四卷辨原釋議雜說及論
一卷然所與人書八篇皆好與人辨難不顧是非
之公周廟祧攷世室攷一卷亦好與鄭學為難其

他議論攷辨諸篇頗多詆諆近人經學小學宗尚漢學之非而轉有取于宋明人之說甚至謂軒農唐虞之禮孔子固未嘗言且未嘗學使孔子生于今世其所學者不過由明溯宋而止當不遠追三代為無徵之言見卷十此則高明之過徒滋後學之惑耳集之前後尚無序跋蓋最初印行之本云

鑑止水齋集二十卷 嘉慶己卯刊本

國朝許宗彥撰

宗彥字子咏號周生德清人嘉慶己未進士官兵部主事

是集凡

詩八卷詞一卷賦及駢體文一卷書一卷序跋書後一卷攷說記解四卷辨原釋議雜說及論一卷傳一卷碑表誌銘一卷行狀哀辭祭文及贊一卷阮雲臺師為之傳稱其集多說經之文其學說能持漢宋儒者之其周廟祧攷世室攷敘能發韋元成劉歆鄭康成王肅所未能明其他如日行諸解辨王寅旭戴震之誤禮論治論諸篇稽古証今通

達政體文雖不多然皆獨具神識未經人道有補
于聖賢經義者始著于篇異乎俗儒之連篇累牘
卑庸無裨于世者集之前後尚無序跋蓋最初印
行之本余即援師說為定論焉

鑑止水齋集二十卷

嘉慶己卯新刊本

國朝許宗彥撰

宗彥字子咏號周生德清人嘉慶己未進士官兵部額外主事是集

凡詩八卷詞一卷賦及駢体文一卷詞華典贍已
足擅場傳一卷碑表誌銘一卷行狀哀辭祭文及
贊一卷皆敘事有法惜其好以古官名地名以文
其雅飭其尤可以考見學術者書一卷序跋書後
一卷攷說記解四卷辨原釋議雜說及論一卷然
所與人書八通皆好與人辨難不顧是非之公周
廟祀攷世室攷一卷亦好與鄭學為難其他議論

攷辨諸篇頗多詆謫近人經學小學宗尚漢學之
非而轉有取于宋明之說甚至謂軒農唐虞之禮
孔子固未嘗言且未嘗學使孔子生于今世其所
學者不過由明溯宋而止當不遠近三代為無微
之言此則高明之過徒滋後學之惑耳卷之前後
尚無序跋蓋最初印行之本云